

**NATIONAL ASSEMBLY OF  
SEYCHELLES**

*Friday 17<sup>th</sup> November 2023*

*The Assembly met at 9.17am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonzour Manm Onorab. Bonzour nou zofisye Lasanble e nou piblik ki pe swiv nou. Byenveni zot tou pou partisipasyon dan sa lazournen travay, avan nou rebran nou travay Komite lo Bidze, nou a pran en size.

Madanm *Chief Whip*, Onorab Lemiel, in demann mwan laparol, mon donn li laparol.

**HON SYLVANNE LEMIEL**

Mersi Mr Speaker. Bonzour Mr Speaker. Bonzour tou mon bann koleg Manm Onorab isi dan Lasanble e tou dimoun ki pe ekout nou.

Mr Speaker, mon'n vin kot ou pou mon demann ou pou mon *raise en matter* - en size ki mon santi li menm i afekte mwan koman privez en madanm dan Lasanble.

E osi sa size i konsern lo kote nou Clerk Lasanble. Bon,

mon ti a kontan eksprim mon dezapwentman ek langwas anver sa lensidan li menm ki'n arive; kot Onorab Francois Adelaide in fer en komanter deplorab mon kapab dir, e denigran lo Clerk Lasanble Nasyonal.

Pou mwan, sa i pa ti devret arive Mr Speaker. E mon santi ki sa i en labi e osi mon kont li koman en arselman lo en madanm.

Alors Mr Speaker, mon ti a demande ki Lasanble Nasyonal i pran aksyon serye dan sa ka! Mersi.

**MR SPEAKER**

Mersi Onorab Lemiel. Lensidan ki Onorab Lemiel pe refer lo la in ganny met a mon latansyon. Mon'n sispann Onorab Adelaide pou le moman, pandan ki mon konsider aksyon disipliner avek konsiltasyon. Mersi.

Onorab Sandy Arissol in demann mwan laparol.

**HON SANDY ARISSOL**

Bonzour Mr Speaker. Bonzour tou bann Manm koleg Onorab. Bonzour tou dimoun ki a lekout. Mr Speaker, an vi ki sa lensidan i konsern en Manm lo mon kote latab, mon ti a kontan *as Chief Whip LDS Caucus*, kondann sa ki'n arive lo lapar mon *Caucus*.

E tou desizyon ki ou'n pran lo nou kote *Caucus*, nou

respekte e nou swete ki sa sityasyon pa ariv ankor e ganny *deal* avek apropiyeman parey ou'n met, ou'n met nou okouran. Mersi bokou.

**MR SPEAKER**

Mersi Onorab.

**HON REGINA ESPARON**

*(Off-Mic)*

**MR SPEAKER**

Onorab Esparon, ou pa ti'n demann mon laparol, ou pa ti'n demann mwan laparol. Mon fer ou remarke ki i normalman ou devret demann mwan laparol avan nou komans biznes.

*Ok*, me sa lokazyon i enn ki serye e mon ekspekte en reaksyon lo lapar *Caucus* Madanm. Mon donn ou 1 minit pou fer en remark.

**HON REGINA ESPARON**

Mersi Mr Speaker. Mr Speaker, mersi pou donn mon laparol mon osi koman *Chairperson Caucus* Madanm nou kondann sa lensidan, parske sa bann langaz ki'n ganny servi i deplorab.

E mon'n *take it up* personnelman avek Onorab Adelaide. Mersi.

**MR SPEAKER**

Mersi.

**MR SPEAKER**

Mersi. Nou pran tou sa bann komanter an konsiderasyon e mon apresye kondanasyon ki tou lede Manm in aporte lo sa *behaviour*. Mersi.

Onorab *Sergeant* nou a pas dan Staz Komite e Madanm Reporter i ava apel Minis e delegasyon pou nou komans travay lo Bidze.

**MINISTRY OF HEALTH**

**MR SPEAKER**

Bon, bonzour Minis pour Lasante Peggy Vidot. E osi mon swet bonzour ou delegasyon Dr Bernard Valentin, *PS* pour Mr Ebrahim Ali Direkter *National Institute of Health and Social Studies*, Mr Jude Barra *Financial Controller*.

E akote, Madanm Marie Josette Louise Direkter Zeneral pou *Substance Abuse Treatment and Rehabilitation*. E egalman byenveni Miss Astride Tamatave *Comptroller General* e msye e Madanm Ruth Pool *Principal Financial Analyst*, sorti dan biro dan Minister Finans. Mersi pou zwenn nou pou sa konsiderasyon.

Nou la pou pran konsiderasyon Bidze Minister Lasante e pli tar nou pou annan bann lezot antite ki lye avek sa Minister.

Minis, pou komanse nou a ekout ou prezantasyon lo

Bidze Minister Lasante ki trouv lo paz 364 ziska 372 pou en total R121 milyon 542 mil. Minis, ou annan laparol.

### **MINISTER PEGGY VIDOT**

Mersi Mr Speaker. Bonzour Mr Speaker, *Leader* Zafer Gouvernman, *Leader* Lopozisyon, Manm Lasanble Nasyonal, tou dimoun ki a lekout bonzour.

Mr Speaker, pou nou kapab akonpli nou manda sa repartisyon Minister Lasante ki konpri Sekretarya Minister, *NIHSS* ek Divizyon pou Prevansyon Labi Sibstans Tretman ek Reabilitasyon, pou vreman definitivman bezwen sa sonm R121.5 milyon ki Minister pe propoze pou akord nou.

Ladan nou pou bezwen R47.6 milyon pou pey travayer - R51.4 milyon pou pey bann byen ek servis ek R25.5 milyon pou bann diferan proze kapital.

Dan saler, mouvman *staff* poze par logmantasyon Lalwa *National Aids Council*, fer en pti *Cleaners Corporative* e lezot mouvman sorti kot *Health Care Agency* pou vin kot Minister.

Azisteman saler avek sa ki in logmantasyon ki'n annan sa lannen, i kontribye pou sa logmantasyon ki zot a konstate pou lannen konpare avek lannen 2023.

Bann byen ek servis pou lakaz pou bann travayer etranze reparasyon ek *maintenance*, e neselit pou plis provizyon klinikal e lezot provizyon, pou akonplir bann travay dapre nou manda. E kontribye pou sa logmantasyon ki nou konstate.

Bann proze kapital ki Minister Lasante i anvizaze fer pou lannen 2024 i konm swivan.

En landrwa kouver kot *NIHSS* pou bann etidyan kapab servi kan zot pran zot dezennen. Sa i pou kout environ R1 milyon. Avek bezwen pou en laboratwar ki en pe pli gran kot *NIHSS*, sa i o dela sa ki sa *sponsor* pou renovasyon *NIHSS* ti fer pou donn li i ler i ti fer renovasyon.

Sa proze laboratwar pou *NIHSS* i kout aprosan R4 milyon. I annan neselite pou konstrir en nouvo sant pou tretman bann adiksyon sa ki nou pou fer i pran pou apel tretman medikalman asiste, e lezot servis ki nou konekte avek.

Landrwa aktyel kot sa servis pe ofer i tro sere an se moman. Nou napa ase plas pou tou dimoun. Nou napa ase plas pou nou mentenir konfidansyalite e trankilite. E alor bann profesyonnel i pa pe kapab war zot travay an sere,

ou si non i bezwen travay dan diferan landrwa.

An menm tan, nou osi dan en *building* ki sa Departman pe demann nou retournen akoz zot annan bezwen. Avek sa nouvo striktir ki Minister Lasante pou rasanble tou bann profesyonnel lasante mantal e adiksyon, nou pou osi ofer posibilite admisyon mwens ki 24er dan sa dan ka ki en dimoun i vin avek en maladi e ki bezwen fer en serten kalite obzervasyon.

Sa sant pou fonksyon a kolaborasyon avek Lopital Sesel avek Lopital Lizour North East Point avek *Wellness Centre* Les Cannelles. Nou espekte ki finansman pou sa proze pou sorti aletranze.

Gouvernman Sesel pou met aprosan 1milyon pou sa proze. E proze total i ganny estimen pou vin en total 14.5 milyon. Minister pe osi anvizaze fer renovasyon lo santans Anse Boudin Praslin pou ofer servis adiksyon ki nesese lo Praslin.

Nou pou komans avek sa ki nou pe apel en Lopital Lizour. E depandan lo bezwen e lo kapasite disponib, nou pou gradyelman ofer lot servis laba. Renovasyon lo sant Anse Boudin, pou kout environ R3 milyon dapre estimasyon.

Mr Speaker, fodre dir ki ozordi, an sa ki konsern lasante mantal e adiksyon, enn nou bann pli gran defi se resours imen.

Nou napa sifizaman resours imen ki spesyalize dan sa domenn pou ouver ofer servis lo nivo ki nou ti a dezire.

Alor nou pe fer sa ki nou kapab avek resours ki nou annan pou ofer sa servis pou sa 2 problem ki nou annan mantal e adiksyon.

*NIHSS* in fini ganny direktiv pou zot devlop en program pou *train* bokou plis *counsellors* e nou espekte ki bann dimoun ki ganny sa formasyon evantuelman zot pou kapab byen kontribye pou ofer tou bann program lasante mantal, e adiksyon ki nou, nou konnen nou bezwen.

Avek sa 2 mo Mr Speaker, mon ti a kontan envit bann Onorab pou aprouv Bidze Minister Lasante. Mersi bokou.

### **MR SPEAKER**

Mersi Minis. Byen, tre byen nou a komans avek entervansyon bann Manm, bann Manm remarke ki nou annan 3 antite dan sa Bidze nou pe premyerman pran dan Bidze Minister Lasante koman administratif Minister.

Minis, koriz mwan si mon mal, mon sirtou konsernen avek *Health Care*

*Agency* pou fer remarke ki tou bann kestyon lo lopital, servis lasante bann klinik bann sant rezyonnal i tonm anba *Health Care Agency*, e ki bann kestyon i ava ganny pran dan sa peryod.

So bann Manm tenir sa an kont nou a komans avek entervansyon bann Manm e pou fer li senp nou a fer en kestyon dan premye *round*. E mon promet zot otan ki letan i posib nou pou pran dezyenm kestyon. Onorab Labrosse?

### **HON RICHARD LABROSSE**

Bonzour Mr Speaker. Mersi. Bonzour Minis ek ou delegasyon. Bonzour mon bann koleg ki isi prezan e osi bann dimoun ki a lekout.

Mr Speaker, avan mon demann mon kestyon byensir mon ti a kontan felisit Minis pou sa travay ki ou pe fer dan Minister Lasante.

Avek nou tou nou konnen ki i annan bokou defi ki ou pe rankontre byensir. E koman en madanm, mon krwar e koman en dimoun sorti dan mon distrik Mr Speaker, mon ti a kontan dir Minis ki mon vremen fyer pou li pou sa kouraz ki i annan.

Mr Speaker, mon kestyon pou Minis prezan ler nou pe koz lo sa travay ki zot in fer dan Minister Lasante tou sa bann defi ki vin avek, mon'n

war dan ou *major achievement* 2022-2023.

Sa travay *achievement* zot in fer pou rezilyans kont *COVID-19* ek sa lepidemi li menm, ki'n fer pa mal dega dan nou pti pei Sesel e osi dan lemonn an zeneral. Minis, mon kestyon ler mon pe get ou Bidze ki ou'n gannyen la ek bann nouvo lepidemi ki pe antre la mon krwar semenn pase mon war Minister Lasante in fer sorti ankor en notis.

Eski sa Bidze la ki ou pe ki nou pou al vot pou ou la ozordi, eski i annan travay ladan, i annan larzan ladan ki pou kontinyen li menm pou fer ki loperasyon ou Minister, fer fas ek sa bann lepidemi ki pe vini?

Ki zot in vremen pare pa zis avek mendev osi avek osi diferan resours, ki si sa Bidze li menm pou aporte pou ou. Mersi Mr Speaker.

### **MR SPEAKER**

Mersi Onorab. Minis, repons.

### **MINISTER PEGGY VIDOT**

Mersi bokou Mr Speaker. Mersi Onorab. Onorab Bidze Lasante dan nenport ki pei, sirtou kan zot en pei i annan en sistenm lasante ki lasante i gratwit. I ava kapab dir letan ou pe demann dimoun ki travay dan Minister i pa zanmen sifi.

Me selman sa ki nou'n gannnen, i parey dan sa lannen nou'n fer nou mye pou nou kapab adres li. Wi, i annan nesesite pou nou toultan annan en serten preparasyon, akòz nou pa konnen ki kalite lepidemi, ki kalite pandemi ki nou kapab gannnen.

Selman dan Bidze *Public Health Authority*, nou ava war en serten kantite larzan ki'n ganny mete pou prevansyon. E prevansyon nou fer partou, me nou pa kapab *forecast* kan ki nou pou annan en lepidemi.

Nou konnen ennler nou annan *outburst* parey nou annan an se moman. Me selman wi, nou panse nou'n met en pe larzan dan *Public Health Authority* pou nou kapab adres sa bann *issues*. Mersi.

### **MR SPEAKER**

Mersi. Onorab Labonte?

### **HON ANDY LABONTE**

Mersi Mr Speaker. Bonzour Minis avek *panel*. Bon Minis, mon osi mon anvi felisit ou lekip, pou sa travay ki zot pe fer. I vreman remarkab mon poudir zot kontinyen lo, lo menm laliny.

Mon kestyon i plizoumwèn lo *DSEPTR*; akòz i en landrwa kot mon vreman konsernen avek. E mon travay bokou avek sa bann, sa bann

pasyan si oule. So ler mon pe get Bidze li menm li avek ou petet ou plan stratezi, petet Minis, eski ou santi ki si oule an term *of* lafason ki zot pe al pran.

Larzan ki ou pe gannnen la avek ou bann stratezi ki ou annan, i sifi pou ou kapab met an plas bann nouvo mezir pou kapab vreman anmenn en diferans dan sa domenn li menm li?

### **MR SPEAKER**

Mersi Onorab. Minis?

### **MINISTER PEGGY VIDOT**

Mersi Mr Speaker. Mr Speaker, wi. nou kapab fer serten travay avek Bidze ki nou'n gannnen pou nou amelyor sityasyon e anmenn en pe plis tretman, plis provizyon pou sa bann dimoun ki annan sa maladi.

Mr Speaker, si ou permet mwan, mon a demann *PS* pou azout lo sa ki mon'n dir. Mersi.

### **MR SPEAKER**

*PS* ou annan laparol.

### **PS BERNARD VALENTIN**

Mersi Mr Speaker. Mersi Minis. Sa ki sa Bidze ki *DSEPTR* i gannnen i annan en vole prevansyon i annan en vole tretman e i annan en vole reabilitasyon. E sa se travay ki *DSEPTR* i fer li. Me selman pou nou adres problem

adiksyon drog dan Sesel, sa travay i al byen odela dan sa ki *DSEPTR* i fer.

Par egzanp louvraz prevansyon i bezwen fer, i bezwen fer partou dan lekol dan lafanmir dan lakominote. E si nou pou ganny rezilta lo sa lalit kont drog, en kantite sa bann louvraz i bezwen ganny fer an deor *DSEPTR*.

*DSEPTR* dan serten sans i anmas problemm, letan problemm in fini arrive. Me pli enportan ki rezourd problemm letan problemm in fini arrive.

I fer sa bann prevansyon partou dan pei dan lakominote dan lekol dan fanmir, pou nou kapab rezourd sa problemm drog, ki vre i konsernan, i konsernan pou nou tou.

Bon, dan *DSEPTR* nou annan en *unit*, ki nou apel *Unit* Prevansyon avèk Ledikasyon. Zot fer en kantite program dan lekol, zot al dan lekol zot al en pe partou zot fer menm kot Lapolis zot fer *training* tou sort kalite *training*.

Me dan sa *unit* i annan tre pe dimoun i annan, i annan 2 dimoun epi zot travay avèk lezot ankor. Donk, sa 2 dimoun pa ase pou fer tou prevansyon ki i bezwen fer lo kote drog ek lalkol.

So mesaz ki nou pe sey montre la, se ki wi, problemm drog dan nou pei i serye i grav me selman travay prevansyon

i bezwen fer byen odela de *DSEPTR*.

Nou, nou fer en kantite bann travay profesyonnel teknik, e sa larzan ki nou gannyen i ed nou rezourd en pe problemm. Me parey Minis in dir, pou kapab vreman fer en lenpak nou bezwen bokou plis ki sa an term resours imen.

E *right now*, nou napa tou resours imen ki nou bezwen pou adres sa problemm drog dan nou pei. Mersi.

### **MR SPEAKER**

Mersi *PS*. Mon a pran en kestyon sa kote. Onorab Gabriel?

### **HON CONRAD GABRIEL**

Mersi Mr Chair. Bonzour tou dimoun a lekout. Dabor avan mon komanse si oule, mon ti a remerci tou travayer Lasante dan distrik Pointe Larue.

Mon swete ki sa Minister pou pran ka ek zot, okip zot, pran swen ek zot e devlop zot profesyonnelman *in the end who cares for the carers?*

Minis, mon zis pe demande ki *way forward* an term Polisi ki zot pe pran, pran ka ek bann travayer Lasante espesyalman lo kote *scheme?* Bokou travayer pe donn tou e pe fer sir ki zot *take care of* tou dimoun.

Zis mon demande ki, ki zot annan an prensip *the way*

*forward, pou take care of sa bann dimoun. Mersi.*

**MR SPEAKER**

Pou *scheme of service* ou pe dir?

**HON CONRAD GABRIEL**

Yes Mr Speaker. Mersi.

**MR SPEAKER**

Ok. Minis, repons?

**MINISTER PEGGY VIDOT**

Mersi Mr Speaker. Nou annan en Polisi ki nou pran ka avek tou travayer Lasante dan lafason ki nou kapab fer li.

Nou fer sir ki kan nou annan keksoz ki pa neserman toultan finansyer, me lezot benefis non finansyer ki nou santi i osi ede pou lev moral pou kapab amelyor zot landrwa travay e zot byennet.

Alor pou sa, nou annan diferan keksoz e nou, nou kontinyen tou le ran, tou le lannen regarde ki sa ki nou kapab pe fer plis. Par egzanp tou travayer Lasante ki fini travay *evening* zot ganny transpor *free* pou al dan lakour.

Travayer Lasante ki travay aswar zot ganny en *meal allowance*. Travayer Lasante nou annan diferan program e nou enn nou gran *focus* sa lannen e lannen prosenn, pou le moman en *way forward* se pou ede pou

amelyor zot konesans e refer fer diferan kalite program pou sa.

Nou pe regarde, aköz nou santi poudir byennet en dimoun i bezwen toultan ganny war; nou pe fer en, en *gym* pou travayer Lasante. So, i annan diferan keksoz ki nou pe fer.

Ou'n koz partikilyerman lo *scheme* e parey in ganny dir toultan nou war *scheme*, firamezir ki nou lespas fiskal i permet.

Kan lespas fiskal i permet nou regard enn de konponan lo en *scheme*, nou fer li. Kan lespas fiskal i ava permet nou pou nou fer en, en revi konplet lo *scheme* nou ava fer li.

Me pou *way forward* se sa ki nou pe fer firamezir nou war nou annan en lespas fiskal, nou pe osi war *scheme* dan sa fason. Mersi Mr Speaker.

**MR SPEAKER**

Mersi Minis. Onorab Bistoquet?

**HON ROSIE BISTOQUET**

Mersi Mr Speaker. Bonzour Mr Speaker. Bonzour Minis avek ou delegasyon. Mon osi koman mon bann koleg mon pou felisit Minister Lasante e tou travayer Lasante ki'n annan sa devosyon avek sa kouraz pou anmenn servis



avek swen kot, kot tou dimoun.

Akoz Lasante i en servis ki travay 24 lo 24. E sirtou dan bann letan kot i annan lepidemi pa fasil pou sa bann Minister Lasante aköz, pou sa bann *staff* Lasante.

Akoz mon osi mon'n travay dan Lasante pou plis ki 40an mon konnen ki zot douler so *keep it up* mon, mon felisit zot. Minis, anba ou *current challenges* mon war ou, ou'n met i annan 1 *bullet number 2*.

Ou pa pe kapab *recruit human resources* ki ou bezwen aköz napa dyob lo marse lokal. Prezan letan mon pe get dan ou *SP Admin other services use and services* mon war i annan *foreign consultancies* avek *local* tou.

Eski ou santi enn i annan 456 mil avek 360 mil, vi ki napa sa marse lokal eski ou santi sa larzan ki ou'n gannyen i ase? E ki si i pa ase ki, ki mannyer ou santi ki ou kapab petet anmenn en pti pe plis resours imen pou kapab travay avek bann dimoun dan Lasante, donn swen? Mersi.

### **MR SPEAKER**

Mersi Onorab. Minis.

### **MINISTER PEGGY VIDOT**

Mr Speaker, si mon kapab demann *PS Valentin* pou reponn silvouple.

### **MR SPEAKER**

*PS* ou annan laparol.

### **PS BERNARD VALENTIN**

Mersi Minis. Mersi Mr Speaker. Bon, *foreign consultancies* normalman i pou bann dimoun ki vini a kourt term i fer bann pti travay epi zot ale. Me selman nou, nou *challenge* resours imen i pa bann *challenge* kourt term. *Basically*, i bann resours imen ki nou bezwen pou la pou fer bann program lo en baz kontinyel.

So nou pe adres sa diferan fason nou pe donn nou bann dimoun menm *training*. Par egzanp sa lannen i annan apepre 7 dimoun ki'n ale pou fer bann *training* en pe pli avanse finanse par Gouvernman Sesel.

Nou pe osi fer serten *training* avanse kot *NIHSS*, kot i annan program ki'n soumet pou *NIHSS* travay ek bann liniversite deor, pou kapab ofer sa bann *training* adisyonnèl ki nou bann *staff* i bezwen.

E nou pe osi travay ek bann lorganizasyon enternasyonal pou war si zot, zot pa kapab pret nou resours imen pou en pe letan. Annefe i annan *CDC Africa - CDC Africa* ki fek tonm dakor pou anvoy 3 zot dimoun isi kot

Minister, pou travay pou en peryod 9 mwan pou nou.

Pou ed, pou siport nou *Surveillance Unit* pou siport osi bann travay ki nou bezwen fer lo kote *digital maturity*. Savedir bann, bann keksoz ki nou bezwen fer pou met an plas nou bann striktir e prosedir pou nou *IT* sistenm ki nou pe ankor devlope - *health information system*.

Bon, i en pe tousala ki nou pe fer an menm tan pou nou kapab, pou nou kapab konble sa mank ki annan dan resours imen vwala. Mersi.

### **MR SPEAKER**

Mersi PS. Onorab Aglae?

### **HON EGBERT AGLAE**

Mersi Mr Speaker. Bonzour Minis avek ou *panel*, Dokter. Minis, mon ti a dabor zwenn pou swet kouraz tou nou bann travayer Lasante, e nou dir zot mersi pou sa bann bon travay ki zot in fer sirtou dan peryod ki nou ti annan *COVID*.

Minis, mon kestyon i konsern ou Polisi Minister Lasante li menm li. Zot annan en Polisi ki dat ki pou ale ziska le 26 e kot i konsern larzan ki pe ganny mete - ou kapab dir - nou kantite larzan ki zot pe envestir kot i konsern linovasyon dan promosyon lasante.

E enn ou bann *priority areas* ki ou'n *set*, se ou'n dir ki

oule ogmant depans dan metod prevansyon lo sirtou lo nivo *primary health care*. So dan Bidze li menm li, Minis, mon ti a kontan petet akoz souvandfwa sa bann keksoz i ganny mete lo papye me selman napa en resours ki atase avek.

E letan ou koz avek bann dimoun ki pe fer *health promotion*, zot touzour pe dir ou i annan mankman resours. E nou tou nou konnen poudir prevansyon i pli bon ki gerizon.

So baze lo sa Minis, petet eski Minister pe get sa priyorite serye pou kapab met *additional resources* kot i konsern prevansyon e promosyon avek son linovasyon kot i konsern lasante piblik? Mersi.

### **MR SPEAKER**

Mersi Onorab. Minis?

### **MINISTER PEGGY VIDOT**

Mersi Onorab pou ou kestyon. Wi, mon toutafe dakor ki prevansyon i enportan e pou nou i en priyorite. Ou pe demande si nou met ase sifizaman resours dan prevansyon?

Prevansyon i en keksoz ki ganny fer a tou nivo, e alor i pa toultan fasil pou nou *cost* li. Prevansyon i pa zis dan sistenm lasante letan en dimoun i vin klinik ou si non i

pa zis ganny fer par *health promotion*.

Prevansyon i fer a sak enstan ki i annan en rankont avek en travayer. I ganny fer dan lekol, i ganny fer dan landrwa travay. Akoz si ou regarde prevansyon nou annan *PS* fek dir poudir nou travay avek tou dimoun dan sekter par egzanp pou prevansyon adiksyon. I menm keksoz.

Nou annan en gran program dan lekol pou *school health*. Nou annan en gran program lekol pou *dental health* tousala i prevansyon. Nou annan en gran program ki nou fer dan landrwa travay *well, well place wellbeing*.

Nou annan en gran program prevansyon dan nou sante primer. So wi, i nou priyorite e nou kontinyelman fer li e nou demann a sak menm kanpanny ki nou fer i pe *still part of* prevansyon.

So, i tousala i kot i annan prevansyon e parey mon dir pou kout tou sa i pa en legzersis ki nou'n fer ziska mentnan. Me pou *health promotion* wi i posib i annan serten resours ki zot manke parey dan diferan landrwa.

Me nou pe fer nou mye, pou nou kapab arive kouver sa bann keksoz. Mersi.

#### **MR SPEAKER**

Mersi Minis. Onorab Mondon.

#### **HON TERENCE MONDON**

Mersi Mr Chair. Bonzour Minis avek ou lekip. Mon kestyon i konsern *other service agreements* mon war ki sorti 679 mil pou vin 2.3 milyon. Zot kapab donn nou leksplikasyon akoz sa logmantasyon? Mersi Mr Speaker.

#### **MR SPEAKER**

Mersi. Minis oubyen ou *panel*.

#### **MINISTER PEGGY VIDOT**

Mr Speaker, si mon kapab demann *PS* pou adres sa bout silvouple?

#### **MR SPEAKER**

*PS?*

#### **PS BERNARD VALENTIN**

Mon annan detay, fodre mon rod li en pti moman Mr Speaker.

#### **MR SPEAKER**

*Ok*, annou kontinyen avek en lot kestyon. E nou a retourn lo kestyon Onorab Mondon apre sa. Onorab Lemiel?

#### **HON SYLVANNE LEMIEL**

Mersi Mr Chair. Bonzour Minis avek ou delegasyon. Minis, ou'n annan ou 3 priyorite stratezik ki ou'n mete pou lannen 2024 a 2026. E mon ti a kontan konnen lekol

ki ou priyorite dan sa 3 ki ou'n mete?

E ki konponan bidzeter ki ou annan dan Bidze 2024, ou'n mete pou ou kapab *achieve* sa priyorite stratezik ki ou santi i priyorite pou ou Minister? Mersi Mr Speaker.

### **MR SPEAKER**

Mersi Onorab. Minis?

### **MINISTER PEGGY VIDOT**

Mersi Mr Speaker. Mersi Onorab pou ou kestyon. Onorab, i annan 3 priyorite e parey en kantite keksoz dan Lasante tousala i si oule *interlinked*.

Ou bezwen resours imen pou ou kapab al fer diferan travay. So resours imen i en priyorite ki al dan keksoz. Nou bezwen devlop diferan parey ou dir diferan Polisi kontinyelman kapab regarde, ki nou Polisi i anliny avek sa ki pe arive dan devlopman lasante nou pei. Alors sa osi i vin priyorite.

E ki manner nou *innovate* keksoz ki nouvo ki keksoz nou bezwen resanze nou en pli bon *outcome* e *improve* nou bann *statistics* nou bann endikater lasante.

So si oule tou le 3 sa i ou bezwen dimoun pou fer li, ou bezwen pe travay an relasyon avek tou dimoun. So, i - mon pe rod sa mo *interlink*, alor a met ou en priyorite. Ki resours

nou'n mete wi, tou resours par egzantp devlopman resours imen i pou ed nou pou aranz sa.

Ki resours ankor nou'n mete pou ler nou pe re, revwar program, re aranz program dan diferan bout program dan Lasante, pa neser dan Minister *itself* me dan *Public Health* e dan *Health Care Agency*; tousala i larzan ki nou pe servi, pou nou arive aranz nou Polisi, aranz nou stratezi, amelyor konesans e konpetans nou bann travayer.

So an gran, wi i 3 priyorite ki si oule i devir lo tou, tou servis lasante dan *Public Health* dan *Health Care Agency* dan *DSEPTR*. E alor resours monneter Bidze i en pe eparpiye partou. Mersi.

### **MR SPEAKER**

Mersi Minis. Onorab Woodcock. *Ar sorry* les mon a pas lo *PS* pou kestyon Onorab Mondon avan.

### **PS BERNARD VALENTIN**

Mersi Mr Speaker. *Other service agreements* i prensipalman kot *NIHSS* ek *DSEPTR*. I annan kontra nouvo pou bann *cleaning* pou *Cleaners* pou *cleaning contracts*.

I osi annan kontra pou bann *part time nurses*, *pharmacist*, *dispenser*, *handyman*, *landscaper*,

*customer care* bann keksoz koumsa. So tou sa bann *service agreements* ansanm i ariv sa sonm adisyonnèl. Mersi.

**MR SPEAKER**

Mersi PS. Onorab Woodcock?

**HON WAVEL WOODCOCK**

Mersi Mr Chair. Bonzour Minis ek ou delegasyon. Mon kestasyon i baze i ganny trouve anba *PSIP* proze kapital. Annefe ti annan nesesite pou en sant apropiye bann nou bann zenn, nou bann dimoun ki'n malerezman tonm anba lenfliyans bann, bann *hard drugs* sirtou.

E dan Bidze i annan sa *building of renovasyon of Anse Boudin center for addiction*. I annan en *total budget of* R4 milyon me 3 milyon pou komans travay lo sa sant an 2024 e 1 milyon an 2025.

Mon ti a kontan si Minis petet i kapab donn nou en pe plis lenformasyon, lo *scope of work* ki kalite travay ki pe al ganny fer lo sa sant e ki bann servis ki pou ganny ofer dan sa sant?

E osi an pasan, zis les mon remersye zot pou fer provizyon sa bes sa *methadone van* pou Praslin. Mersi bokou.

**MR SPEAKER**

Mersi. Minis.

**MINISTER PEGGY VIDOT**

Mr Speaker, mon ava demann PS pou reponn sa kestasyon silvouple.

**PS BERNARD VALENTIN**

Mersi Minister. Mersi Mr Speaker. Nou'n al vizit sa sant mon avek *DG DSEPTR* e nou'n war son leta. Annefe *right now*, se sa *building* li menm ki demann renovasyon. Bokou son bann laport lafnet in kase. I annan osi trou dan son twa, i annan en pe problem osi avek son bann *toilets*. Bokou son bann *toilet's* ki ti la i bezwen ganny refer konpletman.

Donk, tou sa bann travay ansanm nou pou bezwen fer avan ki nou pou kapab komans ofer bann servis ladan. Me selman nou, nou lide nou, nou lentansyon se pou letan in fini fer sa renovasyon avek led *SIA*, nou lide se pou *turn* li *into* sa ki nou apel en Lopital Lizour.

Savedir bann dimoun ki annan bann problemm adiksyon i vini la i ganny servis pandan, pandan lazournen apre zot al se zot. I annan kekfw ki pou lo en program 1 mwan, so pandan 1 mwan toulezour i pou vini la i pou ganny sa servis diferan kalite servis ki pou donner parey bann profesyonnel, retourn dan lakour retournen lanmen eksetera, eksetera.

Nou pou osi annan posibilite fer *counselling* la, pou bann dimoun ki pou bezwen *counselling* e ki reste dan sa rezyon. Akoz napa lot landrwa kote Praslin pou nou fer sa travay.

Sa bis ki nou annan ki lo Praslin ki nou pe fer en pe *counselling* ladan e nou pou kontinyen fer sa. Me selman i neselit en landrwa en pe pli *fix* osi pou nou fer sa servis. So prensipalman i pou en Lopital Lizour, me i pou annan posibilite pou nou agrandi servis.

An mezir ki nou al e nou war demann ki annan lo Praslin pou sa landrwa. mersi.

### **MR SPEAKER**

Mersi PS. Onorab Loze?

### **HON JOHAN LOZE**

Mersi Mr Speaker. Bonzour Mr Speaker. Bonzour Minis avek ou delegasyon. Minis, mon anvi re vizit size ki'n ganny eksplere par Onorab Conrad Gabriel.

Dabor nou komans par felisit e remerci tou nou bann travayer Lasante, enkli *panel* ki la devan Minis avek Minis e Minis tou li menm pou sa travay ekselan ki zot in fer e ankor pe fer.

Minis, transportasyon ti la *allowance* manze ti la *it's more of the same*. Pa sa ki nou

pe sey rode nou. Nou pe sers Polisi ki kapab an globalizm byennet travayer Lasante pos COVID e pre tou bann lezot lepidemi pandemi.

Bann sityasyon eksepsyonnel ki *arise* ki kapab *burn zot out* parey nou tou nou rekonnet realize e aksepte zot in ganny *burned out*, par COVID.

Minis, i pa en latak politik ki mon pe fer mon pa pe target LDS mon pe target realite mondyal ki nou pe viv ladan ozordi. Minis, ou bann travayer pe *need to be taken cared of?*

Nou kestyon *who, how, under what Policy will they be taken cared?* Depi zot saler, depi en dimoun pou koz avek zot depi zot swen lasante mantal, spirityel, fizik. I annan en kantite zot, zot pe trenn bann mo ki ti napa avan.

I annan en kantite zot, zot zis bezwen en dimoun pou asize koz avek zot. Rezon ki mon konnen akoz mon koz avek. Minis, zour ou ti fer sa rankont ICCS pou remerci zot mon ti pas mon letan deor dan *car park* pe koz avek travayer.

E sete sa zour ki mon ti realize ki i annan zot, zot pa *ok!* Bokou ou bann travayer ozordi zot pa *ok!* *All we want to know* ki Polisi ou pe travay lo la; ki resours ou pou serse pou pran ka avek nou bann ki

pran ka avek nou? Mersi Minis.

**MR SPEAKER**

Mersi. Wi, parey Onorab in fer remarke kestyon *welfare staff*, *welfare* travayer Lasante in ganny adrese. Mon apresye ki sa i en kestyon konsern. Minis, san ki ou bezwen repet sa ki ou'n dir, si ou annan keksoz pou azoute lo ki manner ou pou antreprann *welfare* travayer silvouple nou a sey fer sa size kler.

**MINISTER PEGGY VIDOT**

Mersi Mr Speaker. Mr Speaker, zis pou mon redir poudir *welfare staff* Lasante i nou konsern e nou fer tou sa ki nou kapab pou nou kapab adrese. Kekfwa en keksoz ki mon pa'n dir, se ki ou'n demann spesifikman ki manner nou pe regard zot lasante pos *COVID*.

Wi, nou annan en program *wellness* pou *staff* - en *workplace program* ki nou pe komanse pou nou kapab fer zis sa. War bann *staff* ki pa byen, donn zot sa lasistans psikolojik bann ki santi zot i an bezwen.

E nou en keksoz ki nou pe travay ansanm avek *occupational health*, i annan en group, en group ki nou'n met ansanm sa lannen ki pe travay lo la. So wi, nou pe fer keksoz pou nou adres *welfare*

*staff* Minister Lasante. Mersi Mr Speaker.

**MR SPEAKER**

Mersi. Onorab William?

**HON WAVEN WILLIAM**

Mersi Mr Speaker Mr Chairman. Bonzour Minis avek ou delegasyon. Mr Chairman, mon zis pe demann Minis anba *the Administrative and Policy Minister*, si i kapab enform Lasanble, par lefe ki nou pe koz lefikasite dan servis, a ler aktyel konbyen i *qualified* ners zot annan?

E dezyenmman konbyen asistan ners? E eski zot pe mazin *recruit foreign nurses* a lavenir, pou kapab donn sa pli meyer servis? Par lefe ki nou annan nouvo Lopital La Digue an menm tan nou pe mazin fer nouvo lopital dan lavenir.

*So, what is the human resources plan? Thank you.*

**MR SPEAKER**

*Thank you* Onorab. Minis, ou adrese?

**MINISTER PEGGY VIDOT**

Mr Speaker, si ou permet mon nou ava pran sa kestyon letan nou diskit *Health Care Agency* akoz se zot ki anploy lamazorite ners. Nou ava reponn sa kestyon Onorab *then*. Mersi.

**MR SPEAKER**

Mersi. Onorab, zis tenir sa kestyon mazin li nou a rebran li. Onorab Vidot?

**HON AUDREY VIDOT**

Mersi Mr Chairman. Mr Chairman, premyerman mon le osi zwenn avek mon bann koleg, pou mwan felisit tou bann travayer Lasante ki pe fer tou zot mye posib pou zot donn en bon servis. Me parkont mon oule fer resorti dan sa kestyon ki mon pe al demande. Letan mon pe regard zot *strategy*, zot dezyenm stratezi kot i pe koz lo, lo *monitoring and evaluation* lo bann lenstitisyon dan lasante.

Ki zot Departman dan Minister Lasante, i bezwen *oversee*. Dir nou aköz anliny avek kestyon Onorab Loze, dir nou ki dan mon'n war zot pe fer *recruitment* ki bann nouvo travayer oubyen nouvo striktir ki zot pe met an plas, pou asire ki zot *meet* sa *strategy* ki zot in mete.

Pou ki nou bann - nou bann lenstitisyon Lasante, i ganny tou sipor neserer e byen ganny evalye pou ki piblik partou kot nou pase, par aret kritik nou sistenm Lasante. E donn sipor nou bann travayer ki bezwen e osi bann lekipman bann bezwen ki nou bann lenstitisyon i bezwen atraver sa Bidze? Mersi.

**MR SPEAKER**

Mersi, Onorab. Minis, ou annan laparol oubyen ou *panel*.

**MINISTER PEGGY VIDOT**

Mr Speaker, *PS* ava reponn silvouple.

**MR SPEAKER**

*PS thank you.*

**PS BERNARD VALENTIN**

Mersi Minister. Mersi Mr Speaker. Bon, *monitoring and evaluation* dan sa konteks, i vedir *monitoring and evaluation of* sa ki nou apel bann *macro indicators*. Pou gete ki mannyer nou pe fer nou, koman en Minister lo nivo Lasante.

Konpare avek lezot pei. Me selman i vre dan Minister nou bezwen osi fer travay pou *monitor* tou bann lenstitisyon Lasante, ki annan dan pei enkli nou menm.

So, sa travay i fer par *Public Health Authority* normalman, so se *Public Health Authority* ki sipoze pe gete si Minister koman en, en antite ki pe ofer servis i anliny avek bann standar ki ganny rekomande zeneralman.

E sa menm keksoz i fer pou bann klinik prive pou bann farmasi prive eksetera, eksetera. Donk, i vre ki menm a lenteryer Minister kot nou, nou war defayans dan bann



keksoz ki nou ofè. E demann serten rektifikasyon.

Par egzanp, kot nou demande par egzanp kot si par egzanp kot, kot prive nou pe demande ki annan *ABCD* idealman kot Minister osi i bezwen annan sa *ABCD* ki nou demande kot prive.

Me selman sa ki nou pa ankor fer nou koman en pei, se ki nou pa ankor vreman kapab definir kisisa egzakteman ki en lopital i devret annan, pou fonksyon lo standar pa ankor definir. Nou napa en dokiman sa.

Nou napa en dokiman ki dir kisisa ki enkli nou klinik prive, i bezwen annan absoliman pou li fonksyon lo sa standar ki nou, nou sipoze ekspekte.

I annan serten standar ki nou'n mete pou kapab ouver en klinik. Me selman nou santi poudir nou bezwen al bokou pli lwen ki sa e sa i en travay ki *Public Health Authority* in komanse e i pe travay avek bann lezot *regulators* dan lemond pou kapab etabli.

I en travay ki kompleks ki gro me selman mon konnen poudir *Public Health Authority* i annan sa dan son vizyon. E i en keksoz ki i pou pe adrese tre, tre byento. Mersi bokou.

### **MR SPEAKER**

Mersi PS. Onorab Cosgrow?

### **HON WALLACE COSGROW**

Mersi Mr Speaker. Bonzour Minis. Bonzour *panel*. E bonzour tou Manm e tou dimoun ki pe ekout nou. Minis, mon kekyon pou *panel* bomaten pou ou, i an relasyon avek nouvo manda ki zot in gannyen an 2021.

An se ki konsern program reabilitasyon drog, lalkol e tou sa program reabilitasyon tretman e labi sibstans. *Now*, mon pe get dan zot bann *strategic priorities*, mon konnen zot pe zer sa *National Drug Control Master Plan*.

Me mon pe get dan zot bann *strategic priorities*, e mon pa pe war si oule sa viger si oule an term Polisi an term stratezi. Ki zot pe mete akoz nou konnen poudir problem labi sibstans sirtou drog, mon sipoze lalkol osi, i en gro, gro problem pou nou sosyete; gro, gro problem pou nou sosyete.

Me selman mon pa pe war sa viger ki zot pe mete, an term Polisi stratezi pou nou *deal* avek sa sityasyon. En legzanp par egzanp, ki zot pozisyon?

Mon pa pe war zot pozisyon par egzanp lo bann tretman reabilitasyon kot bann dimoun i al rezidansyel.

Ti annan bann lanvi avan pou nou kapab fer *residential*

*center* ki enkorpor tou keksoz, kot dimoun i ale i reabilite i reste pou en pe letan 18 mwan posibleman kot sa bann dimoun i ganny re entrodwir avek bann nouvo *life skills*.

Ganny entrodwir avek nouvo keksoz i kapab fer pou travay, ki ler zot sorti zot kapab entegre pli byen dan la sosyete. Akoz ozordi *as it is, the methadone program is the methadone program*. E zot ganny en *methadone* bomaten, apre midi zot sey al travay apre zot tonm ankor. So ki zot stratezi zot Polisi mon pa war nanryen *residential*.

Par kont dan Bidze, mon war en *1.4 million* pou *housing*. Si zot kapab donn nou en pti pe leksplikasyon ki sa *housing*? Eski i pou en rezidansyel pou bann dimoun ouswa pou pei pou landrwa reste pou bann ki donn tretman? Mersi.

### **MR SPEAKER**

Mersi. Onorab. Minis?

### **MINISTER PEGGY VIDOT**

Mersi Mr Speaker. Mersi pou ou kestyon. Mon pou demann PS pou adres *issues* nou gran plan, nou vizyon pou nou adres sa konsern ki ou'n fer sorti lo size adiksyon.

Poudir si i pa reflekte la wi nou annan. E PS Mr Speaker i ava dir sa bout. Mersi.

### **MR SPEAKER**

PS.

### **PS BERNARD VALENTIN**

*Well*, normalman dan Bidze Mr Speaker letan i dir *housing* i *housing* pou *staff*. *Unless* mon *wrong*, sa *housing* i normalman i pou *staff*, *housing* pou *staff*.

Me selman nou plan, *ok* pou bokou lannen nou'n travay lo sa *National Drug Control Master Plan* ki pe ariv a son lafen la an Desanm 2023. Donk, i annan 3 lorganizasyon ki'n dir nou, nou anvi vin ed zot pou fer zot nouvo *master plan*.

I annan *World Bank*; i annan *UNODC*; i annan *WHO* tou le 3 zot anvi ed nou. Donk nou, nou'n dir tenir en kou pou le moman akoz i annan serten keksoz ki nou anvi met an plas.

Par egzanp *right now* i annan Oditer Zeneral, nou Oditer Zeneral ki pe fer en *performance audit* lo sa ki *DSEPTR* in fer. In fer depi ler i egziste koman *APDAR*, *DSEPTR* - i pe fer sa *performance audit*.

Pe gete ki sa ki'n al byen ki sa ki'n al mal avek nou, nou *methadone program*. Akoz zeneralman sa travay ki *DSEPTR* pe fer nou bezwen sa lenformasyon pou nou kapab

devlop en nouvo plan stratezi pou lavenir.

Me selman si nou koz lo, lo program rezidansyel - ou konnen nou, nou, nou *belief* bann profesyonnel dan *DSEPTR* - nou *belief* se ki tret bann rezidansyel ou bezwen. Me selman avan ki ou al fer en tretman rezidansyel ou bezwen fer sir ki detywa keksoz i an plas.

Premyerman tou bann lezot form tretman avan rezidansyel pe fonksyon parey i sipoze. I annan sa bann *staff* pou ofer sa bann tretman, e osi si ou pou ofer rezidansyel ou annan *staff* pou ofer en program rezidansyel.

Ou konpran mwan? Akoz i annan diferan nivo tretman. I annan i annan *outpatient* ki *right now* sa ki nou pe ofer. I annan *in patient* ki diferan avek rezidansyel.

Akoz *inpatient* normalman ou fer li dan en lopital tandis ki rezidansyel ou fer li plito dan en vilaz. Me tou sa bann nivo tretman ou bezwen dimoun kalifye pou fer li.

Ou pa kapab zis fer en kan e met dimoun ki pa kalifye pou fer sa tretman. *Right now* dan *DSEPTR*, nou annan 1 dokter Seselwa ki war tou pasyan. E nou annan en *psychiatrist* etranze ki sipor sa dokter.

Nou annan ou, nou napa ase *counsellors* nou napa ase *psychologist* nou napa ase *nurse*. So nou, nou santi poudir *right now* si nou *venture* dan en tretman rezidansyel, nou bann lezot tretman ki nou pe ofer pou soufer e menm sa tretman rezidansyel pou soufer.

Se pou sa rezon ki nou, nou dir avek Mr Ally, gete ki ou kapab fer lo kote *NIHSS*, pou ou ogmant lakantite dimoun ki annan dan pei ki kapab fer *counselling*.

So si nou kapab ogmant sa *pool of people*, ki kapab fer *counselling* e an menm tan nou pe *train* bann *provisional psychologist* ki nou annan dan *DSEPTR* nou annan dan pei, pou zot kapab vin *full-fledged psychologist* pou kapab sipor sa bann *counsellors*.

La nou pou kapab avanse pou ofer tou sort ka nivo tretman pou rehabilitasyon. Me selman ozordi lo kote *high threshold* nou, nou mazine poudir bann dimoun ki pou kandida pou tretman rezidansyel, se probableman bann ki *high threshold*.

Bann ki'n fini deside poudir wi zot fatigue ek sa lavi drog zot anvi fer en sanzman. *Right now*, i annan 268 apepre sa bann dimoun *high threshold* ki potansyelman ti

pou en kandida pou en tretman rezidansyel.

So, i annan ki nou pe travay ek zot, zot konplete sa program *high threshold* zot fini zot, zot ale. E zot *for one for a better word* zot dir zot *sober* pou en pe letan. Epi apre nou war ki petet zot retonbe e sa i en karakteristik dan adiksyon.

Si ou napa sa sipor ki kontinyen avek dimoun kalifye i annan en gran sans ki ou pou retonbe. So nou, nou pa oule fer en sityasyon kot nou met en dimoun dan en, en sityasyon rezidansyel en program tretman rezidansyel, letan i sorti i napa sa sipor e apre i retonbe e nou bezwen remet li anndan.

So, sa ki nou manke la nou, nou mank plito mendev kalifye pou ofer tou sa bann program ki nou oule ofer. E si nou napa sa bann mendev kalifye, nou prezimen ki tou bann tretman ki pli sofistike ki nou sey ofer i pou *fail*.

Akoz i pa kapab i pa kapab *succeed* san dimoun kalifye. Mersi bokou.

### **MR SPEAKER**

Onorab mon, mon krwar *PS* in donn en leksplikasyon ase detaye. Permet mwan pas lo lot kestyon. Onorab Herminie?

### **HON WILBERT HERMINIE**

Bonzour Mr Speaker. Mersi Mr Speaker. Bonzour Minis avek ou, ou delegasyon. Mon kestyon i swiv lo, lo menm laliny avek kestyon demande par Onorab Cosgrow.

Avan nou komanse - parey zot in dir ki adiksyon in ganny dekrir koman en problem medikal. En keksoz lasante, e nou annan plis ki apepre 10mil adikt dan Sesel.

Parey Dokter in eksplike poudir zot pe bouz lo en nouvo Polisi. Ki zot plito pe bouz dan direksyon *daycare* dan plas *residential*; kot la dan Bidze zot in met en Bidze 14.5 milyon pou fer en *MAT clinic*.

Be ler mon pe ekout *PS* ou'n dir koumsa ou annan zis 1 dokter, 1 ners be ki mannyer sa *MAT clinic* pou fonksyonnen si zot pe fonksyonnen avek zot pou napa ase *staff* pou met dan sa groser kalite *building* ki zot fer ki zot pe fer.

E sa kalite program, pou kapab donn lespwar sa 10 mil adikt ki la deor ki pe soufer. Akoz sa i en problem lasante. So larepons ki *panel* pe donner i ase efreyan.

Nou'n, nou'n frenm *APDAR* zot dir koumsa i pran bokou resours lasante. Me la nou pe ganny dir ki napa ners, napa dokter. So, *convince* sa bann adikt ki zot pe zot la pou ed sa bann dimoun? Mersi Mr Speaker.

**MR SPEAKER**

Mersi. Minis, mon mazine *PS* i a kontinyen lo menm laliny. *PS* silvouple.

**PS BERNARD VALENTIN**

Mersi, Mr Speaker. Bon, lo kote *staff* pou sa *MAT clinic*, lide se ki tou bann profesyonnel lasante mantal pou ladan. Savedir tou bann dimoun ki pe ofer *psychiatric care* konmela Dr Maloulou ek tou son tim bann *psychologist*, eksetera.

Tousala pou vin dan sa *center*, akoz i annan en lyen ant adiksyon avek lezot lasante mantal. I annan serten koalisyon. So tou sa bann profesyonnel pou la dan sa sant e zot pou kapab fer sa ki nou apel en pti pe *cross fertilisation* kot zot pou *sort of* travay ansanm.

So nou pe osi an se moman fer rekritman etranze; i annan en dokter ki nou pe *recruit* avek spesyalizasyon dan *mental health from Nigeria* i annan 2 *nurse* ki nou pe *recruit from Nigeria*.

E byensir nou pe servi sa tretman ki pou program *counselling* pou ofer kot *NIHSS*. E ankor nou bann dimoun ki nou'n dir *psychologist* eksetera, ki nou pe anvoy spesyalize eksetera pou zot kapab ofer sa tretman.

So, e nou pou bezwen kontinyen ankouraz nou bann

zenn dokter Seselwa, pou pran adiksyon koman tretman adiksyon koman en opsyon. I pou bezwen koumsa. An menm tan ki nou kontinyen travay lo prevansyon.

Donk i annan tou sa bann vole ki nou bezwen ansanm an menm tan, e fer sir ki nou ganny, ganny sifizaman *staff* pou kapab fer bann pou ofer bann program ki nou bezwen ofer.

I annan dimoun 10 mil dimoun ki nou dir i adikt apepre Sesel me selman sa i konpri tou sibstans. Akoz nou annan osi adiksyon taba, sigaret nou annan adiksyon konportmantal. Nou annan adiksyon avek drog legal eksetera so tousala ansanm ki fer 10 mil.

So, i pa zis adiksyon avek drog ki 10 mil pou fer sa presizyon, sa presizyon. Mersi.

**MR SPEAKER**

Mersi. Onorab Pillay?

**HON SEBASTIEN PILLAY**

Mersi Mr Chairman. Mr Chairman, mon pe swiv deba lo sa bann kestyon ki ganny demande. E mon pe regard bann Bidze ki'n ganny *allocate*. So si mon konpran byen Bidze ki Onorab Cosgrow fek demann kestyon lo la, i annan pou fer avek *drug abuse prevention and rehabilitation*.

E li i annan li R57 milyon ladan apre nou annan en lot Bidze ki annan pou fer ek *treatment harm and reduction intergration* R41 milyon anba menm Bidze.

Apre nou anmenn sa avek Bidze *NIHSS*, ki nou pe koz lo *pre service health and health care training* ki vin R29 milyon. *Ok*, nou pe koz sa bann sonm.

Mr Chairman, me selman, selman an se ki konsern *prevention education* zis 1.8 milyon. E dan sa 1.8 milyon 1.3 i pou lapey - so zis 500 mil ki al ver *prevention education*. Selman nou pe pran tou sa larzan nou pe met dan lezot landrwa.

Prezan sa ki mon pa pe ganny en konpran Mr Chairma,n dan sa bann larepons ki nou pe gannyen mon ti a kontan panel i eksplik nou e sirtou Minis eksplik nou sa.

Ler ou ti vin devan Lasanble e ou ti zistifye frenm *APDAR*; ou ti dir nou reentegrasyon *APDAR* dan Minister Lasante ou pou annan ase resours pou ou *cope* avek demann avek legzizans sa program.

La ozordi *PS* i penn nou en lot portre, ou napa ase *nurse* ou napa ase dokter ou napa ase psikolog. *Basically*, ou'n *fail* pou ou kapab pran sa program e met anba Minister

Lasante. Sa ki nou lo sa latatab ti dir ou!

So, mon kestyon pou ou anba sa larzan ki la konbyen nouvo *nurse* ou pe al *recruit* pou travay avek *APDAR*. Konbyen dokter? Konmsi eksplik nou kwa ki ou pe al fer pou annan plis dimoun *bodies on the ground* pou travay avek sa problem?

E ler ou dir nou poudir *NIHSS* ki sipoze pe *deal* ek sa. *NIHSS* i osi deza annan son problem pou li. Par egzantp nou konnen i annan problem *fungus regarding NIHSS*. Likel ki pou *handle* tou sa bann problem, kan nou war poudir Minister Lasante nou, nou pa met larzan dan ledikasyon.

Me selman nou met larzan pou fer *lift State House* pou donn biro *First Lady*, me selman nou pa kapab met larzan dan ledikasyon pou *prevention* dan Minister Lasante.

### **MR SPEAKER**

Mersi Onorab. Mersi.

### **HON SEBASTIEN PILLAY**

I bezwen ganny dir Mr Chairman, *sorry*.

### **MR SPEAKER**

Wi be *ok*, oule dir pou annan en *lift State House*, biro *First Lady* in ganny en Bidze tou piblik in konpran. Mersi. Bon Onorab, Onorab Pillay in lev

plizyer size, i lev, i lev prevansyon.

Minis in eksplike ki prevansyon i eparpiye dan tou diferan Departman. Minis, Onorab Pillay in lev plizyer size. Mon pou envit ou adrese mon pa konnen si oule adres lo son size resours pou APDAR kekfwa sa i enn kle dan son lentervansyon.

Me mon ti a kontan ki nou kapab fer li, fer en repons ki ase konkret e bref pou nou kapab pran lezot kestyon ki reste lo mon lalis. Mersi Minis, oubyen *panel*.

### **MINISTER PEGGY VIDOT**

Mersi Mr Speaker. Mon pou komans reponn en bout apre mon pou demann PS pou kontinyen. Onorab ou'n pran en laliny ou'n dir nou poudir i annan 500 mil pou fer prevansyon aköz ou'n war poudir lot bout dan sa 1.3 i pou saler.

Mon krwar mon'n fer resorti poudir prevansyon i partou, e si ou regarde menm anba sa program la ou ava war poudir nou annan en laliny *communication* ek *partnership*.

Ki nou annan ladan 3.2 milyon tousala i bann i ed nou e nou servi pou fer prevansyon. Prevansyon i a tou nivo. I pa zis sa bann dimoun dan APDAR ki pe fer prevansyon.

I aprezan ler bann *staff* ki dan *Health Care Agency* i al dan lekol. Zot koz lo prevansyon tou keksoz enkli adiksyon. So, sa lasonpsyon ki ou'n fer ki zis 500 mil *you know* R500 mil ki nou pe servi pou prevansyon i pa *it*.

Akoz i pervesiv; prevansyon i dan tou program e alor en kou lo prevansyon ou pou war partou. Mersi Mr Speaker, mon a demann PS pou adres lo nou.

### **MR SPEAKER**

PS, ou a sey gard li bref *please*.

### **PS BERNARD VALENTIN**

Bon, sa ki mon kapab dir, se ki avek frenm tir APDAR tou bann *staff* ti vin kot Minister Lasante - so tou bann *staff* ti transfer. So, *it's more or less the same pool of staff*. Me selman avek letan dimoun in *move* ou konpran mwan.

Dimoun in *move* zot, zot lavi in sanze zot in *move* e sa i arive dan tou lorganizasyon, dan tou sironstans. In annan osi dimoun dan nou tim prevansyon kot DSEPTR ki'n *move*.

In *move* dan lezot landrwa eksetera, eksetera e sa i normal. I annan osi ki antre i annan ki *move* i annan ki *move out* i annan ki *move in*. So, me selman *the pool, the pool of mental care people* ki

dan Sesel, zot travay ansanm zot kolabore.

So, e, e bann dimoun *mental health* bann psikolog kot ledikasyon zot travay avek bann dimoun ki *DSEPTR*. Zot travay avek bann dimoun ki kot Minister Lasante. Sa *pool* dimoun ki kalifye dan *mental health* dan adiksyon dan Sesel i kolabore ansanm pou rezourd sa problemn drog.

Donk i pa en kestyon akoz sa program in vin kot Minister kot i annan, i annan *less* dimoun pou travay. I zeneralman i annan pa ase dimoun pou travay *whether it is here or it is there*.

Akoz sa program sa problemn drog dan nou pei i ase signifikan.

### **MR SPEAKER**

Mersi PS. Onorab Sathya?

### **HON SATHYA NAIDU**

Mersi Mr Chair. Bonzour Minis ek ou delegasyon. An relasyon avek resers *policy planning* ek evalyasyon. Ler i konsern sa laspe *customer care* eski i annan okenn travay ki ou Departman in fer vizavi sa pou nou kapab elev standar ouswa swen lasante.

Ki nou sitwayen i resevwar atraver bann diferan travayer dan *Health Care Agency*. E an plis ki sa pa neserman en kestyon, me selman nou bezwen rekonn

poudir ki i pa Oktob 2020 ki nou, nou koman en pei nou'n erit 5 mil adikt.

Nou annan sa problemn adiksyon, akoz dan lepase in annan mankman lavolonte pou kapab *deal* avek sa sityasyon drog parey Gouvernman dizour pe fer. E mon le rekonnnet travay ki tou bann dimoun zofisye lo *law enforcement* pe fer vizavi sa lalit. Mersi.

### **MR SPEAKER**

Mersi. Nou napa kestyon, me selman mon asire *panel* in not pwen Onorab Naidu. E mon asire ki zot pou pran li an konsiderasyon. I annan en kestyon ti konsern kwa?

### **HON SATHYA NAIDU**

Yes, Mr Chair. Mon krwar premye bout ti en kestyon, dezyenm ti byensir reponn vizavi sa bann komanter ki parfwa Lopozisyon i fer. Mersi.

### **MR SPEAKER**

Tre byen mersi. *Panel*.

### **MINISTER PEGGY VIDOT**

Mersi Mr Chairman. Mersi Onorab. Wi, nou rekonnnet poudir i enn nou bann defi *customer services*. E mon krwar sa i pa diferan dan lasante en pe parey partou dan pei.

Me nou sa lannen par egzanp *Health Care Agency*



sirtou in depans en bon pe pou nou fer *training staff* dan *customer service*, dan *service*, *customer service* e i en keksoz ki kontinyel.

E menm an mezir nou ale menm pou lannen prosen nou pou kontinyen fer sa pou fer sir ki nou *staff* i ariv sa oter ki nou e donn en bon servis ki akseptab ki lo nou nivo. Mersi Onorab.

### **MR SPEAKER**

Mersi. Onorab Uranie?

### **HON ROCKY URANIE**

Mersi Mr Speaker. Bonzour Minis avek delegasyon, tou koleg Onorab e byensir tou zabitan Zil Pros ki a lekout. Mr Speaker, ler zot ti vin dan Lasanble zot ti dir frenm APDAR pou zot ganny plis efikasite.

E kou ti pou redwir. La ki nou'n war kou in monte in ariv 57milyon. I montre klerman ki zot in *fail* serten par pou *deal* ek sa sityasyon. Me mwan, mon kestyon i an relasyon avek zot *current challenges* boulet 2 *enable to recruit all human resources acquired to due to inavailability on the local job market*.

Mon i ki Polisi zot annan an plas, pou ankouraz e gard nou bann spesyalis, dokter, ners ki nou deza annan. E osi si nou napa ki zot Polisi i annan pou *recruit*, pou fer ki

nou annan sa bann dimoun pou ki nou, nou kapab donn nou bann dimoun en pli bon servis.

Sirtou parey La Digue dan en nouvo lopital ki nou pa ganny spesyalis 1 fwa dan 3 mwan? Mersi.

### **MR SPEAKER**

Mersi. Bon *panel* petet i annan en nouvo pwen la Polisi pou gard spesyalis.

### **MINISTER PEGGY VIDOT**

Mr Speaker, mersi. Mr Speaker, wi, nou eseye pou gard pou nou *recruit* e pou nou gard Spesyalis ki nou annan dan servis. E i keksoz ki nou fer parey tou keksoz regarde regard zot bezwen kontinyelman donn zot sa ki nou dir *professional development*.

Esey donn zot *exposure* avek diferan konferans, diferan landrwa kot zot pou kapab agrandi zot konesans e sa nou pe fer toultan. *In fact*, nou fek fini war la nou fek fini 3 zour Kolok kot nou'n anmenn lezot Spesyalis isi spesifikman pou nou agrandi konpetans nou bann travayer ki nou annan.

E menm dan sa Kolok nou ti annan en gran bout lo adiksyon so nou pe fer tou sa pou nou kapab agrandi. Nou pe osi *recruit* me nou pe *recruit* serten spesyalis ki pa

neseserman annan en gran kantite dan, dan lemond.

E alor i pa tro fasil pou ou ganny zot ler ki ou, ou bezwen, nou bezwen zot. Me nou pe arive parey in ganny dir la *recruit* omwen 1 dokter ki pe vini soon e avek 2 ners.

Nou pe regard posibilite pou nou osi fer en lot program pou nou *train* ners dan *mental health* isi. Ki parey nou'n fer dan lepase e koumsa ki nou ava agrandi nou *pool* travayer. Me pou nou kapab fer tou sa nou bezwen ganny dimoun ki antre dan travay Lasante. Vin pran en karyer dan Lasante, koumsa ki apre ki kapab zot osi spesyalize dan sa bann, dan sa bann laliny.

Onorab pou nou met en spesyalis La Digue, nou bezwen fer osi nou *due diligence* regard *data* regarde ki kantite. Regarde kantite erdtan ki sa spesyalis pou travay nou pa kapab zis pran en Spesyalis mete pou al asize en landrwa.

Kot i pou fini war tou dimoun ki bezwen dan en sel letan me nou anvoy li baze lo bezwen. Mersi.

### **MR SPEAKER**

Mersi. Onorab Esparon.

### **HON REGINA ESPARON**

Mersi Mr Speaker. Mr Speaker, mon ti a zis kontan en klarifikasyon. Mon war en

sonm anba *non-financial asset*; Minis mon war en sonm 2 milyon 716 mil ki zot ti gannyen lannen pase, pou akizisyon en *van methadone*. Mon kestyon se eski zot in-?

### **MR SPEAKER**

Ou a eklersi, wi?

### **HON REGINA ESPARON**

Eski zot in fini akizisyon sa *van*? E mon kestyon ki *follow up* lo la - e sa *van* pe servi konbyen i pe deservi konbyen stasyon? Parske mon konnen zot annan bann stasyon permanan parey lo *car park stadium* kot *stadium* e Larivyer Anglez.

Konmsi li sa *van* li nou lo kote Glacis, Beau Vallon nou, nou servi, nou servi en sistenm mobil. Sa *van* ki zot in akizisyonnen i pe servi konbyen stasyon? Mersi.

### **MR SPEAKER**

Wi mersi. *Panel* eksplik sa *van*?

### **MINISTER PEGGY VIDOT**

Mersi Mr Speaker. Mersi Onorab. Onorab sa larzan ki ou'n war - sa 4 *van* ki nou'n gannyen i ti donasyon. Sa, sa larzan ki ou'n war ladan sete pou pey pou bann *duties* bann zafer ki nou ti bezwen peye pou sa donasyon.

I pa *sorry* i pa larzan ki nou, nou'n tire i larzan

donasyon ki nou'n gannyen pou ganny sa 4 *van* valer sa 4 *van*. Sa 4 *van* i pas en pe partou nou annan 1 Praslin mon a demann *PS* poudir zot.

**MR SPEAKER**

*PS*.

**PS BERNARD VALENTIN**

Wi, wi i annan 1 Praslin apre larestan i Mahe, wi.

**MR SPEAKER**

Larestan i Mahe. Mersi. Onorab Porice.

**HON DOYACE PORICE**

Bonzour. Mersi Mr Speaker. Bonzour Mr Speaker. Bonzour Minis avek ou delegasyon. E tou bann koleg bann *MNAs*. Minis, mon osi mon pou profit sa lokazyon pou felisit ou avek ou lekip.

Pou sa bon travay e osi bann *nurse* bann lezot travayer Lasante ki pe fer en bon travay dan Minister Lasante. Minis ti annan en konsern lo Praslin pou bann spesyalis e ki zot toultan ariv an retar.

Eski i annan larzan dan Bidze, pou kapab fer spesyalis vin 1 zour davans pou kapab war pasyan pli boner? Mersi.

**MR SPEAKER**

Mersi. *Panel? Yes Minister.*

**MINISTER PEGGY VIDOT**

Mr Speaker, pou sa nou ava pran sa kestyon dan *Health Care Agency* si ou pa *mind* anvi sa i dan Swen, *you know* swen Lasante.

**MR SPEAKER**

Wi, wi. Bon mon ava fer remarke ki i annan lazournen ki reste pou reste lo Lasante e mon asire en kantite zot konsern pou ganny releve dan konsiderasyon *Public Health Authority* e osi *Health Care Agency*. Alor avek sa mon'n pran tou Manm ki ti lev lanmen.

So nou a aret la pou le moman nou a pran poz e nou a rebran 11er. Mersi.

***(BREAK)***

**MINISTRY OF HEALTH**  
**(cont)**

**MR SPEAKER**

Avan nou rebran lo nou nouvo Bidze permet mon rod en klarifikasyon. Lo - ar mon war in azoute lo mon Papye i pa ti endike ki nou bezwen pran vot separe. E mon'n war li koman nou pran en vot an pou le 3 antite.

Me la mon'n war mersi Madanm Deputy Clerk pou klarifye mon Papye. Donk, i neser nou pran en vot lo Bidze *Ministry of Health* separe. Alor mon envit bann

Manm pou vot lo Bidze *Ministry of Health* ki lo paz 364 ziska 372 pou en total R121 milyon 542 mil.

Manm ki an faver lev lanmen silvouple? Mersi tou Manm in vote. Okenn Manm i vot kont? Mersi. Vot lo Bidze *Ministry of Health* 28 Manm in vot pour, 0 kont, 0 abstansyon. Sa Bidze in aprouve par Lasanble.

## **PUBLIC HEALTH AUTHORITY**

### **MR SPEAKER**

Avek sa nou a tourn lo nouvo antite *Public Health Authority* e mon annan plezir dir bonzour e byenveni Dr Jude Gedeon *Commissioner Public Health Authority*. Ms Jenny Chiffone *Director Human Resources*.

Mr Jude Barra *Financial*, ar Mr Jude Barra ti deza la prezan. Mersi. Nou pran sa Bidze ki lo paz 382 ziska 387 pou en total R83 milyon 409 mil.

Minis, eski ou anvi fer okenn remark lo sa Bidze avan entervansyon bann Manm?

### **HON JOHAN LOZE**

*(Off-Mic)*

### **MR SPEAKER**

En *matter of privilege*, ok mon a ekout ou Onorab Loze.

### **HON JOHAN LOZE**

Mr Speaker mon annan en *matter of privilege* lo en *matter* ki'n *arise ce matin*. Mr Speaker, koman en Manm ki'n deza ganny sispann lo *Floor Lasanble Nasyonal* as is *correct procedure*.

Mon pe kestyonn metod e lafason, ki ou'n *handle* sispannyon Onorab Adelaide *ce matin*. Mon'n al verifeye, mon pe sey konpran ki metod ki ganny servi ki ou kapab sispann en Manm an prive dan kasyet, *when it's a matter for the Floor*. Kan si ti Johan Loze i ti pou ganny *drag publicly on the Floor*.

### **MR SPEAKER**

Onorab, mon konsidere, mon konsidere ki mon aksyon i zistifye. Si ou annan okenn konplent ou kapab fer sa an ekrire. Nou a kontinyen. Minis, ou annan laparol.

### **MINISTER PEGGY VIDOT**

Mersi Mr Speaker. Mr Speaker Lotorite Lasante Piblik ti ganny etabli anba Lalwa *Public Health Authority Act 2013*. Mon dan Lotorite Lasante Piblik i plito prevansyon maladi e regilatwar.

I responsab pou asire ki bann servis lasante e bann servis ki lye relye av ek lasante dan sekter prive e piblik i ganny delivre lo standar

neseser dapre bann diferan morso Lezislasyon e gidans. Regilasyon pou anrezistre tou bann servis lasante in finalize.

*Public Health Authority* i osi responsab pou regle bann fasilite ki donn serten servis piblik, tel ki bann letablisman ki prepar manze parey restoran fer tretman delo e lezot servis sanitasyon.

Atraver sirveyans maladi entegre i anpese detekte e kordin kontrol tou bann *outbreaks* e lepidemi. Sa i ganny fer etrwatman avek Laboratwar Lasante Piblik.

An rekonesan lyen ki annan ant maladi ki afekte imen ek maladi ki afekte zannimo nou pe osi regard pran nou pran sa lapros, *one health* ki nou santi poudir i kle, akoz i anliny sa osi i anliny avek bann regilasyon enternasyonal lo lasante sirveyans lentegrasyon bann maladi.

Pour Bidze *Public Health Authority* i annan 2 gran program – enn lo gouvènanans *management* e administrasyon lo *disease control and prevention*. Pour lannen ki pe vini, Lotorite Piblik, Lasante Piblik in ganny propoze en Bidze 83.4 milyon.

E i annan logmantasyon 5.4 milyon ki al ki par lao Bidze *revised* pou 2023. I annan en 5.2 milyon ki al pou logmantasyon saler e la sa i

vreman pou peyman tou bann *staff* adisyonnèl, parey bann ki'n sorti dan *National Aids Council* ki'n vin kot *Public Health Authority*.

I annan pou bann *cleaners* ki pe ganny pran avek fermtir *Cleaners Corporative*. E ankor mon ava dir poudir sa logmantasyon dan saler, i napa en provizyon pou bann gran revè *scheme of service*.

E sa parey nou'n dir poudir *scheme* pou ganny revize firamezir ki nou annan en lespas fiskal e permet nou. Nou annan R471 mil ki'n ganny mete pou diferan gratwite ek *allowances*. E nou annan osi en logmantasyon dan bann byen ek servis, pou en lavalèr 1.2 milyon.

Avek sa de mo Mr Speaker, mon demande ki Lasanble i donn son zot aprouvasyon pou sa Bidze ki in ganny propoze pou *Public Health Authority*. Mersi.

### **MR SPEAKER**

Mersi Minis. Bon, nou a komans entervansyon bann Manm. Onorab Gill?

### **HON CHURCHILL GILL**

Mersi Mr Chair. Bonzour Minis avek delegasyon. Mon kestyon se pou zil Praslin ki *Public Health Authority* i annan an plas konsènen *emergencies operations*?

Pou asire ki lo zil okenn evantyalite i annan tou bann prosedir an plas pou kapab *attend to* sa ki arive? Mersi.

**MR SPEAKER**

Mersi. Minis ou a diriz ou *panel*.

**MINISTER PEGGY VIDOT**

Mersi bokou Mr Speaker. Mon pou demann Dr Gedeon koman Komisyoner Lasante Piblik, pou li reponn sa kestyon. Mersi.

**MR SPEAKER**

Dr Gedeon?

**COMMISSIONER PUBLIC HEALTH JUDE GEDEON**

Mersi Minister. Mersi Mr Speaker. Bonzour Mr Speaker, Minis, *Leader* Lopoziyon, tou Manm Lasanble Nasyonal. Mersi Mr Gill pou ou kestyon. *In fact*, globalman nou pe get bann *emergencies* dan tou bann distrik lo Mahe enkli Praslin ek La Digue.

E sa i pe vin atraver en *assessment* ki nou'n fer pou bann risk diferan risk ki annan dan pei. Ti ganny fer atraver en *workshop* resaman - an Oktob, kot nou ti anmenn tou bann Lazans nasyonalman, pa zis Lasante be tou bann Lazans dan pei ki enportan.

E nou'n kategoriz tou bann risk an tou nou annan 15 bann diferan risk. E i ti pe ganny klasifye dapre zot severite dapre zot resours otour zot bezwen. E sa i pou permet nou devlop en plan nasyonal pou *health security* bann detay nou kapab donner an ekri. mersi.

**MR SPEAKER**

Mersi. Onorab Gabriel?

**HON CONRAD GABRIEL**

Mersi Mr Chair. Mon zis *welcome* nouvo *panel*. *Program 2 disease control and prevention*, dan zot *minor capitals* ti annan en Bidze 485 mil.

E sa lannen nou pe war *2.6 million* - zis kapab donn nou en pe detay sa bann *equipment laboratory equipment* ki pe al *purchase*. Mersi.

**MR SPEAKER**

Mersi Onorab. *Panel?*

**MINISTER PEGGY VIDOT**

Mr Speaker, mon pou demann Komisyoner pou eksplik sa size.

**MR SPEAKER**

*Commissioner*.

**COMMISSIONER PUBLIC HEALTH JUDE GEDEON**

Mersi Mr Speaker. Mersi Onorab pou ou kestyon. Bann, bann lekipman laboratwar pou *public health lab*, i prensipalman enn pou fer mentenans bann lekipman spesyalize sofistike.

E i annan nou menm nou bezwen anmenn bann Spesyalis sorti aletranze pou nou fer sa bann mentenans e kalibrasyon. Me i osi annan serten lekipman ki nou pe aste pou ranplas bann ki'n ganny laz ki'n ariv son in fini servi son letan. Mersi.

#### **MR SPEAKER**

*Thank you.* Onorab Romain?

#### **HON GEORGES ROMAIN**

Mersi Mr Speaker. Bonzour Minis ek ou *panel*. Mr Speaker, mon kestyon mon pou tous lo *Public Health* bann *Public Health Officer*. Ki nou travay vreman pros lo nivo distrik avek zot. E mon kestyon mon pe demann Minis, mon'n pas en pe dan Bidze mon pe vreman demande ki vreman i annan dan Bidze pou sa bann zofisyè.

Akoz nou servi zot parey mon dir bokou, me parkont ennler pa toultan ki nou ganny zot. Akoz pou nou fer en vizit ansanm ek zot, so eski i annan *recruitment* pou sa bann zofisyè pou ganny plis *Public Health Officer*?

Sa en pti pe dan laliny mon kestyon Mr Speaker. Mersi.

#### **MR SPEAKER**

Mersi. *Personnel recruitment panel*.

#### **MINISTER PEGGY VIDOT**

Mersi Mr Speaker. Mersi Onorab. Onorab pou sa lannen nou pe ganny 14 *Public Health Officer* ki'n fek *graduate*. E ki pou pe zwenn servis. Alor i ava ogmant kantite ki nou annan pou ki pe donn sa servis an se moman. Mersi.

#### **MR SPEAKER**

Dr Gedeon i le azoute.

#### **MINISTER PEGGY VIDOT**

Mr Speaker, si Dr Gedeon ti kapab azoute silvouple. Mersi.

#### **COMMISSIONER PUBLIC HEALTH JUDE GEDEON**

Mersi Mr Speaker. Mersi Minis. Adisyonnelman, nou annan bann *Public Health Officers* ki pe swiv bann kour pli avanse, lo nivo *masters* aletranze. I annan ki fer li a plen tan aletranze i annan ki fer li lo a zistans.

An tou i annan 4 ki pe fer sa kour apre nou annan 2 pou *Public Health Lab* ek 1 kot *Disease Surveillance* ki pe fer bann kour *masters*. *Thank you*.

**MR SPEAKER**

Mersi. Onorab Vidot.

**HON AUDREY VIDOT**

Mersi Mr Chairman. Mr Chairman, mon bezwen prezant mon dezapwentman ki dan sa Bidze nou ki baze lo repons ki Minis in donnen, nou, nou pa pe war lespwar ki bann *Public Health Officers* pou benefisye anba sa Bidze.

Okenn benefis finansyel prenan kont ki sa group dimoun in enn bann dimoun ki pli kle e ki pli riske dan bann letan *COVID*. Ki ni menm en meday zot pa'n resevwar. E mon vreman dezapwente, ki omwen otan lo baz rekonpans zot finansyerman ti merit kapab konsider zot dan sa Bidze.

Mon kestyon ankor i lo menm si nou'n ganny dir ki i annan deza ki pe *train* aletranze.

E zot nou pe espekte zot pe *come in* pou vin delivre. Me mon pe regarde la dan *training fees*, petet an term osi nou pe mazin bann ki riske pou al regard an term *monitor* serten dan bann keksoz ki pe antre dan pei.

Pou asire pou siperviz avek bann lezot Lazans lo kote nou sekirite mon pa pe war nanryen in ganny mete. So kwa ki apard ki sa mon'n war zis pou transpor, kwa an plis

ki zot pe mete dan sa Bidze ki pou siport.

E fasilite travay bann *Public Health Officers*, oubyen menm an term materyo lekipman ki zot pou benefisye zot pou fasilite zot louvraz? Mersi.

**MR SPEAKER**

Mersi. Minis in deza fini eksplike ki napa revizyon *scheme of service*. So nou kapab pas lo la, me Minis, eski i annan okenn lot keksoz parey Onorab Vidot in demande pou siport zot travay?

**MINISTER PEGGY VIDOT**

Mersi Mr Speaker. Mr Speaker, wi nou fer sir ki nou regarde ki bann diferan group travayer i bezwen pou fasilite zot travay. E apre i annan en kantite keksoz ki nou pe regarde.

Par egzanp ler nou pe war nou *health information system*, ki nou pe, nou pe entrodwir tou bann *Public Health Officers* an se moman zot pran zot *notes*, apre zot vini zot bezwen re antre.

Nou pe fer sir ki zot tou zot pou annan *hand-held devices* ki ler zot pe al lo zot landrwa travay zot antre direkteman.

Koumsa sa i ava koup en pe sa travay ekrire, apre re al mete an mezir nou pe regard



bann diferan fasilite. Nou pe osi pe fer sir ki nou gard zot landrwa kot zot pe travay pou nou donn zot en keksoz en landrwa ki pli *conducive* pou travay. So, i annan diferan keksoz.

Menm si ou pa'n war en dan sa Bidze en alokasyon pirman pou *Public Health Officers*. Me selman *training* pou *Public Health Officers* i souvan ganny fer ansanm avek bann lezot travayer Lasante.

Dan sekter lasante ou pa pe kapab ennler dirize dir sa zis pou *Public Health Officers* sa zis pou *health promotion* sa zis pou ners. I annan en kantite keksoz ki zot fer ansanm.

Par egzanp i annan *training* ki pe ganny fer avek nou bann kolaborater avek bann *COI*. Ki pou ankor amelyor, amelyor konesans ek konpetans nou bann diferan *Public Health Officers*.

E sa anvi ki sa i en *training* ki pe ganny fer e ki nou, nou pe partisip ladan sa kou pa reflekte kekfwa dan nou Bidze. So an gro, wi i napa en revizyon saler konm tel en revizyon konplent.

Me selman i annan diferan laspe keksoz ki pe ganny fer pou sa bann travayer. Mersi Mr Speaker.

### **MR SPEAKER**

Mersi Minis. Onorab Labrosse?

### **HON RICHARD LABROSSE**

Mersi Mr Speaker. Bonzour ankor enn fwa ek ou delegasyon. Mr Speaker, avan mon demann mon kestyon mon ti a kontan osi byensir remersi bann *staff* kot ki donn sa servis lasante kot klinik Mont Fleuri Madanm Morel ek son lekip.

E osi Madanm Betsy ki Ners Ansarz distrik sant lasante pou distrik Les Mamelles ki deservi Plaisance ek bann distrik antour zot. Alors ankor enn fwa lo lapar mon bann zabitan mersi pou sa bon servis zot in gannyen pandan sa lannen.

Mr Speaker, ler nou pe koz servis lasante nou pe koz Bidze pou Lazans Lasante. Enn zot manda osi pa zis pou donn ka avek bann dimoun ki malad.

Me osi pou promot en bon lasante parmi bann group dimoun. E la mon ti a kontan konnen avek Minis, sa Bidze ki nou pe vote la. Eski i annan osi, i annan osi i kapab osi annan en lespas osi, pou zot si i annan okenn lespas pou ofer ek bann partner dan lakominote?

La nou pe koz bann dimoun ki fer vini bann manze parey nou dir *healthy food*. Ki laplipar dimoun i santi ki

parfwa i en pti pe pli ser ki bann lezot kalite ki annan dan magazen.

Eski i annan en travay ki zot pe fer ek bann *shareholders* dan sa domenn, pou fer sir kekfwa pou fer desann en pe bann, bann prodwir *healthy* koumsa ki dimoun i a kapab annan en pti pe plis malad? Mersi Mr Speaker.

### **MR SPEAKER**

Mersi Onorab. Minis, diriz ou *panel*.

### **MINISTER PEGGY VIDOT**

Mersi Mr Speaker. Mersi Onorab. Onorab, wi, nou pe regard nou travay pre avek diferan sekter konsernen. Par egzanp lo nivo *healthy eating*, i keksoz ki nou pe travay lo la.

Parey ou konnen i annan nasyonanman en tim ki pe travay deryer sa kanpany pou redwir obesite dan pei.

E sa i enn bann komite par egzanp ki reprezant an tou ganny reprezantan dan tou sekter. E sa bann kalite keksoz koumsa, i ganny diskite e diferan sekter i regarde ki mannyer zot input zot annan ladan.

Pou fer sir ki *healthy eating* i vin en swa ki dimoun i annan. E be selman i pa - si oule Minister Lasante li menm i napa sa manda i kapab zis *advocate* koze promouvwar.

Me i napa sa manda pou fer sa bann pri desann.

Me ler nou diskite par egzanp avek diferan sekter tel, tel lagrikiltir pou fer konpran poudir si i annan plis sa bann kalite manze.

I ava kapab afekte kou e i ava a laporte plis dimoun. Mersi Mr Speaker.

### **MR SPEAKER**

Mersi Minis. Onorab Aglae.

### **HON EGBERT AGLAE**

Mersi Mr Speaker. Ankor enn fwa bonzour *panel*. Minis, mon pou met lanfaz lo ankor lo prevansyon. *Disease prevention and control* e mon konpran sa latas ki *Public Health Authority* i annan. E bann *staff* ki travay vreman dir.

Lo sa laspe ou pe ganny ou en Bidze *almost* R68 milyon. Kot i konsern prevansyon. Ladan mon ti a kontan konnen akoz souvandfwa travay ki *Public Health* i fer i vize bokou ver piblik.

Ok kondisyon lanvironnman tousala, but *when it comes to* nou prop Gouvernman selman nou menm nou servis piblik li menm li, nou war poudir i annan serten lakin kot i konsern kondisyon travay.

Serten nou bann travayer dan zot

lanvironnman ki travay ek Gouvernman. Par egzanp bann senp legzanp i *fungus*, ki ganny trouve dan bann landrwa piblik, kot piblik i vizite menm lopital souvandfwa.

E la mon konpar *NIHSS* nouvo i annan serten *issue* petet pou al get ladan. So eski zot pe met lanfaz osi pou fer ki, pa aköz nou Gouvernman ki nou pou les keksoz pase ki nou pa pou get nou prop lekor.

Ki zot annan en zofisye osi ki ava atase avek tou bann antite Gouvernman, ki *once in a while*, zot ava fer *scrutiny* pou get lanvironnman travay sa bann travayer ki dan Gouvernman osi.

Eski zot kapab dir zot pou kapab fer sa pou ki i annan en balans ant prive osi e sa ki Gouvernman i fer. En manner ki nou a ganny en pli bon lanvironnman travay partou kot nou mon krwar i enportan? Mersi.

### **MR SPEAKER**

Mersi. *Panel.*

### **MINISTER PEGGY VIDOT**

Mersi Mr Speaker. Dr Gedeon i ava *respond* pou sa pou-

### **MR SPEAKER**

*Yes Commissioner.*

### **COMMISSIONER PUBLIC HEALTH JUDE GEDEON**

Mersi Mr Speaker. Mersi Onorab pou ou kestyon. I vre ki nou gannyen bann konplent *regarding fungus* dan serten landrwa. Me selman ler bann sanniter i al *investigate* nou war poudir lamazorite letan i lafason ki zot pe *manage* zot bann *air conditioning system*.

Ou war *air condition* par ler i reste *on* selman lafnet, lafnet i ouver. Nou ganny *condensation* lo miray e sa i promot *fungus* pou pouse. Me selman mon le dir ki parfwa, sa reaksyon letan en dimoun i war *fungus* pe pouse zot krwar otomatikman zot pou ganny afekte.

*Fungus* i partou dan ler la kot nou ete i annan *fungus*. Me selman lefe ki sa sistenm *air condition* sistenm i ganny byen *manage*, ou pa war i pouse lo miray. Nou war parfwa dan lakour.

Be lo kote lopital osi menm zafer. Nou war bann pasyan ennler nou frenm lafnet oubyen zot vini zot ouver letan *aircon* i *on and vice versa*.

So nou travay etrwatman avek bann landrwa piblik bann lofis Gouvernman ensi ki bann *households*. Par egzanp lannen pase nou'n fer nou plis ki 8 mil pres 9 mil bann *household* vizit san kont bann vizit dan bann landrwa travay.

Pou *advise* zot lo bann diferan fason pou gard zot

landrwa travay pli *safe* e sen. Lo kote Minister Lasante i annan sa *wellbeing program* ki *Minister* in koz en pe lo la bomaten ki'n ganny etabli.

E nou pe rod tou fason pou protez e promot byennet nou bann travayer Lasante. Mersi.

**MR SPEAKER**

Mersi *Commissioner*. *Sorry*, Onorab William.

**HON WAVEN WILLIAM**

Mr Speaker, mon bezwen ganny ou gidans Mr Chair. Baze lo premye kestyon mon ti demande, me mon ti annan en lot kestyon ki mon ti anvi met devan.

So, mon ti a kontan ganny ou gidans ki fason mon pou *proceed*.

**MR SPEAKER**

Be demann enn la Onorab, nou a fer tou nou posib pou nou kapab donn nou dezyenm.

**HON WAVEN WILLIAM**

*Thank you*. Akoz mon mazine poudir sa premye kestyon ti'n fini note - non si mon pa tronpe, so mon pa bezwen demande.

**MR SPEAKER**

Non, *go ahead* demann kestyon ki pli enportan pou ou la. Mersi.

**HON WAVEN WILLIAM**

*Ok* Minis, 2022 vizavi sa klinik La Misère Souvenir zabitan La Misère ankor pe demande. Akoz ti annan en mon pa pou dir en lagreman, me koze, konsiltasyon ki zot pou aranz serten parti.

Zot in abandonn sa *hall*, me ti annan en parti ki zot ti pou donn servis pez zanfan, tansyon avek donn pikir. So, mon anvi konnen akoz lefe ki dan konversasyon nou ti'n ganny dir poudir posibilite i la pou donn sa servis.

E pep La Misère pe espekte sa servis. So, mon anvi konnen kan zot espekte donn sa servis Souvenir La Misère? An menm tan si ou kapab reponn mon premye kestyon ki mon ti demande. Mersi.

**MR SPEAKER**

Minis? *Panel?*

**MINISTER PEGGY VIDOT**

Mersi Mr Speaker. Onorab, tou lede ou kestyon i vize ver, anver *Health Care Agency*. E si ou kapab pasyante e Mr Speaker, i permet nou ava reponn apre midi. Mersi.

**MR SPEAKER**

Sa lot kestyon osi? Byen. Onorab pasyans. Onorab Loze.

**HON JOHAN LOZE**

Mersi Mr Speaker. Minis, *sorry if I keep flogging the same horse* konsernan *welfare* ou bann *staff*; i vin en pe mon seval batay. Minis letan ou ti vin reponn *PNQ* pli boner 2023, ou ti fer serten komitman vizavi ou pe travay lo *Scheme of Service* pou travayer laboratwar ti enn mon rapel.

Bann *allied health workers, allied health professionals,* travayer laboratwar ti enn, sanniter ti en lot. E ou ti dir i annan 2 *schemes of service* ki ou pe travay lo la.

E Sekreter permanan pou Servis Piblik ti la avek ou sa zour *subsequently through that* Bidze in vini. Sekreter Permanan pou Servis Piblik in fini pas devan Lasanble. Minis, mon pa war nanryen in ganny mete pou okenn ou bann *staff*.

Mon pa pe met sa lo ou, be selman *the onus is on you* akoz ou ki ti donn ou parol ki ou pe travay lo 2 *schemes of service* pou ou bann *staff*. So, ou bann *staff* i bezwen en leksplikasyon *further to* dernyen parol ki ou ti donn dan Lasanble.

### **MR SPEAKER**

Mersi. Minis, mon a les sa kestyon pou ou.

### **MINISTER PEGGY VIDOT**

Mersi Mr Speaker. Mersi Onorab, pou ou kestyon. Onorab oubyen mon ti dir nou pe revwar 2 *scheme*. E 2 *scheme* ki mon ti dir nou pe revwar sete parey ou'n dir travayer laboratwar avek *EMT*.

Mon pa ti dir *Public Health Authority* e mon pa ti dir mon pe travay lo *scheme*. Mon pe - nou pe - ler ou pe travay lo en *scheme* i pa neserman ou pe travay lo tou, *scheme* lo tou konponan sa *scheme*.

Pou laboratwar avek pou *EMT* nou'n travay serten konponan zot *scheme* e sa 2 sa bann konponan in fini ganny enplimante. So si mon bann travayer Lasante ki ganny enplike zot konnen.

Me *Public Health Officers*, non, mon pa ti dir e mon'n dir o firamezir ki nou war i annan en lespas fiskal, ki nou kapab adres serten konponan nou pou fer li. Me fodre nou annan sa lespas.

E menm a sa tan mon ti dir poudir nou pe regarde si nou kapab fer serten aliny serten keksoz parey serten *allowances*.

Pou fer sir ki nou pe arive lo *remunerate* nou travayer byen. Me selman si ou ava war, mon pa'n dir sa bout e menm dan menm *verbatim*, ou ava war mon pa'n dir sa bout *Public Health Officers*, non.

**MR SPEAKER**

Mersi Minis. Mersi Onorab. *Next*, Onorab Mondon?

**HON TERENCE MONDON**

Mersi Mr Chair. Mr Chair, mon kestasyon i adres zot defi e ler mon pe gete ki'n defi ki zot in fer resorti se enn se lespas ki zot bezwen pou zot kapab optimiz fonksyonman la, Laboratwar Lasante Piblik.

E osi kou asosye avek prokirman bann keksoz parey bann *tool kits, reagents* e bann lezot keksoz akseswar. E an menm tan ler mon get zot Bidze pou *laboratory supplies*, mon war ki'n redwir sorti 13.3 milyon pou vin 10.6 milyon. En rediksyon 2.7 milyon plizoumwèn.

Akoz sa rediksyon eski sa i pou permet zot fer sa ki zot anvi *achieve* pou lannen 2024, an relasyon avek bann defi ki zot in fer resorti dan Bidze? Mersi Mr Chair.

**MR SPEAKER**

Mersi Onorab. *Panel* ler zot pare.

**MINISTER PEGGY VIDOT**

Yes Mr Speaker. Komisyoner i ava *respond* pou sa.

**MR SPEAKER**

*Commissioner*.

**COMMISSIONER PUBLIC HEALTH JUDE GEDEON**

Mersi Minis. Mersi Onorab. Nou ti resevwar en Bidze 2023 anba '*new spending proposal*' apepre 10 milyon pou *lab supplies and equipment*. E sa ti pou soutenir sirveyans sirtou bann *lab-based surveillance as regards to, to Covid*.

Be an 2023 nou'n kapab *procure* bann *supplies* pou laboratwar, ki pou *spin into* 2024. Se pou sa rezon ki i annan sa rediksyon. Mersi.

**MR SPEAKER**

*Thank you Commissioner*. Onorab sorry.

**MINISTER PEGGY VIDOT**

Mr Speaker, ti annan en lot bout kekfwà Finans ti ava eksplik nou lo re alokasyon. Mersi.

**MR SPEAKER**

Wi, Ms Tamatave?

**COMPTROLLER GENERAL ASTRIDE TAMATAVE**

Mersi Mr Chair. Mr Chair, petet zis pou, pou Onorab pa krwar ki i annan en rediksyon *per se*. Anba sa rediksyon program ki ou pe regarde, vre i sorti 13 milyon in vin 10.5 milyon.

Me parkont anba *maintenance and repairs*, i annan ki ti napa alokasyon. Avan anba sa *laboratory equipment* ti pe met akizasyon

*maintenance*. So ki nou'n fer, nou'n fer en alokasyon kot i annan sa larzan in al dan *maintenance*.

Avan ti 0 i 2.8 milyon la anba *laboratory equipment* li ki ti 13 milyon in vin 10.5. I anba akizisyon ki ti anba R400 mil in vin 2.6. So an prensip letan ou pe get sa 3 vot ansanm i bokou plis ki alokasyon 2023. Mersi Mr Chair.

### **MR SPEAKER**

Mersi. Onorab Lemiel?

### **HON SYLVANNE LEMIEL**

Mersi Mr Chair. Mon keston i al anver Minis. I annan en group *Public Health Officers* ki'n al en *training* e zot pou *graduate* sa lannen. Mon krwar sa *training* in fer ant Liniversite Moris.

Mon pa konnen si sanmenm sa ki ou'n nonmen anba COI - mon pa konnen si ou ti pe *refer* lo la ouswa si sa enn i en lot. Me selman i annan en - mon ti anvi konnen par egzanp dan Bidze 2024, eski sa *training* ki sa bann *Public Health Officers* in ale ki pe *graduate* sa lannen, eski i pou kontinyen.

E si wi, i pou kontinyen ki kantite *staff* kot *Public Health* ki pou al benefisye petet an 2024 avek sa *training* si i pe al kontinyen? Mersi.

### **MR SPEAKER**

Mersi. Minis.

### **MINISTER PEGGY VIDOT**

Mersi Onorab pou ou keston. Wi - ou byen nou annan en group *Public Health Officers* ki'n komans en program *BSC* avek Liniversite Sesel ansanm ek Liniversite Moris. Zot pe *graduate* sa lannen.

E parey tou *graduate* zot pou *entitle* pou serten *marketable skills* ki zot pou benefisye avek.

I en program ki letan in ganny ofer, nou'n war i annan serten benefis. An se moman nou pe regarde ki kantite si i annan akor lapeti dan bann *existing Public Health Officers* pou nou war.

Nou bezwen annan en *cohort* ki i sifizaman ase sifizaman i ase gran pou nou kapab fer sa program pou nou fer li *cost effective*. E ziska prezan nou pa ankor ganny sa sonm, me de ki i en keksoz akoz nou war poudir i en bon program nou ti a kontan kontinyen. E wi si nou ganny en group nou pou ankor angaze avek Liniversite Moris.

Me eski nou pou kapab pe fer sa an 2024? Nounou pa ankor konnen, akoz nou pa ankor konnen konbyen akoz nou pey par etidyan. Mersi.

### **MR SPEAKER**

Mersi Minis. Onorab Labonte?

**HON ANDY LABONTE**

Mersi Mr Chair. Minis, ankor enn fwa mon pou felisit bann travayer Lasante e permet mon pou osi felisit osi mon bann klinik La Rivyer Anglez Marie Helene Niole ki pe fer en bon travay.

Me mon pe plizoumwenn get ver bann dimoun ki pe travay anler kot CDCU si oule. Vi ki i annan en *increase* dan TB parey nou tou nou, nou okouran - nou konnen poudir i annan bokou zefor ki ganny mete eski i annan, i annan en diferans ant bann *care assistant* avek bann *nurse* ler zot pe donn en servis, vi ki zot tou lede zot ganny ekspoze.

Eski i annan serten *allowance night shift allowance*, ki i annan serten konplent lo la. Si petet dan sa Bidze i annan en keksoz ki'n ganny kouver? Me an zeneral eski i annan keksoz ki pe kouver pou sa *increase* pou adres sa, sa sityasyon TB ki i annan en logmantasyon dan, dan Sesel? Mersi.

**MR SPEAKER**

Mersi Onorab.

**MINISTER PEGGY VIDOT**

Mersi bokou Mr Speaker. Onorab, mersi pou ou kestyon. E ankor mersi pou ou sipor zot sipor - tou Onorab in koze in siport *staff* Minister

Lasante nou dir zot mersi, mersi ki zot apresye nou bann travayer, akoz i ed nou kan zot ganny sa kalite sipor. I lev en pe moral.

Wi, nou annan parey nou'n dir en logmantasyon dan serten kondisyon ki transmisib e TB i enn. Nou bann dimoun ki travay dan bann serten landrwa baze lo kalite travay ki i annan, zot ganny en *allowance* ki nou dir *location allowance*.

Parey ou'n mansyonn bann dimoun ki travay dan CDCU wi zot, zot tou zot *entitled* e zot gannye sa ki nou dir en *location allowance*. E nenport ki dimoun ki pou ganny transfer dan diferan sa bann landrwa, kot i annan sa, *obviously* baze lo kalite travay responsabilite e tou *allowance* i en pe diferan dan diferan landrwa.

Eski kalite travay ki ners ek *nursing assistant* i fer, eski i parey? Non i pa parey, me selman tou lede si zot travay dan sa landrwa kot zot bezwen en *location allowance* zot gannye. Mersi.

**MR SPEAKER**

Mersi Minis. Onorab Cosgrow?

**HON WALLACE COSGROW**

Mersi Mr Chairman. Mr Chairman, mon pou osi kontiny lo menm laliny an se



ki konsern felisitasyon bann travayer Lasante. Me osi rekonnet ki bann travayer Lasante i bezwen osi ganny en latansyon spesyal.

E la nou pe koz travayer *Health Care Agency*, nou tou nou konnen, nou tou nou'n apresye pandan sa dernyen 3an depi *end of 2019-2020* ler *COVID* ti komanse nou apresye tou sa travay. Ki sirtou bann travayer Lasante me osi bann travayer *Public Health Authority*.

Now i annan 2 keksoz Mr Chairman, No.1 se ki Bidze i *about* priyoritiz priyorite. Dezyenm, Lasante *as much as* i *about* annan fasilite; i *about* servis. E lekel ki donn sa servis? Se sa bann *staff* Minister Lasante ki donn sa servis.

E zot bezwen kapab annan en par dan okenn keksoz ki pe ganny partaze e donner. Ler mon dir sa, nou'n koz lo napa lespas fiskal.

Minis, ou bezwen dir nou avek presizyon eski ou, ou koman Minis, zot in rode sa lespas fiskal, pou fer par egzanp revwar *Scheme* bann travayer *Public Health Authority*.

Bann sanniter, sa ki nou apel sanniter ek lezot travayer. Ouswa zot in ganny dir napa lespas fiskal, ouswa zot pa'n rode e prezan nou pa kapab enplimant bann *scheme*?

Akoz mwan Mr Chairman, mon war sa lespas fiskal dan Bidze mwan! 25 milyon in ganny *park pou Constitutional Appointees* 1.1 milyon Bidze *First Lady* - Bidze pou *lift State House*.

**(APPLAUSE)**

### **HON WALLACE COSGROW**

*These are the spaces - fiscal space* annou pran met dan *staff* ek CA. Minis si nou pa kapab *I think* mon krwar *sorry* mon dir ankor Minis *you will have to resign and let* en lot dimoun vin *fight* pou sa bann dimoun! Eskiz mwan. Mersi bokou!

### **MR SPEAKER**

Bon, mon krwar i byen ki ou'n demann en leskiz. Onorab eskiz mwan, eskiz mwan osi. *Scheme of service* in ganny adrese mon pa konnen konbyen fwa.

Minis in pronons li lo lespas fiskal, annou pa rezwe menm rikord toultan silvouple. Mersi. Onorab Pillay ou kestyon.

### **HON SEBASTIEN PILLAY**

Mersi Mr Chairman. E bonzour tou dimoun. Bonzour Dr Gedeon, *staff Public Health Authority*. Premyerman les mon osi lo mon par remersye travay ki bann *staff Public*

*Health Authority* i fer. Bokou fwa ou war bann dimoun sirtou bann sanniter pe marse en pe partou dan distrik.

Parfwa dan bann landrwa danzere kot zot ale e resaman mon'n war - mon'n bezwen apel zot e zot in vini deswit. Mon krwar poudir zot pe fer zot mye avek resours ki zot gannyen.

E zisteman Mr Chairman, annou regard resours ki nou pe donn *Public Health Authority*. Bidze pou 2023 ti 64, R64.6 milyon. Bidze pou 2024 i R67.9 milyon sa logmantasyon dan sa Bidze i plito al ver probableman *recruitment* pou *accommodate* bann nouvo *Public Health Officers* ki pou *graduate from NIHSS*.

Me i vremen annan en minim larzan ki'n ganny mete - Minis i dir napa lespas fiskal pou adres bann lezot eleman ki *Public Health* i bezwen adrese. E kestyon ki nou annan Mr Speaker, se, aköz ki ler Minis ti vin devan Lasanble pou reponn mon *PNQ*, langazman ki i ti donn nou e larepons ki i ti donn nou, sete ki se Minister Lasante ki *the policy arm* ti pe travay pou revwar bann kondisyon travay bann zofisyè.

Sirtou bann *Public Health Officers* e nou ti mansyonn menm lasirans, pou bann *Public Health*

*Officers* ki mon konnen ozordi zot apel li *inducement*. Mwan, mon war li i pa fer sans *risk allowances* pou bann *Public Health Officers Scheme* pou bann dimoun ki travay laboratwar.

Nou pa pe dir donn tou dimoun zot *scheme* nou me ti annan referans avek sa. E Minis ti donn nou en *commitment* ki pou annan keksoz ki pou ganny fer. Me malerezman ler mon pe regard Bidze Mr Chairman anba *wages and salaries in cash*, pou *disease control and prevention* sa logmantasyon i al plito ver akomodasyon nouvo *staff*.

Primordyalman, apre detrwa pou pey serten eleman kontra e pou *accommodate* bann sanzman ki Gouvernman in fer. Mon pa vremen war, par egzantp menm dan son *governance and administration* mon pa vremen war kote sa larzan pe vini.

Alors mon bezwen repran pwen ki Onorab Cosgrow in dir, si Gouvernman in war en lespas fiskal. Par egzantp pou pey bann etranze ki vin fer travay ki ACCS R5 mil par zour; lakaz *Eden Island*, loto, *travel business class* sa i annan lespas fiskal pou nou fer.

Me lespas fiskal pou nou pey en *scheme*, pou sa bann sanniter ki pe marse partou

dan labou dan distrik nou napa. *And then* 25 milyon nou *park* dan Bidze e ler nou demande - nou dir nou pa kapab demande?

Mr Speaker, be nou annan rezon avek leskiz avek tou respe ki mon annan rezon dir ek Minis. Be Minis *you have to resign if you cannot deliver!*

### **MR SPEAKER**

Bon, ankor enn fwa Onorab in fer en largiman ki'n fer plizyer fwa. E mon'n deza eksplike sa legzersis i pa en konparezon ant sa ki sa Minister pe fer e Bidze ki en lot Minister pe gannnen.

Bidze lot Minister i lot Minister in ganny deside, so si napa en kestyon lo Bidze sa Minister, son komanter in ganny note. Minis, mon-mon konnen ou'n repet plizyer fwa en repons lo sa size. Mon pa konnen si ou annan okenn keksoz ki ou kapab azoute ki kapab fer kler.

Me mwan, mon satisfè avek ou repons mon, mon satisfè avek ou repons. Mon donn ou laparol zis senpleman si ou krwar i bezwen.

### **MINISTER PEGGY VIDOT**

Mr Speaker, ou'n dir poudir mon'n reponn sa kestyon. Me selman sa sanson ki Onorab *Leader* Lopozisyon pe sante la i kontan sante, alor mersi.

*(laughter)*

### **MR SPEAKER**

Mersi. Onorab Uranie?

### **HON ROCKY URANIE**

Mersi Mr Speaker. Bonzour Minis ankor enn fwa. Bonzour nouvo delegasyon. Mon pe get zot *current challenges*, ki annan pou fer avek kou pou aste bann kits pou *reagents* bann keksoz pou servi dan laboratwar.

Zot pe ganny difikilte sa e ler mon get zot priyorite osi, zot annan bann priyorite ki zot in mete konsernan laboratwar. Me selman, ler mon get zot larzan ki zot in mete pou *laboratory supplies*, mon war in desann par apepre 2.7 milyon.

Prezan mon pe rode, konmsi ki mannyer pou arive *achieve* sa ki zot in mete, si Bidze pou sa in ganny redwir? So alors mon ti a kontan en leksplikasyon pou sa Mr Speaker. Mersi.

### **MR SPEAKER**

Mersi. *Panel?*

### **MINISTER PEGGY VIDOT**

Mersi Mr Speaker. Mersi Onorab. Onorab, *laboratory supplies* ankor ki nou pe koz lo la nou ava demann Dr Gedeon pou koz lo la e apre Ms

Tamatave osi ti ava kapab azoute. Mersi.

**MR SPEAKER**

Tre byen. Dokter?

**COMMISSIONER PUBLIC HEALTH JUDE GEDEON**

Mersi Mr Speaker. Mersi Minister. *In fact*, Minister Finans in eksplike taler ki menm si sa *head* ki ou pe get anba la, i paret en rediksyon me selman letan ou pran tou lezot *heads* ki relevan pou laboratwar i *actually* en *net increase*, i annan sa.

Sa i en repons sa *challenge actually* enn sa defi ki sa *additional funds* pe ganny mete pou *meet* sa bann *shortcomings* ki nou ti idantifye. So dan en serten sort i pou adrese sa.

Adisyonnelman nou pe travay tre pros avek *Africa CDC* ek *WHO* pou ede pou *fill up* bann - *let's say* bann *gap* dan sa bann landrwa parey laboratwar.

Sirtou as regards to *training* e pou lo bann nouvo lekipman e menm pou *purchase* bann lekipman pli modern kot i neserer. Mersi.

**MR SPEAKER**

Ms Tamatave *Comptroller*, ou annan keksoz pou azoute?

**COMPTROLLER GENERAL ASTRIDE TAMATAVE**

Mersi Mr Chair. Mr Chair, petet zis pou donn sif total pou, pou klarifye sa. An 2023 i annan 3 *code laboratory* dan Bidze son total i R13.7 milyon. Me an 2024 letan ou pran sa 3 *code* son total i R15.9 oubyen R16 milyon.

So, i annan en logmantasyon R2.3 milyon, me non pa en rediksyon. Mersi Mr Chair.

**MR SPEAKER**

Mersi Ms... Mon'n ariv a lafen bann entervenman ki ti'n lev lanmen. Parey mon'n dir nou annan lespas la pou en dezyenm kestasyon. Mon pa ti a *mind* ki nou fini en pe a tan. Me selman si i annan okenn lot kestasyon.

Bon, si napa nou a pran vot lo Bidze pou *Public Health Authority* ki lo paz 382 ziska paz 387 pou en total R83 milyon 409 mil. Manm ki an faver lev lanmen silvouple? Mersi. Tou Manm in vote. Zis pou fer sir i annan Manm ki vot kont.

Lo Bidze *Public Health Authority* R83 milyon 409 mil - 30 Manm in vot pour, 0 kont, 0 abstansyon. Alor sa Bidze in aprouve par Lasanble.

Mon remersye Minis ek son delegasyon zofisye ki'n partisip avek nou ozordi. E plizyer Manm si non, tou ki'n koze in felisit zot dan zot

travay dan zot travay zot *staff* zot travayer Lasante.

Petet mon zis bezwen dir mon osi mon siport sa felisitasyon. Donk mon remersye zot e mon swet zot bonn kontinyasyon. E nou a pran poz la e nou a rebran 2er apre midi. Mersi.

**(BREAK)**

## **HEALTH CARE AGENCY**

### **MR SPEAKER**

Bonn apre midi tou dimoun. Nou a rebran. Madanm raporter mon ava demann ou pou apel Minis ek delegasyon.

Bon, bonn apre midi ankor Minis pour Lasante Peggy Vidot. E egalman Ms Tamatave *Comptroller General* dan Minister Finans. E pou akonpany Minis ozordi apre midi Dr Danny Louange *CEO Health Care Agency*. Ms Ivana Theresine Direkter Zeneral *Human Resources*, Mr Michel Brutus *Financial Controller*.

Nou pe pran sa trwazyenm e pli gro porsyon Bidze Minister Lasante *Health Care Agency* ki lo paz 373 ziska 381, pour en total 1 bilyon 203 mil milyon R260 mil. Minis, nou a konmans avek ou prezantasyon lo sa porsyon Bidze.

### **MINISTER PEGGY VIDOT**

Mersi Mr Speaker. Mr Speaker, Onorab *Leader Lopoziyon*, Onorab *Leader Biznes Gouvernman*, Manm Lasanble, tou dimoun ki a lekout bonn apre midi.

Mr Chairman, pou sa lannen - lannen prosenn Minis Finans pe propoz en Bidze valer preski R1.2 bilyon pou Lazans Swen Lasante. Sa i montre nou en logmantasyon lo Bidze ki nou ti gannyen pou son lannen presedan.

Pli gro sonm sa Bidze R784 milyon pou ganny servi dan servis lopital avek servis swen spesyalize. I swivi par R219 milyon pou servis kominoter, servis ki plito lo prevansyon. E R130 milyon pou sipor avek *Health Support Services*. E 59 milyon pou al governans avek ladministrasyon.

Ou a remarke ki dan sa propoz pou sa Bidze, nou annan en logmantasyon 65 milyon dan saler pou kouver diferan keksoz.

Pou kouver sa 267 *cleaners* ki pe sorti from *Cleaners Corporative* ki nou pe entegre dan Lazans. Nou annan osi nouvo dimoun ki nou pe *recruit*. E nou pou annan ankor gratwite. E sa osi pou kouver tou sa bann azisteman ki nou bezwen fer lo bann trezyenm mwan saler.

Ankor in annan en rediksyon lo bann byen ek

servis e sa en rediksyon an pousan 16 milyon. Avek sa Bidze nou panse nou pou azout lo tou bann *achievements* ki nou'n deza fer. Ki'n deza realize dan servis swen lasante. Ki nou'n fer pandan lannen 2023.

E si zis pou sit enn de sa bann *achievement*. Wi, nou'n batir en nouvo Lopital La Digue. Avek nou'n azout servis adisyonnèl laba.

Nou'n osi enplimant en nouvo sistenm elektronik pou laboratwar. Nou'n entrodwir nouvo teknolozi dan Lopital Sesel. Ki fer ki pou ed nou redwir en pe nonm pasyan ki nou anvoy aletranze. Nou'n amelyor kapasite dan seksyon resours imen par diferan kalite *training*.

Mr Chairman, nou bi i pou kontinyen amelyor servis lasante ki nou pe donnen pou nou popilasyon. Par met plis lanfaz lo bann stratezi prevansyon. E kalite swen ki nou donnen.

Anliny avek priyorite Gouvernman, pou moderniz e annan en servis lasante ki pli efikas. Lazans Swen Lasante i reste responsab pou zot promote, pou zot protez e restore lasante tou dimoun dan Sesel.

Sa Bidze i esansyel pou asire ki Lazans Swen Lasante i kontinyen donn nou popilasyon en bon kalite

servis. Avek demann si oule, pou lasante ki pe ogmante. E serten defi ki konsern servis lasante e lasante piblik.

Alokasyon sa Bidze ki nou pe demande, i enportan pou siport nou Misyon lo promosyon lasante. E byennet nou nasyon. Parey nou tou nou konnen byennet en pep ki an bonn sante i esansyel pou devlopman nou pei.

Alor par sa Bidze, koman en pei nou pe investir dan lasante tou dimoun e nou pe investir dan devlopman nou pei. An vi lenportans sante prevantif, nou pe demann resours, nou elarzi bann linisyativ dan lasante primer.

Sa i enkli vaksen pou lenfeksyon *pneumococcal* en maladi ki nou vwar i dan sirtou – kapab grav letan i afekte bann dimoun aze. E sa vaksen pou kou dimoun aze. E osi nou pe demann plis larzan pou nou elarzi nou levantay vaksen ki nou donn bann zanfàn.

E nou pe entrodwir plis program pou lasante bann zonn. E pli bon swen lasante dan lakour dimoun ki bezwen. Nou pou amelyor swen dan servis lopital. Alokasyon prensipal parey nou'n dir pou *PSIP* ki en pousan R11.2 milyon.

I pou renovasyon sa ki nou *the ex NIHSS building*, kot nou pe panse pou nou re aranz

li. Fer li vin sa *rehabilitation* ki nou bezwen. Koumsa nou ava kapab tir bann ta ki pa bezwen bann swen egi Lopital Sesel. Met zot laba kot landrwa i ava pli bon, pli konvenab pou donn zot sa kalite reabilitasyon ki zot bezwen.

An menm tan agrandi en pe landrwa kot nou kapab donn en pe plis *palliative care* an menm tan avek *respite care* pou bann dimoun ki pe ganny swen dan lakour.

Mr Chairman, mon rekonnet sa rol esansyel ki mon bann travayer lasante i zwe. Dan sa Bidze nou pe fer provizyon pou nou staf ganny formasyon dan plizyer domenn. Avek bi pou garanti en mendev pli konpetan, pli kalifye.

E ki pou kapab pli deservi nou pep. Avek sa lentrodiksyon Mr Chairman, mon ti a kontan demann Lasanble pou siport sa Bidze Lazans Swen Lasante. E pou zwenn tou travayer lasante dan sa parkour pou kontinyen donn en pli bon servis nou popilasyon. Mersi.

**MR SPEAKER**

Mersi Minis. Bon, nou a konmans avek lentervansyon bann Manm. Onorab William.

**HON WAVEN WILLIAM**

Mersi Mr Chair. Mr Chair, mon zis anvi larepons pou sa

de kestyon ki mon ti demande bomaten.

**MR SPEAKER**

Poz enn la.

**HON WAVEN WILLIAM**

Ok.

**MR SPEAKER**

Sa enn ki pli enportan pou ou.

**HON WAVEN WILLIAM**

Sa enn pli enportan se sa enn Souvenir La Misère, ki bann zabitan La Misère pe –

**MR SPEAKER**

Ti a bon ou repete akoz Dokter Louange ki ansarz sa.

**HON WAVEN WILLIAM**

Ok. Wi. Minis, mon anvi konnen baze lo diskisyon nou ti annan lo site Souvenir La Misère vizavi *turn* La Misère konman en pti klinik ki ofer lasistans pou pez zanfan. Tyek tansyon, pikir ensidswit. Mon anvi konnen ki pozisyon zot in pran lo la? Akoz vi ki depi 2002 nou pe koz lo la.

E dezyenmman mon ti a kontan konnen vizavi lakantite *nurse qualified* ki zot annan epi lasistans.

**MR SPEAKER**

Annou anmans sa enn pou dezyenm, mersi. Minis. Panel, nou lo size sant lasante La Misère.

**MINISTER PEGGY VIDOT**

Mersi Mr Chairman. Mr Chairman *Doctor* Louange i ava reponn sa kestyon lo La Misère. Mersi.

**CEO DANNY LOUANGE**

Mersi Minis. Mersi Mr Chairman. Bonn apre midi Mr Chairman. Bonn apre midi bann *Leader* Onorab e bann Onorab e tou dimoun a lekout.

Wi pou Souvenir La Misère sa klinik in ed nou en kantite dan lepase. E nou'n vwar letan nou'n refer nou analiz, nou ti vwar ki nou ti kapab servi nou servis ki pli *efficient*. Par redwir sa servis ki nou ti pe *provide* Souvenir.

Nou'n aret li pou en pe letan pou nou evalye en pe plis. Me nou nou'n vwar ki, wi avek kominote nou'n vwar ki i enportan pou nou mentenir en *post* konman en *post*. Ki nou pou kapab fer bann program. Parey *child health*, mezir tansyon. Kekfwa osi *dressing* osi.

E sa nou pe anvizaze konmanse an Mars lannen prosenn. En rezon akoz nou pa'n fer li, nou'n bezwen met *emphasis* lo bann fasilite dan rezyon, avan nou bouz *back to* souvenir. Mersi Mr Speaker.

**MR SPEAKER**

Mersi Dokter. Onorab Gill.

**HON CHURCHILL GILL**

Mersi Mr Chair. Bonn apre midi Minis ek delegasyon. Mon kestyon se parey nou konnen, i annan bokou keksoz ki nou'n anmennen pou Lopital Baie Ste Anne pandan sa lannen.

E prezan mon kestyon se, ki ou Minister i anvizaze fer pou nou kapab dan an term dan long term, pou lekipman, servis, e landrwa parey laboratwar ki devret annan bann keksoz ki sipoze fer. *Maintenance* ler keksoz in fini fer. En *proper preventing maintenance* program.

Ki ou Minister i anvizaze fer, pou nou kapab vwar en transformasyon kot Lopital Baie Ste Anne? Pou kliyan kapab ganny en bon servis parey zot ekspekte? Mersi.

**MR SPEAKER**

Mersi Onorab. *Panel*.

**MINISTER PEGGY VIDOT**

Mersi Mr Chairman. Mersi Onorab pou ou kestyon. Onorab konman en *health centre* ki resevwar i annan pasyan ki vini. Ki nou gard pasyan overnight.

I enn bann ki nou pou *strengthen* an fitir. Wi, nou pe amelyore. Nou pe al batir sa bout kot nou pe dir kot laboratwar, kot *laundry* ek tou sa bann bout parey nou'n diskite.



E sa pou konmanse avek SIA in dir mwan dan kekfw milye Desanm. Tou sa bann servis ki nou pe donner, parey ou'n dir amelyor servis laboratwar.

Laboratwar Praslin i pe byen ekipe. E i annan ankor lekipman si zot bezwen pou kalite tes ki zot fer. Ki nou kapab met Praslin dek ki zot laboratwar i agrandi.

Lezot servis parey nenport ki lezot *health centre*, nou pe amelyore. E pou annan diferan diskisyon ki nou pou pe fer. An Fevriye nou pou Praslin pou fer en konferans lo sante primer, pou nou kapab amelyor sante primer dan Praslin. E koumsa ki nou ava travay ansanm avek kominote, pou nou kapab promouvwar lasante dimoun Praslin. Mersi.

### **MR SPEAKER**

Mersi Minis. Onorab Woodcock?

### **HON WAVEL WOODCOCK**

Mersi Mr Speaker. Annefe mon kestyon i pe swiv kestyon ki Onorab Gill in demande. Annefe i annan pou fer avek sa bann fasilite menm.

Mon rapel depi dan sizyenm Lasanble, mon ti anmenn en Mosyon kot mon demann sa bann servis an partikilye ki aktyelman dan sa Bidze pou Bidze 2024.

Me annefe sa bann fasilite la. Mon pe koz ou *oxygen plant, clinical lab, laundry, hyperbaric chamber*, i en laliny dan Bidze ki'n la pou en bon pe letan. Annefe depi sizyenm Lasanble sa bann proze in ganny promet.

Minis ou rapel dan vizit ki nou ti fer lopital, ti annan en *staff* laboratwar ki ti dir ou i pa krwar dan sa Gouvernman. Akoz bokou lannen sa bann keksoz in ganny promet, me zanmen in ganny fer.

Mwan ki mon oule Minis akoz sa proze in dan Bidze depi lannen pase, bann lannen avan, sa lannen in dan Bidze. E i pou dan Bidze lannen prosenn osi.

Mon kestyon sa R4.5 milyon si Minis i kapab donn nou en lasirans en garanti akoz bann *staff* lopital pe demann nou. Sirtou apre sa vizit ki ou'n fer sa bann promes avek sa bann *staff*. Ki sa bann fasilite en fwa pour tou Minis i pou ganny fer. Ki i pa zis en promes dan vid. Akoz vremen bann *staff* pe vremen esper lo Minister pou konplete.

### **MR SPEAKER**

Mersi Onorab.

### **MINISTER PEGGY VIDOT**

Mersi Mr Chair e mersi Onorab. Onorab non, i pa en promes dan vid. Parey ou dir

larzan in ganny bidzete, diskisyon in fer avek ou, avek lezot dimoun lo Praslin. Nou'n vini nou'n aranze. Nou'n deside.

Diferan keksoz ki'n ganny demande in azoute. En rezon akoz kekfw sa proze in retard en pe, akoz ler nou'n travay lo en bout in annan lot kalite demann. E lot kalite demann. Ki finalman in pran nou plis letan pou zot kapab travay lo sa proze.

Me proze in al kot *Planning Authority* e pou byento mon'n ganny dir *by Seychelles Infrastructure Agency*, ki zot panse sa proze pou konmanse milye Desanm. Mersi. So, i pa en promes dan vid.

### **MR SPEAKER**

Mersi Minis. Onorab Lemiel.

### **HON SYLVANNE LEMIEL**

Mersi Mr Chair. Bonn apre midi Minis ankor enn fwa, Dr Louange e Ms Theresine bonn apre midi.

Mr Chair, dan mon ladres pou repons Bidze, mon ti fer resorti dernyen fwa serten problem ki nou pe gannyen. E ki mon zabitan dan distrik li menm i pas atraver. An sa ki konsern serten servis letan i ariv kot swa klinik Anse Royale; oubyen lo nivo Minister menm

an sa ki konsern vwar spesyalis.

E sanmenm sa ki mon ti anmenn en kestyon dernyen fwa. Me malerezman ou pa ti la pou demande. Pasyan pre 8 mwan, pa ankor kapab ganny en randevou pou vwar en *orthopedic*. Pasyan i esper plis ki 7 erdtan lo ban. Nou fek rezourd sa problem sanmenm sa semenn.

E Mr Chair, mon apresye e mon kontan ki Mrs Lucas ki dan zot Minister in kapab al *investigate*. E in vwar ki i vre ki pasyan i asiz 7 erdtan e plis lo ban Anse Royale avan zot kapab vwar en dokter.

In kapab konstate osi ki dokter ki *on call* pa pe travay. Me selman i ganny *allowance* tou le mwan. Sa mon ti a kontan petet Minis letan nou pe koz lo Bidze la, sa bann size i ganny adrese.

Akoz i annan en Bidze ki nou vot pou zot. E i ti pou byen si i annan en pli bon sipervizyon an sa ki konsern servis lo nivo kominoter. Ki Minister Lasante pe donn nou bann sitwayen dan distrik.

Nou ti koz osi lo kote mankman latizann e kalite latizann, ki nou bann pasyan pe gannyen.

Mon espere ki dan sa Bidze ki pe vini la, nou pou vwar en amelyorasyon an sa ki konsern mankman sa bann latizann.

Mr Speaker, mon ti a kontan Minis i dir nou atraver sa Bidze ki in gannyen la, ki fason petet zot kot *Health Care Agency* zot pe mazin al adres sa bann problem ki mon'n fer resorti la.

Enn lo kote ganny en pe plis spesyalis? Mon konnen sa pa vin ozordi pou demen. Me ki bann prosedir zot ladan la, zot pe fer pou ki lannen prosenn sa sistenm i amelyore? E ki pasyan pa bezwen esper plis ki bokou letan pou zot kapab vwar en spesyalis?

E ki fason sa Bidze osi, pou ed zot pou adres lo sa kote latizann? *Monitoring of* sa bann dokter ki swadizan i *on call* pe ganny peye? *Taxpayers money* pe ganny gate.

E ki fason zot pe mazin pe *monitor* tousala pou nou adres sa bann problem atraver sa Bidze 2024 ki pe vini?

E Mr Speaker, permet mwan avan mon fini mon ti pou kontan remersye Dr Lounage ki la devan mwan, akoz i en dimoun ki pe ed mwan avek maladi mon manman. Pou sonny li pou son loperasyon. *Thank you* Dr Louange. Ou en legzanp ki pe fer byen pou le moman. Konman en spesyalis ou pe seye. Me ti a byen lezot osi i sey parey ou. Mersi.

## **MR SPEAKER**

Ok. Minis Onorab in lev plizyer size konsernan Lopital Anse Royale, servis kominoter. Ou pa pou kapab donn tou detay lo soz. Me selman si ou kapab adres son bann pwen lo servis e latizann.

## **MINISTER PEGGY VIDOT**

Mersi bokou Mr Chairman. Mon a esey adres sa ki mon kapab. Wi, Onorab, mersi pou relev sa bann kestyon. E mon ava pran par egzanp, mon kontan ki ou dir mwan poudir Madanm Lucas in kapab rezourd serten problem.

Wi Madanm Lucas, i Direkter ki ansarz servis kominoter. E i part son louvraz se pou fer sa kalite *monitoring*. Sa bann kalite sipervizyon pou anpese ki sa bann kalite keksoz koumsa i arive.

E mon kontan si ou pe dir mwan ki sa ki nou met an plas. Alor sa i en keksoz ki nou pe demann bann direkter, pou fer pli byen zot rol *monitoring*. So sa i enn.

Lo keksoz spesyalis ki mannyer nou kapab redwir kantite letan ki en dimoun i kapab vwar dokter. Nou'n met an plas en sistenm *appointment*, ki i mars byen. E ki ed nou dan *management Health Care Agency* pou verifye, pou *monitor*. A ki pwen ki kantite letan *waiting time*.

Me selman mon ti a kontan fer resorti osi Onorab, ki wi osi lontan ki nou annan en problem ki dimoun pa vin son *appointment* sa i retarde. E i fer ki nou *appointment* time i pran plis letan.

Si mon pran par egzanp zis pou mwan Septanm zis pou *orthopedic, ok?* Nou fer klinik *orthopedic* tou le zour kot Twa Zonn. Zis pou mwan Septanm. Dan sak klinik nou pran an poursan 25 dimoun. Pou mwan Septanm nou annan nou 177 dimoun ki pa'n *turn up* pou zot *appointment*.

Sa si ou regarde i fer nou 7 klinik. E sa ti a'n ed nou pou nou redwir kantite letan, si dimoun ti fer pli byen. Nou'n met an plas en sistenm pou nou kapab *remind* dimoun *through* en *text*, ki zot *appointment* e konfirman si zot *appointment* pou vini ou sinon non.

So sa nou panse i keksoz ki pou redwir. Me pou kote *procurement* ankor nou'n amelyore. Nou'n revwar nou sistenm. Nou'n re vizite e nou'n met an plas diferan kalite fason redwir *timeline, from* letan ki zot *raise* en *alert*. Ki tel medikaman in ariv son *re order level*. Nou'n releve *re order level* e nou pe travay met plis dimoun pou vwar.

So en kantite pe ganny fer, pou adres tou sa bann

problemm ki ou'n mansyonnen. Mon krwar mon'n adres –

### **MR SPEAKER**

Mersi Minis. Mon krwar in annan en repons lo plizyer size. Onorab Roucou.

### **HON MICHEL ROUCOU**

Mersi Mr Speaker. Bonn apre midi a tou. Mr Speaker, mwan osi permet mwan pou remersye Dokter Louange akoz i ed nou, nou osi lo nou kote. Vreman apresye.

Mr Speaker, mon annan de kestyon selman mon pou anmas enn pou taler dan dezyenm *round*. Mon premye kestyon i an term lo kote renovasyon lopital. Mon vwar poudir i annan 9.5 milyon dan Bidze la an term renovasyon Lopital Sesel.

Si ou kapab dir nou en pti pe lopital, ki mannyer renovasyon i marse? Eski zot *self-contract* oubyen zot annan en Departman la? Nou konnen poudir I annan en Departman Lenfrastriktir ki pe travay ek zot. Ki mannyer bann louvraz lopital an term *maintenance* i marse li menm li? Mersi.

### **MR SPEAKER**

Mersi.

### **MINISTER PEGGY VIDOT**

Mr Speaker, mon ava demann Dr. Louange pou reponn sa kestyon silvouple.

**MR SPEAKER**

*Thank you.* Dokter Louange.

**CEO DANNY LOUANGE**

Mersi Mr Chair. Mersi Onorab pou ou kestyon. Wi nou'n vin avek en nouvo sistenm pou *maintenance* dan Lopital Sesel. Nou annan – nou'n *sign* en kontra avek en kontrakter.

Sa i atraver *SIA*. *SIA* in ed nou en kantite pou nou kapab devlop sa kontra ek son *scope*. E tou son bann detay. So i annan de laspe dan sa *maintenance contract*.

I annan *maintenance itself*, sa *annual preventing maintenance*. Be i annan bann *minor repair* osi. Sanmenm sa ki bor nou panse sa larzan pou al plis. I pou al plis dan bann *minor repairs* ki nou bezwen.

Par egzanp laport, si i annan *fungus*. Si i annan problemm ek bann lafnet, *ceiling and so on*. Nou'n deza konmans engage sa kontrakter. Menm la *right now*. E i pe al konmans travay lo en *minor theatre* ki nou annan ki'n ganny enfeste par *fungus*.

E zot pe ed nou en kantite. Akoz zot annan detrwa travayer ki kapab fer

diferan proze *at the same time*. Mersi Mr Chair.

**MR SPEAKER**

Mersi. Onorab Gabriel?

**HON CONRAD GABRIEL**

Mersi Mr Chair. *Welcome* Minis ek ou panel. Mon ti a kontan konnen dabor si i annan lenvestisman *long term* ouswa kour term, ki'n ganny idantifye pou redevlopman sant lasante Anse Aux Pins?

Otherwise si non, *what is the way forward* akoz mon krwar nou'n gaspiy letan ek Dr. Louange. Nou'n al fer vizit nou'n gete. Ti annan en bann propozisyon. Silvouple donn nou en *way forward*. *Because* dimoun Pointe Larue osi I servi sa fasilite.

Apre zis an pasan Minis, Dr Louange zis a konfirman kan zot pou ganny *endospecialist* pou dyabet. Akoz i parey i fer lan, la i napa enn.

**MR SPEAKER**

Ou pe al lo de kestyon la. Ou'n met ou non pou sa dezyenm kestyon Onorab. Mon'n mete ou non la. Klinik Anse Aux Pins. Minis, Dr Louange in leve son lanmen. Si ou dakor i a reponn.

**MINISTER PEGGY VIDOT**

*Yes. Carry on.*

**CEO DANNY LOUANGE**

Mersi Mr Chair, mersi onorab pou kestyon. Wi nou'n fer vizit plizyer fwa dan sant lasante Anse Aux Pins. E i annan de diferan rekomandasyon ki nou'n travay lo la. I annan keksoz ki zis pa marse. Sa klinik i ganny sitye. Sa bann lanvironnman i annan landrwa ki kanmenm ou penn ou tret sa *fungus* i kontinyen retournen.

So nou pe – nou annan en proze ki nou pe travay avek *SIA*, pou gete ki mannyer nou kapab pli byen amelyor servis lava. E nou'n vwar ki i annan en fasilite ki nou ti servi pou *screening* pandan letan *COVID*.

Aprè bann lezot servis. Nou pe al *convert* sa konman en *consultation room* ki nou pou bouz sa konsiltasyon ki bor i ete dan en pe pli fon. Ki bor i kontinyen ganny *infested* pa *fungu*,. nou pe *turn it into a consultation room*.

E osi menm letan kontrakter i laba nou pou idantifye bann *areas* osi. Ki bor nou pou kapab dir li re penn. Sa nou'n fini fer bann papye pou konmans - petet si nou kapab konmanse sa lannen. Oubyen konmansman lannen prosenn.

E lannen prosenn nou annan osi nou'n met en alokasyon pou nou fer en pe

renovasyon Anse Aux Pins. Nou annan nou 550 mil ki'n ganny *allocate*.

Me selman nou vwar Anse Aux Pins i annan bann pti travay. Menm si nou pa bezwen fer renovasyon. Me tou kou nou pou pare pou nou repare. Sirtou lo kote *fungus* kot Anse Aux Pins. Ti annan en lot kestyon.

**MR SPEAKER**

Ti annan en lot kestyon nou pa pou al lo la. Nou a tenir lo Anse Aux Pins la. Si ou pou annan okenn lot pwen lo Anse Aux Pins Dokter Louange.

**CEO DANNY LOUANGE**

Wi Mr Chair in koz *about* sa spesyalis pou dyabet. *Endocunologist*. Wi nou ti annan en *Cuban*. En *expatriate* ki ti pe *provide* sa servis pou nou. In ale e i pa'n ganny ranplase. E ki nou'n fer nou transfer sa responsabilite anba bann spesyalis ki nou dir bann *internal medicine*.

Nou annan en spesyalis ki spesyalize ladan. Me la nou'n fer en *recruitment*. Nou'n fer en *interview*. I annan enn ki pe vini lafen Novanm sa lannen.

E nou osi annan en Seselwa osi ki'n *train* ladan. Nou ti pe ekspekte li retournen sa lannen. Me mon krwar avek bann keksoz personnel, in retard son letid. I pe vini

konmansman lannen  
prosenn. Mersi Mr Chair.

**MR SPEAKER**

Mersi. Mon krwar sa ti son  
dezyenm kestyon. Bann  
Manm annou swiv lord, gard  
zot kestyon lo en size. Onorab  
Samynadin.

**HON KELLY SAMYNADIN**

Mersi Mr Chair. Bonn apre  
midi Minis ek ou delegasyon e  
tou dimoun a lekout. An vi ki  
dan zot *current challenges*, zot  
in sertifye ki i annan en  
logmantasyon dan la kantite  
lansentman ek nesans prekos.  
Ensi ki dan bann ka  
lavortman.

Eski Minis i kapab dir  
nou si zot pe mazin lans dan  
bann program *outreach* dan  
bann kominote. An  
partenarya avek bann ... Pou  
kapab anmenn ledikasyon  
seksyel e reproduktiv en pti pe  
pli pre avek nou bann zenn  
dan kominote? Mersi.

**MR SPEAKER**

Mersi. Minis.

**MINISTER PEGGY VIDOT**

Mersi Onorab. Mersi pou sa  
kestyon. Mersi Mr Chair. Wi  
nou pe entansifye ledikasyon  
ek pou nou kapab redwir si ou  
le kantite lansentman, ki pa  
ganny planifye.

E sa i pou enkli en  
kantite sa bann zenn ki si ou

le i tonm ansent avan ki zot  
pare. Ou si non zot in planifye  
sa. E sa nou pe fer li dan  
diferan kalite fason. Nou pe  
entansifye nou bann  
program ki nou annan dan  
lekol.

Nou pe entansifye nou  
bann program ki nou annan  
dan *youth health centre*. Nou  
pe regard posibilite pou *ouver*  
*youth health centre* dan sid.  
Koumsa ki nou ava ariv pli  
pre. E konman nou pe fer tou  
sa bann kalite travay dan  
bann distrik pou nou revitaliz  
servis lasante primer. Nou pe  
revwar, regard avek kominote.

*Because* parey ou  
konnen nou, nou ava fer nou  
bout lo ledikasyon. Nou ed sa  
bann dimoun. Me i en  
problenm. En problenm  
sosyal ki konmans dan la  
fanmir. Ki konmans dan  
sosyete. Dan kominote.

Alor nou pou bezwen  
pran en lapros, kot nou tou  
nou pe travay ansanm. Ki ek  
sosyete ki ek kominote. E  
avek nou ek ledikasyon. Ek la  
fanmir pou nou kapab adres  
sa. Mersi.

**MR SPEAKER**

Mersi Minis. Onorab Vidot?

**HON AUDREY VIDOT**

Mersi Mr Chairman. Bonn  
apre midi nouvo panel ki'n  
akonpany Minis pou sesyon  
apre midi. Mr Chairman,

premyerman mon prezant leskiz pou bann travayer lasante ki pa posib pou mon kapab demann tou zot bann kestyon.

Alors, mon ava pas zot konsern. Minis, i annan en kantite zot ki'n eksprim dezapwentman. Akoz i annan ki pe swiv depi bomaten. Bann repons ki ou pe donner zot pa satisfè.

E zot pe demande ki si ou kapab pli solider avek zot. Par dir zot ki moman an 2024 avek sa Bidze ki ou'n gannyen la, ki ou pou kapab vin dir zot, kan ki zot *scheme* omwen pou kapab annan serten laklerte pou konmans travay lo la? Mersi.

### **MR SPEAKER**

Mersi. Minis in reponn lo *scheme*. Minis, mon pa vwar ki kantite fwa ou pou adres sa. Minis in reponn lo *scheme*. Nou a kontinyen. Onorab Labrosse.

### **HON RICHARD LABROSSE**

Mersi Mr Speaker. Bonn apre midi nouvo delegasyon Minis ek tou dimoun ki a lekout. Mr Speaker, ler mon pe get dan liv Bidze *Health Care Agency* mon'n vwar ki enn zot *current challenges*, zot pe dir en gap. Dan la fason zot donn *quality of care* pou bann pasyan dan lopital.

Be partou kot ou pase konmela Mr Speaker, menm *Maurice* ki en pti pe pre avek nou ban pei en pti pe pros. Zot annan sa dimoun ki apel en *quality of care officer* ouswa en direkter.

Eski Minis ler nou pe koz dan tou sa bann defayans ki enn de Manm in fer sorti, sirtou lo kote servis lasante, eski Minister Lasante pe mazin al dan laliny la kot kekfwa zot a kapab ouver en Departman parey. *Quality of care*. Ki zot a kapab revwar en pe bann servis zot pe donner. Osi bann ki manke.

E osi ler mon pe dir sa sa dimoun osi ava kapab vwar bann landrwa kot zot fer bann klinik. Par egzanp kot *eye clinic* enn de mon bann zabitan in met dan mon konsern.

Ki sa landrwa i en pti pe tro o anler sirtou dan servis lizye. Kot ou konnen bann dimoun ki annan problem lizye ki bezwen mont anler. Mersi Mr Speaker.

### **MR SPEAKER**

Mersi Onorab.

### **MINISTER PEGGY VIDOT**

Mersi Mr Chairman. Mersi Onorab. Onorab, wi pou nou adres sa *challenge* ki nou'n mete, nou'n vwar depi sa lannen ki nou bezwen met an



plas en sa ki nou dir en *quality assurance* komite.

E sa nou'n fer serten travay. Nou'n fer serten si ou le ledikasyon. Nou pe travay pre avek *Oxford University*. Zot in vin isi. Zot in *train* en pe nou bann dimoun. E zot in osi ed nou pou nou kapab pe devlop en program. E sa i an viger.

Nou osi pou nou kapab sansibiliz dimoun plis nou'n lanse depi konmansman sa lannen en program. Ankor pou *quality* sakenn *unit* ki oule partisipe, zot in ganny demande pou zot fer en proze ki pou amelyor kalite servis ki zot pe donner.

E menm yer swar mon'n vwar enn par egzantp ki pa dan sa bann si oule proze. Ki zot pe dir poudir zot pe ganny pli bon kalite lenz pou dan lasal loperasyon. Pou fer zanfand pli alez. So nou pe fer en kantite proze koumsa ki nou pe panse poudir pou amelyor la kalite servis.

Me nou toultan konsyan ki i en travay ki nou bezwen pe fer kontinyelman. Entansifye e fer sir. E nou pe osi travay pre avek *WHO* ki pe ed nou. E ki isi sirplas pe ed nou travay lo bann diferan proze ki nou annan. Mersi.

### **MR SPEAKER**

Mersi Minis. Onorab Uranie.

### **HON ROCKY URANIE**

Mersi Mr Speaker. Nou'n ganny nou en nouvo lopital nef e nou bezwen anbelir li Minis. Mon pa ti a kontan ki menm problem ki'n deroule *Logan Hospital* i ganny *break forward* dan nouvo lopital.

E alors mon ti a kontan konnen si sa Bidze, pou ogmant frekans spesyalis ki vin lo La Digue pou nou bann dimoun. E apre osi si bann dimoun ki bezwen servis lo Mahe ki napa ki pa kapab ofer La Digue. Sirtou bann dimoun aze ki annan *carer*. Si sa dimoun aze ki malad zot pey tiket sa dimoun aze. Me sa *carer* li ki travay ek li eski zot ganny provizyon pou pey son tiket li osi pou al avek? Eski zot annan provizyon aköz –

### **MR SPEAKER**

Bon. Ou'n demann de kestyon, bon alor mon a les Minis reponn. Pa azout plis. Minis ou'n pare?

### **MINISTER PEGGY VIDOT**

Wi Mr Chairman. Mersi Onorab. Onorab, ler en dimoun i malad wi nou fer fason si i bezwen ganny evakye pou vin isi Mahe. Ki i sorti Praslin ouswa La Digue pou zot vini.

Si i annan dimoun ki malad par egzantp en zanfand. Ki i bezwen lasistans en

dimoun. Parey son paran pou vin avek li nou osi peye.

Me si en vye dimoun i pa pe kapab antre pou al voyaz li tousel. E ki i napa lot fason me i sa *carer* nou pa pe anmenn sa *carer* zis pou vin asize avek li.

Si nou par egzanp i annan dimoun ki pe kapab akonpanyi li pou vin isi, *then* nou ava pey pou nou travayer pou anmenn li. Me pou le moman i lo en *case by case basis*. Si sa dimoun napa ditou dimoun e ki i bezwen en dimoun *then* nou ava konsidere. Me Polisi i si i absoliman *dependant* lo en dimoun paran ek zanfán, sa toultan nou pran swen avek.

### **MR SPEAKER**

Mersi. Nou a retourn lo ou kestyon spesyalis pli tar. Onorab Hoareau.

### **HON JOHN HOAREAU**

Mersi Mr Chair. Bonn apre midi tou dimoun ki a lekout. Mr Chair, mwan mon kestyon i baze lo *strategic priorities* ki Minis in mete dan son Bidze. Lo kote *non communicable diseases* avek *communicable diseases* pou adrese.

Mon ti le konnen, an vi ki annan en *increasing tuberculosis* apre bann lezot maladi kominikab. Mon ti le konnen kwa egzaktaman zot pe planifye fer avek sa Bidze ki

ou pe donn zot? Pou zot fer sir ki zot pe kapab adres zisteman sa bann risk faktor, pou *communicable diseases*. Mersi.

### **MR SPEAKER**

Mersi. Minis.

### **MINISTER PEGGY VIDOT**

Mersi Mr Chairman. Mersi Onorab. Onorab, *communicable diseases* pou nou i reste toultan en konsern. E i en pli gran konsern la aköz nou pe vwar poudir nou annan en logmantasyon dan serten ka.

E alor nou pe pran bokou plis si ou le swen. Pou nou regarde ki mannyer, aköz. Parey ou konnen *communicable diseases* parey TB par egzanp i ganny pase avek *close contact*.

E alor sa ki nou pe fer se fer en fason pou nou kapab arive zwen sa bann diferan kontak. E pou nou kapab fer sa bann *preventive screening* ki nou bezwen fer avek bann kontak.

Me nou kapab dir poudir nou pe rankontre en kantite difikilte. Ki i pou TB, ki i pou sifilis, ki i pou lezot *sexually transmitted diseases*. Nou gran problem se ki nou pa pe kapab ganny non bann kontak. Ou sinon fer sa dimoun ki afekte al dir son kontak poudir i bezwen vin

tretman. Alor pou nou sa nou vwar poudir i en gran baryer. Pou anpes nou ariv kot dimoun ki nou bezwen ariv kot zot.

E alor nou pe fer nou mye. Nou pe regard diferan stratezi. Nou pe sey etidye plis profil sa bann dimoun ki pe ganny afekte. Konpran plis zot konportman. Konpran plis zot frekantasyon. Pou nou kapab nou osi arive al zwenn zot.

Nou ti a kontan ankor kekfwa konman nou *on air* la, ki dimoun I konpran gravite ler nou pa dir sa dimoun ki nou otour poudir I en kontak. Ou sinon ki nou'n annan serten relasyon avek, pou dir zot a risk.

Akoz osi lontan ki nou fer sa nou pa pou kapab – nou a kapab annan pli bon latizann. Nou a kapab annan diferan stratezi me nou pa pou kapab arive anpes sa *spread*. So i enportan ki nou konn sa. E la nou a demann led tou dimoun pou ed nou si zot pe kapab ede entansifye lafason. Nou osi remarke poudir nou konnen I annan serten popilasyon ki pli a risk. E alor nou pe travay avek plis sa bann popilasyon.

Nou'n remarke par egzantp poudir I annan nesosite pou nou re vwar nou letan ki nou fer serten tes. Par egzantp dan bann ansent *en voie de famille*. Ansent. Oparavan kekfwa nou ti fer tes

pou serten maladi. Parey *HIV*, parey ki sifilis dan en serten peryod letan.

Nou realize poudir an vi sa i pa pe marse nou bezwen fer li pli regilyerman. E sa i deza en stratezi ki nou pe servi. Nou pe osi ankouraz sa bann dimoun pou fer zot partner ganny teste.

So I annan diferan bout ki nou pe *entame at the moment*. Me nou konnen poudir i en lalit ki pou en pe difisil avek en kantite problem. *Unless* nou ganny korperasyon pasyan. Mersi.

#### **MR SPEAKER**

Mersi Minis. Onorab Herminie.

#### **HON WILBERT HERMINIE**

Bonn apre midi Mr Speaker. Mersi Mr Speaker. Bonn apre midi Minis avek ou bann nouvo panel. Minis parey nou konnen ki lopital i pa zis lenfrastruktir i prezimnaman servis.

Ler nou pe get dan sa Bidze. Nou pe pas dan diferan *minor capital outlays*, *PSIP*, mon pa vwar okenn alokasyon pou bann keksoz ki ede avek servis.

Akoz tou la zournen nou tande napa tapi, napa bekir. *Buzzer* dan ward lo maternite pa pe marse. Napa spesyalis. *Lift* pa pe marse. So nou vwar en bon pe *issue* ki leve tou la

zournen. E nou ganny kontakte konman bann *MNA*.

Me solman, mon'n pas dan sa Bidze an antye. Sirtou lo kote proze ek *minor capital*. Mon ti ava ekspekte ki mon vwar akizisyon en *lift*. Ki bokou dimoun lopital i servi. Mazorite pasyan ler zot pa mobil zot ti pou servi.

Solman larzan ti annan pou aste en *lift State House*.

### **MR SPEAKER**

Mersi. Onorab i annan *lift* lopital. Mersi. Si ou pa'n vizit lopital vizite ou a vwar i annan *lift*. *Next question* Onorab Labonte.

### **HON ANDY LABONTE**

Mersi Mr Chair. Bonn apre midi ankor en fwa Minis avek tou panel. Bon Minis mon pa pou mank sa sans ankor enn fwa pou mon remersye tou Minister enkli ou ki pe fer sa bon travay.

E la partikilyerman *staff* English River. Sa i enkli Ms Marie Helene ki ansarz *health centre*. E osi Ms Sinon ki responsab pou sa servis aswar. Akoz mon kestyon i baze plizoumwèn lo sa servis.

Parey ou konnen poudir *health centre* English River pa ti ouver ziska 10er. E la i ouver ziska 10er. So mon'n vwar zot annan apepre 15 *achievement*. E apepre 25 *challenges*.

Mon pa vwar nanryen ladan vreman ki relye avek English River. So dan sa laliny, akoz mon'n pas laba mon konnen poudir i annan pa mal konsern. E la mwan osi anvi dir avek mon bann zabitan ki pe byen servi sa *health centre* kontinyen. Akoz lavi sa bann *staff* pa sitan fasil. Me selman zot sey zot mye.

So, lo menm laliny ki taler mon'n tann Onorab Lemiel dir, ki Dokter Louange i rann bokou vizit *and so on*. So, mon ti a swete ki petet Dokter Louange annou rann en vizit sa bann *staff*. Enkli mwan dan ou vizit ki petet nou kapab adres bann konsern avek sa nouvo servis.

So dan sa Bidze li menm li kwa ki annan ki pou take care avek sa bann konsern *in terms of staff welfare*, lekipman, pou sant English River. Akoz English River li menm li i kouver plizyer distrik si oule. So dan sa laliny ki mon kestyon i vini. Mersi.

### **MR SPEAKER**

Ou kestyon, i en pe vag mon sipoze *panel* kapab adres lo *clinic* English River.

### **MINISTER PEGGY VIDOT**

Mersi bokou Mr Chairman. Mersi Onorab. Onorab, mon konnen poudir ou atas en gran

lenportans. E ou donn en kantite sipor Klinik Rivière Anglaise. E pou sa nou ava dir ou mersi. Me selman kekfwa ou pa pe vwar li detaye anba diferan *health centre*.

Me dan mon lentroduksyon mon'n dir nou annan R219 milyon pou servis kominoter. E Klinik Rivière Anglaise i tonm ladan. E pou tou sa bann kalite keksoz ki zot bezwen ki i ganny servi ladan.

Saler *staff ek* lezot keksoz i apar. Me sa i pou diferan keksoz ki vin dan servis ki nou bezwen pou kominoter. E mon pa konnen si Dokter Louange i le adres lezot bout ki ou'n dir parey sipervizyon pli targete pou Rivière Anglaise. Mersi Mr Speaker.

### **MR SPEAKER**

Mersi. Dokter Louange, ou ti a kontan azoute?

### **CEO DANNY LOUANGE**

Mersi Mr Chairman. Mersi Onorab pou kestyon. Wi English River i en gran *health centre*. I deservi en gran popilasyon. E enn bann pli gran *health centre* ki ganny plis servis. E i *provide* plis servis osi. Sipervizyon, wi nou annan e direkter dan kominote ki fer vizit frekan laba.

E menm mwan osi detanzantan mon pas English River pou fer bann vizit. Mon'n fer de vizit semenn pase pandan labsans nou direkter. E mon an kominikasyon avek sa bann *staff* English River.

So, i annan – nou osi annan bann zofisye ki ansarznors. Zofisye ki ansarznors Dokter. Os i fer bann vizit. I annan osi zofisye ki ansarznors dokter dan kominote zot lofis i baze laba.

So nou met en ta *emphasis* lo sipervizyon English River. I en gran *health centre* parey mon'n dir, e nou annan en kantite *staff* laba. Me nou pa *exclude* English River letan nou pe fer bann proze.

Parey nou pe travay lo en proze *quality improvement – quality assurance*. Zot osi zot enkli. E la komansman lannen nou pe al lans li en pe pli for. Lo kote lenfrastruktir osi nou'n ganny en ta konplent avek nou *staff*. Nou le reasir zot pou zot ganny motive. Ki nou annan en proze pou re tret bann *fungus* e re penn ankor English River.

I en landrwa ki nou pe ganny tape en kantite avek *fungus*. Donn zot en lanvironnman ki pli *condusive* pou zot travay.

Nou'n osi *recruit* en nouvo zofisye ki *look at facilities*. Nou pe get bann

*furniture* osi ki nou annan. I annan en pe ki nou bezwen sanze. E nou pe gete ki mannyer nou kapab moderniz zot lanvironnman konmkwa zot a *feel* pli alez. Pli kapab pou delivre sa servis ki zot bezwen delivre.

**MR SPEAKER**

Mersi Dokter Louange. Onorab Loze.

**HON JOHAN LOZE**

Mersi Mr Speaker. Minis, i annan en keksoz ki ti sorti kler dan *revised budget 2020*. A sete ki ti pou pran pei 5 an. 5 an pou retourn lo nivo lekonomi 2019.

Aprè keksoz in sanze. Zot in vini zot in dir nou pei pe fer byen. Aprè napa lespas fiskal. Bon. Sa ki mwan mon anvi konnen. En pwennvi long term Minis; kan apepre aköz mwan mon dezapwente avek tou sa ki pe ganny dir la annan konsernan *staff*. Kan apepre ki zot pou kapab anvizaze konmans travay lo lazisteman saler bann travayer Minister Lasante?

Ou dir mwan kan. Ou dir mwan kan zot pou annan lespas fiskal. Mersi Mr Speaker.

**MR SPEAKER**

Ok. Retourn ankor lo menm kestyon. Me i pe demande kan

ou anvizaze Mini. Ou a pran kestyon.

**MINISTER PEGGY VIDOT**

Mr Chairman, mon ti ava kontan dir avek Onorab poudir azisteman saler pou tou travayer Sesel in ganny fer an Avril 2023. E si ou'n fer en azisteman dan 2023, ou pa pe kapab ekspekte annan en lot azisteman dan 2023. Ou sinon dan 2024. Alor mon krwar Mr Speaker, poudir son repons se nou fek fer en azisteman saler. Mersi.

**MR SPEAKER**

Mersi. Onorab Romain.

**HON GEORGES ROMAIN**

Mersi Mr Speaker. Bonn aprè midi Minis ek ou *panel*. Minis, mwan osi mon pou fer en konpliman pou bann *staff* Rivière Anglaise. An vi ki i ferm 10er mon'n ganny sans al laba pre 9er ek mon garson. Kot sa tim ki ti la sa zour swar ti vremen profesyonnel. Mon ti vremen enpresyonnen. E mon espere zot kontinyen sa bon travay.

Mon kestyon pou Minis i trouve anba *office expenses* dan program 2. Kot mon'n vwar an 2023 ti annan 9 milyon 344 pou delo. Me selman par kont an 2024 i apepre dan R16 ekek milyon. Si Minis oubyen *CEO* i kapab

donn en pti leksplikasyon lo la. Mersi Mr Speaker.

**MR SPEAKER**

Mersi Onorab. Minis –

**MINISTER PEGGY VIDOT**

Mersi Mr Chairman. Mr Chairman, mon ti ava demann Doctor Louange pou eklersi sa pwen. Mersi.

**MR SPEAKER**

Tre byen. Dokter Louange.

**CEO DANNY LOUANGE**

Mersi Mr Chair. Onorab, mersi pou ou kestyon. Ou kapab repet sa kestyon ou'n al en pe tro vit.

**HON GEORGES ROMAIN**

Mersi. *Sorry*. I anba *office expenses*. Pou delo. I anba *hospital and specialized services*. Kot i ti 9.3milyon 2023 be la i pe montre R16.8milyon. Mersi Mr Speaker.

**CEO DANNY LOUANGE**

Ok, mersi Chairman, ankor. Mersi Onorab pou sa kestyon. Sa bann lazisteman ki nou'n fer i aköz nou pe *adjust* pou sa bann *bill* ki'n antre. Konmkwa ki nou kapab *catch up*.

I annan bann *outstanding* ki nou bezwen peye. Me apre osi i annan – aköz nou pe sanz fason ki manner nou pe pey bann *bills*

delo ek elektrisite. Nou'n vwar dan lepase aköz en kantite *bills* ki pe vini. E la nou pe servi *Portal PUC* nou kapab *monitor* nou *utilities* pli byen.

E nou pe vwar ki annan bann *bills* ki pa ti pe ganny peye i *move* dan *outstanding*. E sa i pou prozeksyon ki nou'n vwar sa logmantasyon. Sanmenm sa nou'n met sa *increase*.

E *obviously consumption* in monte, aköz nou annan Lopital La Digue ki nou'n *build*. I annan bann nouvo teknik ki nou'n entrodwir. Parey *CSSD* nou pe al ouver en nouvo *CSSD*. Ki pou servi plis delo. I annan bann lezot servis ki nou bezwen plis delo. Mersi Mr Chair.

**MR SPEAKER**

Mersi Dokter Louange. Onorab Cosgrow.

**HON WALLACE COSGROW**

Mersi Mr Chairman. Bonn apre midi tou dimoun. Mr Chairman, ou ava rekonforte ki mon pa pou antre avek kestyon *lift State House*. Malgre mon pa krwar i devret annan enn.

Mr Chairman, parey mon'n konmans mon lentervansyon taler lasante i primordyalman *about* servis. Se sa ki ed nou bann dimoun pou zot geri byensir si son

bann lekipman fasilite i enportan.

Minis, taler mon'n ekout ou mon'n tann ou dir avek Onorab Woodcock ki poudir i pa bann promes dan vid. Zot pe al fer serten keksoz Praslin. Me par kont nou ankor pe esper *MRI* ki zot ti promet dan sa lannen - pa ankor ariv.

Servis lanbilans Minis avek *porter* i enn ki kritik kritik ozordi la. Nou ganny zis de lanbilans avek Gouvernman Malaisie pandan 4an.

Dan Bidze mon vwar R3milyon. Mon pa konnen konbyen lanbilans nou pou aste ek R3 milyon. Pou sa lannen. Porter dan lanbilans i annan zis enn parfwa. *Paramedic* napa.

Sa I bann konplent ki bann dimoun ki vin kot nou i dir nou. I koz ek nou. Bann difikilte ki zot pe gannyen. So eski Minis i kapab dir avek nou. E la nou konpran ki pou napa logmantasyon saler. Akoz in deza annan enn.

Eski Minis i kapab dir nou ki zot pe plan pou sa servis lanbilans avek *porter*? Ki swa lo Mahe, Praslin, La Digue. Akoz Minis i kritik, kritik, kritik! So si i annan okenn provizyon dan sa Bidze pou kapab adres sa servis? Mersi.

**MR SPEAKER**

Mersi Onorab. Minis.

**MINISTER PEGGY VIDOT**

Mersi Mr Chairman. Mersi Onorab. Onorab ou dir poudir sa servis i kritik, kritik, kritik. Sa servis pa fek vin kritik, kritik, kritik – *huh?* Akoz ler mwan mon ti vin dan Minister Lasante, mon pa ti vwar plis lanbilans ki nou annan konmela.

*In fact*, nou annan plis lanbilans ki nou annan konmela ki nou ti annan 3 an pase !

***(APPLAUSE)***

**MINISTER PEGGY VIDOT**

So, si sa problem in egziste, nou, nou pe fer nou fason pou nou redres li. *Ok?* Nou fer fason pou nou redres li. Wi nou'n ganny de lanbilans sa lannen. Nou'n annan larzan sa lannen pou nou aste 5 lanbilans.

Solman sa larzan ki nou pe aste 5 lanbilans i *from a line of credit* avek *India*. Nou pa le fer menm fot ki zot ti fer aste 5 lanbilans *TATA* ki pa kapab mont montanny ki nou bezwen met li laba.

***(APPLAUSE)***

**MINISTER PEGGY VIDOT**

Pou sa rezon - pou sa rezon, nou pa ankor kapab *purchase* sa bann lanbilans. Me solman



nou pe regarde. Nou'n demande pou nou- nou'n donn nou spesifikasyon. Me zot pa pe kapab donn nou sa bann lanbilans lo spesifikasyon ki nou, nou le.

Pour sa rezon ki nou pa ankò *increase* kantite. Me, wi. Si ou dir mwan en lanbilans i annan en *porter* avek en *paramedic*, avek en *driver* pou al sers en pasyan. Wi. I annan en *porter* dan sak lanbilans avek en *paramedic*. 3 dimoun i ale i al sers en pasyan.

### **MR SPEAKER**

Ok. Bon. Mersi Onorab. Mersi. Ou'n demann ou kestyon Minis in donn ou repons. Onorab sandy Arissol.

### **HON SANDY ARISSOL**

Mersi Mr Speaker. Bonn apre midi tou dimoun. Mr Speaker, mon ti a kontan –

*(comments off-mic)*

### **MR SPEAKER**

*Order, please!*

### **HON SANDY ARISSOL**

Mon osi pran kot tou bann Manm in kite pou felisit bann travayer Minister Lasante. E mon kontan letan Minis in dir poudir zot in ganny en pti mwenzan sanmenm sa lannen.

E fir a mezir sityasyon ava amelyore. Atraver

Minister Finans ki gouvèrn tou bann Bidze pei, ava gete ki mannyer nou kapab asiste ankò nou bann travayer Lasante. Ki nou kontan zot en kantite.

E letan mon lo sa pwen mon ti a kontan lans en lapel parske demen i annan en gro levennman dan distrik Beau Vallon/Bel Ombre kot nou sant lasante. Kot nou pe ankouraz tou bann zonn pou vin devan pou vin fer nou tes.

Pa zis demann *scheme of service* pou sa bann dimoun. Me vin montre zot sipor demen. Vini pou no fer nou tes ansanm pou nou gete kote nou ete an term nou lasante.

Ankò en fwa travayer Minister Lasante, mersi bokou. Mon kestyon Mr Speaker, se an relasyon avek – e si nou ti ava annan- letan mon pe get Bidze bomaten Mr Speaker, se pou sa rezon mwan mon'n anvi demann kestyon in *regards to Health Care Agency*.

Parske si nou ti annan mwens *addict* dan nou pei. Bann dimoun ki pe pran responsabilite anver zot lasante parey Minister Lasante i demann nou.

Kekfwa nou ti ava annan en pe plis larzan zisteman pou nou kapab annan plis lanbilans. Plis *paramedic*. Plis travay Minister Lasante olye pe depans larzan avek

bann dimoun ki'n pran en desizyon pou zot viv zot lavi koumsa.

E nou, nou pe met larzan dan Bidze pou nou siport zot. An menm tan nou ti a kontan demann zot sanze. Ed nou dan sa travay ki nou p fer. Pa zis kontinyen reste bann *addict*. Nou kontinyen investir larzan pou zot. E zot, zot pa sanz zot lavi.

Alor mon kestyon ki mon ti a kontan demande Mr Speaker, se an relasyon avek manda. Letan mon'n get manda *Health Care* se an relasyon avek *Health Care Agency*. Se *by taking appropriate measures to prevent disability and death resulting from illness and other causes*.

Mon ti a kontan demann zot an relasyon avek – ou konnen i annan plizyer bann klinik ki vin Sesel. *MIOT* i enn. Kot bann pasyan i al kot *MIOT hospital* i ganny serten referans pou li al kot Minister Lasante.

Ou annan en dimoun ki ale ki fer son tes i dir ek li i annan en blokaz kot son leker. I al kot Minister Lasante i pas dan *CT scan*. I konfirman wi. Me selman Lopital Sesel i dir ek li non i pa kalifye pou li al met en *stent* oubyen pou al fer serten lot keksoz.

En lot dimoun i ale. I al kot en dokter prive. I ganny en

referans ki dir ek li poudir i annan en blokaz kot son leker, parske i pa kapab mars long zistans. I vomi. I ganny soulezon. Wi zot *diagnose* li avek sa. Zot demann li pou espere pou lmwan pou li al dan *CT Scan*. I espere. I bwar son pilil.

Aprè son lmwan ler pou al kot *CT scan* sa dokter ki ansarz *CT Scan* i dir ek li non pa neser fer *CT scan*. Konmsi mon anvi demann zot ki bann relasyon ki zot annan avek bann dokter prive? Ou a krwar Minister Lasante oubyen bann dokter zot en pe ofanse letan nou konman bann Seselwa nou al rod en dezyenm lopinyon kot bann klinik prive.

Oubyen bann dimoun ki sorti aletranze ki vin donn nou sa lekspertiz. E nou vin kot zot konman nou bann dokter, konman nou lopital. Ki relasyon ki zot annan pou gid sa bann dimoun dan sa manda ki mon pe lir ozordi pou zot Bidze? Mersi bokou Mr Speaker.

### **MR SPEAKER**

Mersi Onorab.

### **MINISTER PEGGY VIDOT**

Mersi Onorab. Mersi Mr Chairman. Onorab, nou vwar servis prive si ou le i merit pe konplemant servis ki nou, nou donn.

Si en dimoun i annan en maladi ki ganny dyagnostik e dan prive. E prive zot zot pa pe kapab donn sa swen ki zot panse i bezwen. Prive i bezwen i merit refer li. Sa relasyon ki nou annan se ki zot kapab refer kot enn nou dokter, enn nou spesyalis.

E sa zot kapab fer li dan diferan fason. Kapab pran en phone telefonn sa dimoun. Telefonn sa dokter. Zot kapab anvoy en pti *referral* pou dir ek sa dimoun al kot *casualty* dir irzan. Sa dokter i ava vwar li.

Ou si non si zot panse poudir i pa irzan zot donn li en *referral* pou li al rod en *appointment* pou vwar sa spesyalis. I annan sa kalite relasyon ant prive avek kot nou.

Ou dir nou poudir si ou al kot en dokter prive ou ganny en *CT scan* e ou ale ou fer ou ganny li vit. E si ou vin kot enn nou dokter kekfwa ou bezwen esper 1mwan. En *whatever* pou ganny sa. Sa in vin a mon latansyon.

E mon'n fer serten letid fer al verifye, lekel ki pe demann diferan test. Ki kantite letan i pran. Si i annan en si ou le en preferans pou donn servis prive *appointment* pli vit. So i annan tousala ki nou, nou pe regard ladan.

Me nou konnen kekfwa i annan dimoun i al kot prive. I demann en *scan*. Tandis kot

nou ler zot vini pa tou nou dokter ki annan drwa *order* en *scan*. I bann dimoun ki pli *senior*, ki pli spesyalis. E alor ler sa dokter i vwar. I vwar poudir i pa neser pou li fer en *scan*. E tandis mon pa konnen si i vre.

Me zot dir ou poudir zot ale zot demande zot ganny zot papye. Zot ganny en larzan pou zot ganny zot papye. Vini zot fer zot *scan free*. Me nou pe annan sa diskisyon avek prive.

E nou pe al regaliz sa bout pou dir zis en serten group dokter spesyalis ki bezwen fer *scan*. Akoz nou'n realize poudir kantite ki nou fer pou sa pti popilasyon i bokou. E pou sak *scan scan* i koute. *MRI* i koute.

E plis nou fer, plis nou servi sa masin. Par egzanp avek *scan*, si nou servi nou *drum* i fini bokou pli vit. I kout nou en kantite larzan pou nou ranplas en *drum*.

So nou'n annan sa diskisyon dan Minister e nou pe al byento fer sa diskisyon avek prive. Pou nou regarde ki mannyer nou kapab travay plis ansanm.

Me sa ki mon kapab asir ou si en dimoun i annan en problem parey en blokaz lavenn dan son leker, i merit ganny refer kot nou toudswit. E nou, nou *Board* i ava vwar

merit pou anvoy li fer son tretman.

**MR SPEAKER**

Ou le Dokter Louange azoute?

**CEO DANNY LOUANGE**

Mersi Minis. Mersi Onorab pou kestyon. Mon pou zis tous spesifikman lo sa ki ou'n koz lo la bann tes leker. *CT scan*, *CT angio*. Akoz i annan en prosedir spesifik ki nou fer. Akoz *CT angio* konmsi pou vwar bann *blood supply* leker letan pas dan *CT scan*. I en lenvestigasyon tre enportan.

I kapab osi danzere pou sa pasyan. Akoz i annan risk radyasyon. I annan risk ou ronnyon osi akoz i donn ou en *contrast* ki *very heavy contrast* ki kapab afekte ou ronnyon.

So ki nou'n fer dan *Health Care Agency*, nou'n etabli en prosedir pou protez pasyan. Akoz ki nou pe gannyen nou pe ganny en ta referans dan prive. Menm si zot pa *cardiologist* zot pe refer kot nou pou fer *CT angio*. Ki nou'n fer letan i annan en *request* pou *CT angio* dan prive e i pas par en *cardiologist*. Akoz ou bezwen en *cardiologist* prezan pou fer sa prosedir.

Akoz si i arive en keksoz sa *cardiologist* i la pou fer okenn entervansyon ki nesaser. So sanmenm sa mon vwar e tou manm piblik osi nou bezwen zot korperasyon.

Pou nou kapab donn zot en pli bon servis.

E menm lo nou kote dan *Health Care Agency* napa personn ki order en *CT angio* eksepte en *cardiologist*. Menm si ou en *physician* ou annan en pe lide ki mannyer en leker i marse. Ou napa drwa pou order en *CT angio*.

So i pe vin nou Polisi e *CT angio* i enportan. I *screen* nou bann pasyan ki nou anvoy *overseas*. Sa *cardiologist* i *assess* ou avan e si I vwar ki ou napa nesosite pou ou pas dan sa danze.

I pa pou met ou *through* sa danze. Si aprezan sa *cardiologist* prive i annan en kestyon i kapab *call* sa *cardiologist* dan en ka *emergency* diskite. Nou *open* to sa. Mersi Mr Chair.

**MR SPEAKER**

Mersi Dokter Louange. Onorab Pillay.

**HON SEBASTIEN PILLAY**

Mersi Mr Chair. Mr Chair, ou a permet mwan mon'n fer en pti travay la. Mon'n get *verbatim* le 26 Septanm 2023, kot mon ti anmenn en *PNQ* lo bann *schemes of service* pou bann travayer dan Minister Lasante.

E sa zour mon ti demann en *scheme of service* lo bann *allied health professional*. E mon pou lir *verbatim* larepons

Minis pou nou kapab konpran Lasanble Nasyonal, akoz nou pe demann sa bann kestyon.

**MR SPEAKER**

*Hold on.*

**HON SEBASTIEN PILLAY**

Mon pa pou long Mr Chairman. Mon pa pou long.

**MR SPEAKER**

*Ok. Fer li bref.*

**HON SEBASTIEN PILLAY**

Zis sa Minis ti dir se ki ou'n demann mwan lo *allied health professionals*. Mon'n reponn ou *allied health professionals and care assistant*. Ou'n demann mwan lekel ki nou pe travay lo la. ou'n dir mwan pou le moman nou pe travay lo *emergency medical technician* ansanm avek laboratwar.

Lo kestyon Onorab Loze, ou vire e dir ek li koumsa poudir ou fek donn logmantasyon. Onorab Georges i bat lanmen - ou fek donn logmantasyon e pou napa ankor revizyon *Scheme* ki pe vini.

Onorab Cosgrow in vin demann revizyon *scheme* pou *porter*. Bann dokter pe *text* pe esper zot let *regarding* zot bout. Bann ki'n al lo *course* deor pe anvoy mesaz pe zot lo *course*. Zot pa ankor ganny peye gratwite.

So mon problem ki mon annan Mr Chairman, se ki ou pa pe permet nou demann sa bann kestyon. Alors nou nepli kapab koz lo *scheme* akoz Minis in dir pou napa revizyon dan *scheme*.

So mon anmenn mon kestyon lo nivo sa ki pe arive dan Bidze pou nou kapab konpran. Onorab Herminie in demann en kestyon *regarding MRI*. Minis pa'n reponn. I pa'n dir nou *regarding MRI* ki pe arive. Akoz nou konnen poudir – *hold on* Mr Chairman. Mon kapab gannyen? *Ok.*

*MRI* i sipoze sanze. Dan sa Lasanble nou ti ganny dir poudir ki nou pou met en *supplementary budget* R50 milyon. Sa R50 milyon apre nou pa'n bezwen akoz *UAE* pe donate en *MRI*. *MRI* i sipoze ganny met an plas. Ki pou arive ler nouvo *MRI* i vini, nou pa pe kapab ganny en larepons.

Prezan Mr Chairman, mwan mon annan en problem fondamantal la mwan. En problem ki'n kout lavi en dimoun resaman. Nou'n ganny dir poudir Lopital La Digue i en lopital *world class*. *World class!*

Resaman en madanm Grand Anse Praslin i tonbe. Sa madanm i al kot Lopital Baie Ste Anne 10er bomaten. Tou dimoun, ners i fer tou posib pou ganny *medivac*. Pa

kapab ganny *medivac* pou sa madanm. 1ler pa ganny *medivac*. Midi pa ganny *medivac*. 1er pa ganny *medivac*. 2er. 2er edmi ler zot ganny *medivac* sa madanm i ganny pou mor dan lanbilans.

Me selman nou annan en *world class hospital just fifteen minutes away La Digue!* Dan sa Bidze Mr Chairman, mon ti a kontan vwar kote ki nou'n met larzan. Pou fer ki si en pasyan lefe ki lopital pa pe kapab. E la nou bezwen koriz Prezidan Larepiblik - Pa pe kapab *deal* avek bann sityasyon ki pe leve Praslin.

Ou Minis ou'n dir sa i en *world class hospital*. E Prezidan in dir sa i en *world class hospital! Then either one of you* pe koz lalang lo sa size. Akoz sa madanm i perdi son lavi. E nou pa'n kapab *medivac* li Mahe.

So kestyon ki mon annan Mr Chairman se, eski nou annan larzan dan Bidze pou en *medivac*? Akoz i paret poudir nou annan en problenm. E si nou napa Mr Chairman, mon pou repet sa sanson *if the Minister cannot cope she should resign! Thank you* Mr Speaker.

### **MR SPEAKER**

Mersi. Onorab, bann Manm Lasanble, mon pou envit zot pou nou pran en pe imilite. Tanzantan nou tann refren

Minis i enkonpetan! Minis *resign!* Nou menm nou konman Manm Lasanble, Minis i ansarz en Minister ki annan, mon pa konnen mwan 400/500 – annou annan en pe limilite pou vwar. Nou menm nou. Nou menm nou, nou pa ansarz en biro de dimoun.

So ki laprev konpetans nou annan? *Sorry* Onorab, *sorry*. Minis. E apre lo sa bann lakizasyon lalang. I fasil pou ou dir isi pe lalang. Isi pe lalang, isi pe lalang. I pa en –

*(murmurings off-mic)*

### **MR SPEAKER**

Onorab ekout mwan. Nou bezwen evite sa bann lakizasyon. Akoz i pa lalang. I annan diferan pwennvi. I kapab annan diferan keksoz ki ou pa dakor avek. I kapab annan diferan mannyer vwar keksoz.

Me selman pou ou akiz bann zofisye konman lalang. Sirtou en Minis ki ki'n vin la pe reponn ou kestyon pou akiz li konman lalang, mon krwar i en mank respe. *Sorry*. Mon pa anvi donn en lektir la.

Minis, sel kestyon ki mon'n tande spesifikman se larzan pou *medivac* lo La Digue. Ou kapab adres sa? Oubyen Dokter Louange?

### **MINISTER PEGGY VIDOT**

Mersi bokou Mr Chairman. Mersi Onorab. Onorab, i annan diferan keksoz ki ou'n fer resorti, me selman konman Speaker in dir mwan, adres sa enn lo *medivac*. Nou pe koz lo *medivac* pou Praslin.

E nou annan larzan dan Bidze pou Praslin. Selman kekfw nou bezwen konpran ki mannyer nou fer *medivac*. Pa konman en dimoun i tonbe, ou met li dan en avyon ou si non dan en *helicopter* pou anmenn li.

I annan keksoz, *ok*. Nou pa pe kapab koz lo maladi endividyel. Me en pasyan i en prensip dan lasante, ou pa evakye en pasyan ziska ler i stab. Pou li ariv lo sa nivo stabilite, i kapab pran letan. E i riske pou *medivac* li ler son risk i ankor tro for.

Me selman sa i en bout nou ti a kapab dir zot, pou edike nou pa pe kapab transfer dimoun si i pa stab. E dan sa *case* ki ou pe dir sete sa repons.

**MR SPEAKER**

Mersi Minis. Onorab Philip Arissol. Onorab ale.

*(murmurings off-mic)*

**MR SPEAKER**

Bann Manm *LDS calm please!* I Vandredi apre midi. Nou konnen nou tou nou *stressed*,

*tense*. Onorab Arissol ou kestyon.

**HON PHILIP ARISSOL**

Mersi Mr Chair. Bonn apre midi tou dimoun. Mwan osi mon ti a kontan felisit e remersye Minister Lasante espesyalman travayer sant lasante Anse Boileau.

Mon kestyon i koumsa, Minis anba *PSIP* i annan R2.6 milyon pou renovasyon *health centre* Anse Boileau. Ki pou lo en *span* 2024 a 2026. Mon ti a kontan konnen si i annan bann provizyon ki'n ganny fer pandan sa letan ki travay pe ganny fer. Pou kapab asiste ouswa pa afekte servis? Mersi.

**MR SPEAKER**

Mersi. Minis, panel, Klinik Anse Boileau.

**MINISTER PEGGY VIDOT**

Mr Chairman, *Doctor Louange* ti ava reponn sa kestyon.

**MR SPEAKER**

*Doctor Louange?*

**CEO DANNY LOUANGE**

Wi mersi Mr Chair. I annan en pe tapaz lo kote isi. Nou pa'n tro byen tan ou kestyon.

*(laughter)*

**MR SPEAKER**

Mersi. Ale. Onorab Arissol klarifye ou kestyon. Permet

Manm demann son kestyon silvouple. Zot tou ki'n demann kestyon in ganny sa sans. Onorab Arissol.

**HON PHILIP ARISSOL**

Mersi Mr Chair. Wi mon'n dir i annan R2.6 milyon anba *PSIP* pou renovasyon sant lasante Anse Boileau. I *over* en *span* 2024 a 2026. E i en *major repair*. Mon ti a kontan konnen si i annan okenn provizyon pou fer pou pa afekte servis, pandan ki sa letan travay pe ganny fer? Mersi.

**MR SPEAKER**

Pou pa afekte servis. Yes, *Doctor Louange*.

**CEO DANNY LOUANGE**

Mersi Mr Chair. Mersi Onorab. Wi, sa i en konsiderasyon ki nou pran letan nou pe *renovate*. E pou fer sa nou fer par faz letan nou fer *renovation*.

E Anse Boileau nou konnen parey nou'n travay ansanm. Nou konn enn bann *challenge* ki nou pe gannnen. Nou bezwen travay lo la i elektrisite. E sa i pou ganny *tackle*. E nou pe mazine menm konsider konmans travay lo la lannen prosenn. Mersi Mr Chair.

**MR SPEAKER**

Mersi. Onorab Aglae?

**HON EGBERT AGLAE**

Mersi Mr Speaker. Mr Speaker, mon bezwen konmans dir koumsa; se Prezidan ki ti mont lo televizyon ki ti dir poudir si i annan en lalimyer ki pa alimen, i pou demann sa ki responsab pou *resign*. Sa i son Minis.

E ozordi Mr Speaker, i annan bann lanmor ki ti kapab prevant in arive. Nou annan pran latizann. Nou annan bann lezot problemm. So mwan –

*(Interruption)*

**MR SPEAKER**

*Order! Order!*

**HON EGBERT AGLAE**

So mwan Mr Speaker. Mwan mon pou kit sa dan lanmen Prezidan pou li live avek son parol ki li ki ti dir.

Mon kestyon, Mr Speaker, Minis, zabitan rezyon Port Glaud, sa i enkli Grand Anse. Nou annan de *Health Center*. Beoliere avek Port Glaud Santral. Bokou konplent akoz servis ki pe ganny donner ozordi i tarde.

Mon mon'n *witness* sa sa semenn. Mon'n al lopital Lendi klinik, mon'n fer *almost* 3 erdtan lo en ban. Mon pa'n al prive. Mon'n anvi al gete kot mon dimoun ki mannyer zot



pase. Mon pa ni servi mon privez manm pou dir met mon avan. Monn pas parey tou dimoun.

*More than three hours* mon'n asize pe espere e *staff* i dir ou pou dir i *overwork*. E mwan mon felisit bann *staff* ki travay mwan. *Zot overwork*. i annan zis en dokter. E se sa ki mon pe demande dan nou rezyon, pou tir presyon lo sa rezyon *at least* enn sa de klinik i kapab ganny servi lo en baz en pti pe lo tar si pa kapab fer 24 lo 24.

E nou konnen pou dir bann maladi pe vin pre frekaman. Nou sorti dan *COVID*. La i annan en kalite *flu* deor kot dimoun zis pe malad.

Akoz zot pa pran bann mezir sirtou kot i annan bann letan kot i annan bann maladi ki zis pe pase dan ler, ki nou pe gannyen. Servi sa bann klinik, ouver li, aziste li, aziste ler pou ede *cope* tir presyon *staff*. Lo *staff* li menm e osi ankanbreman ki annan dan Anse Boileau. Akoz laplipar apre ler bezwen al Anse Boileau.

So eski dan bann letan kot zot santi i annan bann dirzans lasante, sa bann klinik enn ant sa de kapab ganny servi pou tir presyon lo rezyon? Se sa ki mon dimoun pe demande e mon ti a kontan ki zot konsider sa anba Bidze, mersi.

### **MR SPEAKER**

Mersi. *Well*, kestyon pa relye direkteman ek Bidze Minis. Ou annan en remark?

### **MINISTER PEGGY VIDOT**

Bon, mersi Mr Chair. Mersi pou kestyon. Ou pe demann nou fer konsiderasyon ouver en fasilite. Sirtou dan letan kot i annan en ogmantasyon dan diferan ka maladi.

Ler nou deside pou nou ouver en servis, nou pa zis ale ouver. Nou regard bann donnen, nou regard bann data, nou regarde kantite dimoun i bezwen. Alor pou Port Glaud avek pou Beoliere nou pa pe vwar en nesosite pou nou ofer servis dokter pou plis letan ki nou pe ofer konmela.

Kekfwa en keksoz Onorab, mon ti ava demann ou pou konsidere. Lefe ki ou'n dir ou remersye travayer ki pe travay tre for, mon osi mon remersi zot. Me selman letan nou annan en problem parey en maladi pare en *flu*, mon ti ava kontan dir travayer Lasante osi zot imen. Zot osi zot pe viv dan sa pei. Zot osi zot kapab ganny maladi parey tou lezot dimoun pe annan.

Alor si mwan mon ti pou ale pou dir zot menm zot travay vini vin travay, ou ti pou sant sa sanson pli for. Mersi.

**MR SPEAKER**

Mersi. Onorab Esparon.

**HON REGINA ESPARON**

Mersi.

**HON EGBERT AGLAE**

*(Off-Mic)*

**HON REGINA ESPARON**

Mwan ki annan laparol Onorab Aglae, mersi. Mersi, Mr Speaker. Mr Speaker, pou mwan konmanse, mon anvi felisit tou travayer Minister Lasante enkli Minis ek ou lekip.

E sirtou bann *staff* kot Lopital North East Point ki pe travay anba bokou presyon parske zot annan en *shortage of staff*. Me selman zot fer zot mye pou zot kapab *deliver* lo zot manda.

Mr Speaker, se sa ki mon kapab dir ki mwan mon ti pran sa linisyativ mon ti fer zot vin vizit isi kot Lasanble. Pou zot konman en siny lapresyasyon e i annan ankor en group ki pou vini dan lannen prosenn.

Minis, anba sa Bidze i annan sa 11 milyon 250 mil ki pou renovasyon sa *wing* kot NIHSS ti été, pou kapab fer sa lopital pou *stroke patient*. Mon ti ava kontan konnen anba sa renovasyon, i annan sa basen *hydrotherapy*. Zis devan i annan sa basen *hydrotherapy* ki letan sa batiman ti ganny

fer dan son inisyavon, sa basen osi ti ganny fer me selman in servi.

Eski dan sa program renovasyon zot pou osi pe mazin *renovate* sa basen *hydrotherapy*? Pou ki bann pasyan ki ganny afekte avek latak laservel, i kapab servi sa. Parske *hydrotherapy* i en eleman ki tre esansyel dan *recovery* pasyan ki'n ganny *stroke*. E Minis mon konn sa, parske mwan mon'n pas ladan.

E an term lespas Minis, konbyen pasyan zot sipoze pe abilite dan sa landrwa letan zot fer sa renovasyon? Mersi.

**MR SPEAKER**

Byen.

**MINISTER PEGGY VIDOT**

Mersi bokou Mr Chairman. Mersi Onorab pou sa keston. Wi, nou pe fer renovasyon lo sa landrwa. Pou nou kapab anmenn bann pasyan ki bezwen swen sirtou pou reabilitasyon.

Me selman sa devan kot ou pe fer referans avek, i ti plito en *fountain* li. Kot nou annan sa *hydrotherapy pool* i kot *Rehab Centre itself* akote. E sa i en keksoz ki zot pe revwar e pou regarde parey ou dir i *part of a therapy*.

Me i annan en kantite travay ki bezwen ganny fer lo la. I pa tonm toutafe anba sa

Bidze ki ou'n vwar pou *ex NIHSS*. Me selman i ava tonm anba plito *Rehab* kan nou kapab fer li.

Me konbyen lili pou annan kot *NIHSS* pe ganny fer, Dr Louange ava *update* nou.

**MR SPEAKER**

Dr Louange.

**CEO DANNY LOUANGE**

Mersi Mr Chair. Mersi Minis. Mersi Onorab pou ou kestyon. I annan en kapasite pou pran plis ki 80 lili sa fasilite. Me selman ki nou pe fer pou fasilite, nou pe *design* li dan en fason, ki i pou annan ek seksyon pou *respite care* pou kapab *relieve* presyon lo bann *relative* ki annan pasyan ki zot pe *take care of*.

Apres pou annan en seksyon ki nou pou fer bann *rehabilitation* e nou pou osi entrodwir sa de *rehabilitation*, pou bann pasyan ki bann rezidan ki dan *Home for the Elderly* akote. Mersi Mr Chair.

**MR SPEAKER**

Mersi, Dokter. Onorab Porice.

**HON DOYACE PORICE**

Mersi Mr. Chair. Bonn apres midi nouvo lekip *Minister* e bonn apres midi a tous. Mr Speaker, garson sa madanm ki ti mor Praslin, i dir Onorab Pillay aret fer politik avek lanmor son manman. I

deplorab e pa akseptab. Mon leker i fermal.

*Ok*. Minis, mersi. Mersi pou tou sa bann keksoz ki ou pe fer avek ou lekip atraver lopital, apres ki ou'n vin zwenn en ta dezord, en ta keksoz kase dan Lopital Victoria.

Minis, ti annan en konsern *regarding* bann spesyalis ki vin Praslin, ki zot vwar pasyan an retar. Eski dan ou Bidze i annan en larzan pou kapab fer bann spesyalis vin en zour davans, pou zot kapab vwar pasyan pli boner e osi vwar plis pasyan? I pa zot lafot me i lafot swa avyon ouswa bato. Mersi.

**MR SPEAKER**

Mersi. Minis?

**MINISTER PEGGY VIDOT**

Mersi Mr Chairman. Nou pou demann Dr Louange pou reponn sa kestyon silvouple.

**MR SPEAKER**

Mersi. Dokter?

**CEO DANNY LOUANGE**

Mersi Mr Chair. Mersi Onorab pou ou kestyon. Parey ou konnen i enportan ki nou fer sir ki sa servis spesyalis Praslin, La Digue i kontinyen e nou kontinyen *improve* lo la. I annan en kantite diskisyon avek ou, avek bann lezot *leaders* dan kominote nou'n vwar ki ti annan bann defi. E

nou pe kontinyen gete ki mannyer nou kapab adres sa bann defi.

I annan bann defi i parey ou dir, klinik i konmans tar. So i annan bann spesyalis ki'n volonterman propoze ki zot al *spend overnight* Praslin oubyen La Digue. Apre zot leve konmans klinik boner.

Me i annan bann spesyalis osi ki prefere pran avyon granmaten. So nou pe kontinyen *monitor* sa. Selman lo nou kote, lo kote Bidze pou pli preferab pou nou kapab ankouraz bann spesyalis al lo avyon granmaten.

Letan nou boukte avyon pou al granmaten i ok. Me par ler si i annan en sanzman dan klinik oubyen spesyalis i tonm malad bezwen anvoy en lot, la ki bor i annan sa bann difikilte. Me selman mersi Onorab. Noun fer gran sanzman parey ou'n vwar, me nou ankor pou kontinyen fer plis ankor. Mersi.

### **MR SPEAKER.**

Mersi. Bon i laronn premye ek dezyenm keston Onorab William ou keston i ankor la?

### **HON WAVEN WILLIAM**

Mersi Mr Chair. Minis mon ti a kontan konnen par lefe ki nou pe koz *efficiency*. E ti a bon ki konman en Lasanble, nou konnen egzaktman konbyen bann ners *qualified*

ki zot annan la pou le moman? E asistan ners?

E an menm tan par lefe ki nou pe agrandi *scope* servis lasante. Eski zot pe mazin dan lavenir la fer vini – eski pou annan sa nesesite baze lo bezwen pou fer vini travayer etranze? Mersi.

### **MR SPEAKER**

Mersi. Minis ou ti le-?

### **MINISTER PEGGY VIDOT**

Mersi Mr Chairman. Mersi Onorab pou keston. Onorab, an se moman dan Sesel nou annan an poursan 623 ners ki pe travay, ki anrezistre. I *licensed* pou travay.

Dan servis piblik nou annan 453 ki pe travay. E dan prive I annan an poursan 170. *Expatriates* deza wi, nou annan *expatriate nurses*. Nou annan an poursan 87 *expatriate nurses* ki pe travay an se moman.

Me parey ou dir, eski nou annan mank? Wi, zis en letid ki nou ti pe fer ansanm avek *WHO*. Par egzamp pou Lopital Sesel i mank nou omwen 52 *nurses*.

Nou pe travay avek *NIHSS*. Parey ou konnen nou annan sa program *ACCESS*. E nou pe ankouraz zenn pou zwenn *nursing*. E koumsa ki nou ava kapab fe mont nou kantite ki nou annan dan pei. Mersi.

**MR SPEAKER**

Mersi.

**MINISTER PEGGY VIDOT**

*Nursing assistant sorry i*  
annan 251.

**MR SPEAKER**

Mersi Minis. Onorab Roucou?

**HON MICHEL ROUCOU**

Mersi Mr Speaker. Minis i  
annan sa 10milyon ki'n ganny  
mete pou bann serten travay  
ki pou fer dan bann diferan  
lenfrastruktir. Dan bann  
distrik mon mazine. Bann  
klinik.

E an vi ki klinik Corgat  
Estate i la pou bokou letan.  
Mon konnen poudir tou  
dernyen man ti annan en  
travay ki mwan avek mon  
lekip nou ti fer lo kote penn.

Si lo zot kote zot Minister  
zot annan plan pou zot fer zot  
osi? Pou fer en pti *touch up* zot  
osi. E osi bann serten bann  
travay parey *cabinet*. Repar  
enn de pti keksoz dan klinik.  
Mersi.

**MR SPEAKER**

Mersi. *Panel*.

**MINISTER PEGGY VIDOT**

*Doctor* Louange i ava reponn  
silvouple.

**MR SPEAKER**

Dokter Louange.

**CEO DANNY LOUANGE**

Mersi Chair. Mersi Onorab  
pou ou kestyon. Wi, tou nou  
klinik kanmenm i napa larzan  
spesifik pou sa *health centre*.  
Nou pe fer provizyon menm ou  
konmans koz oubyen komans  
en demar lo – konmans bann  
*preventing maintenance*.

Sa nou'n konmanse e  
nou pe travay avek *SIA* pou  
konnen ki mannyer nou kapab  
fer sa en realite. Me parey ou  
dir si i annan bann bezwen  
nou pe rod Bidze pou fer li.  
Sirtou lo kote penn. E si I  
annan lezot *minor repair* ki  
nou bezwen fer. Mersi Mr  
Chair.

**MR SPEAKER**

Mersi Dokter. Bon, mon  
annan 4 Manm ki'n lev  
lanmen pou dezyenm kestyon.  
Mon bezwen konnen si i  
annan plis Manm, akoz si nou  
deside pou pran en *break* la. E  
nou rebran 4 er. Oubyen si i  
zis sa 4 Manm nou kapab  
kontinyen prolonze e terminen  
avek sa 4 Manm. So lekel -  
eski mon annan lot kestyon?  
Bon, mon napa nou a pran sa  
4 Manm. E nou a kapab  
prolonz sesyon. E nou ava  
kapab terminen. Onorab  
Esparon.

**HON REGINA ESPARON**

Mersi Mr Chairman. Mr  
Chairman, mon ti ava anvi

demann avek Minis annefe anba anmenn lasante en pe pli pre avek dimoun dan kominote. Annefe mon'n deza met sa devan ou Minis lo kote klinik Glacis. An vi ki nou pe ganny dokter zis Lendi avek Vandredi.

E i annan sa mankman. Mon konnen klinik Beau Vallon i osi ofer sa servis pou bann zabitan Glacis. Me selman problem se ki zabitan Glacis i ganny mete espere en kantite letan. Parfwa en zournen antye avan ki zot vwar dokter.

E lo kote *dispense* latizann osi i annan bann *chronic cases*. Zot ganny demande pou vin zour dokter i fer klinik ki nou ganny sa dimoun ki *dispense* latizann. Lendi avek Vandredi. Prezan nou annan sa kantite dimoun ki annan bann *repeat prescription* pou *chronic cases* la, zot osi zot vwar zot, zot bezwen vin sa Lendi ek sa Vandredi.

Eski napa en fason nou kapab aziste sa? Kekfwa sa dimoun ki pe donn latizann, i kapab vin omwen en zour ankor dan klinik ki ava fer sa bann *chronic cases* koumsa i ava liber en pe landrwa an term lespas.

Parski i telman ankonbre zour ki dokter i vin fer klinik. Minis ou ti dir mwan pou etidye sityasyon pou regarde si

i annan sa bezwen pou ganny Dokter ankor en zour. Mon pa konnen si lo zot kote zot in fer sa letid pou vwar. Me mankman i *still* la. Mersi.

### **MR SPEAKER**

Mersi. Bann Manm pa bliye nou ankor lo Bidze. Gard kestyon lo Bidze. Minis.

### **MINISTER PEGGY VIDOT**

Mersi Mr Chairman. Doctor Louange ava reponn sa kestyon, ki nou pe fer pou amelyor sityasyon. Mersi.

### **MR SPEAKER**

Dokter Louange?

### **CEO DANNY LOUANGE**

Mersi Mr Chair. Mersi Onorab pou kestyon. Wi, parey ou dir nou'n penn en bon pe letan analiz ki pe arive. Sirtou – e nou pa pe get zis Glacis akoz nou resours i sorti Beau Vallon.

E *still* nou napa ase sorti bann lezot klinik. So pou le moman la nou'n vwar ki avek sa resours ki nou annan pou Klinik Glacis nou'n kit li parey. Ziska ler nou kapab *provide* en pe plis resours lo kote dokter.

E lo kote farmasi osi sa bann *dispensers* osi avek lekol nou pe ganny en kantite led avek *NIHSS* ki pe ed nou pou *train* plis sa *pharmacy technician*. Ki nou kapab

annan plis bann dimoun ki pe *dispense* latizann.

Sa osi i en *challenge*. Sanmenm sa ki nou pa kapab met enn en pe pli lontan plis zour Glacis. So lannen prosenn nou pe ganny en pe plis. Nou pe re evalye e gete si nou kapab fer sa.

Nou konpran. Nou le plis – nou le *provide* plis servis pou pasyan. Me nou bezwen osi balans nou resours. Mersi Onorab.

### **MR SPEAKER**

Minis?

### **MINISTER PEGGY VIDOT**

Mr Chair, nou pe osi revwar sa Polisi ki dimoun i bezwen vin sers zot pilil bann ki lo bann maladi kronik. Ki zot bezwen vin serse tou le mwan. E sa i akimil kantite dimoun ki pe vin dan sa bann keksoz.

Nou pe re vwar sa Polisi pou nou regarde si nou kapab donn zot, zot pilil, pou pli gran kantite letan ki zis en mwan. Koumsa i a redwir sa frekans ki zot bezwen vin kot nou.

E de ki nou pare avek sa bann keksoz koumsa nou ava fer konnen. Mersi.

### **MR SPEAKER**

Mersi. Onorab Pillay?

### **HON SEBASTIEN PILLAY**

Mersi Mr Chairman. Mr Chairman, zis avan mon

demann mon kestyon, mon ti a kontan fer kler ki, mwan ler mon demann mon kestyon, mon rod mon lenformasyon konkret pou mon kestyon.

E mon'n tyek avek bann *nurses* bann dimoun ki ti pe *attend* sa pasyan. E problemn sete lopital ti *request medivac* 11er i pa ti gannyen. So mon ti a kontan Minis ou *verify* ou bann *facts*, avan ou reponn mwan. Onorab Porice, pa fer mwan reponn ou Onorab Porice!

Mr Chairman, mon ti a kontan kontinyen par dir ki ler en Minis i pran en responsabilite dan Gouvernman, i en responsabilite ki i pou ganny kestyonnen lo la. E napa person ki kapab devlop *thin skin*. Akoz ler nou, nou ti dan Gouvernman ou ek ou parti ti atak nou dan Gouvernman.

So, ou pa kapab ozordi vire atak mwan, *ok?*

*(Interruption)*

### **MR SPEAKER**

Annou. Lo Bidze silvouple.

### **HON SEBASTIEN PILLAY**

Mersi Mr Chairman. Mr Chairman, mon pe regard Bidze. E mwan i annan en landrwa ki mon ti a kontan ki nou ganny en serten klarifikasyon.

Nou pa ankor ganny klarifikasyon lo sa size *MRI* kan i pou antre. Ler i antre ki pou arive avek *the current one*? Ki bann travay ki Gouvernman ki Minister Lasante pou bezwen fer pou met li an plas?

E ler mon pe regard anba ou Bidze mon ti'n ganny fer konpran ki pou annan en larzan ki pou ganny met lo *suspense account*, pou kouver ranplasman nouvo *MRI*. Mon pa pe neserman vwar li la dan Bidze 2024.

Me nouvo *MRI* i bezwen antre akoz nou annan problemn avek sa enn *currently* ki nou pe servi.

So kestyon Mr Speaker, kote sa larzan pe vini pou nouvo *MRI*? E kan eski I pou ariv dan pei? E ki pou arive letan sa en *MRI* pa pe marse prenon kont ki ou annan pasyan ki pou pe demann apwentman. Eski I pa pou marse pandan lannen 2024?

Eski i pa pou marse pandan lannen 2025? I enportan pou lepep Seselwa konnen. E an pasan Mr Chairman, bann dimoun ki travay kot *MAT clinic* i dir mwan osi dir ek Minis ki i annan *fungus* kot *MAT clinic* e osi kot Mont Royale. Mersi Mr Chairman.

#### **MR SPEAKER**

Bon *ok*. Mersi. Minis, ou a eklersi lo *MRI*.

#### **MINISTER PEGGY VIDOT**

Mersi, Mr Chairman. Mersi, Mr Speaker. Mr Speaker, avek ou permisyon mon, ti a kontan koriz en keksoz. Onorab i dir *request was made* pou evaktif ganny fer 11er keksoz.

Mon pa'n dir pa'n ganny fer sa ler. Mon'n dir pasyan pa ti stab pou li gannyen. E mwan osi parey mon'n ganny rapor avek dimoun konsernen e ki kapab donn mon byen ki'n pase, ki'n arive e alor mon bezwen pe dir ler mon osi mon koze mon konnen ki mon pe dir. Mersi.

**(APPLAUSE)**

#### **MINISTER PEGGY VIDOT**

Lot keksoz ki mon ti a kontan dir Mr Speaker, nou napa okenn larzan dan *suspense account right now* pou *MRI*. Me selman *MRI* wi, i pou pe arive mon konpran i le 5. Me mon ti a prefere demann Dokter Louange pou koz lo sa bout. Mersi.

#### **MR SPEAKER**

Mersi. Dokter Louange.

#### **CEO DANNY LOUANGE**

Mersi Mr Chair. Mersi Onorab pou ou kestyon. *In fact*, *MRI* i lo son semen pe vin Sesel. E osi anonse ki ozordi pou dernyen zour, mon pe al fer en *press conference* pou anonse.



Me ki pe arive, i annan bann travay avan *MRI* pou vini. Parey Minis in dir, *MRI* pou vin le 5 Desanm. Me avan *MRI* i arive, nou annan bann preparasyon ki pe ganny fer. Nou pe travay ek sa lekip ki pou enstal *MRI* e zot pe anvoy zot enzenyer.

Zot enzenyer pe arive byento Lendi. Zot pou *decommission* sa *MRI*, tir sa *MRI* ki bor i ete e i annan bann reparasyon ki bezwen ganny fer pou sa nouvo *MRI* letan i antre. So konmkwa ki le 5 Desanm letan nouvo *MRI* i arive, nou *clear within a day*, *clear* li e son lanmen i pe antre kot Lopital Sesel. Pe antre dan ki bor sa vye *MRI* i ete or sa *existing MRI* i ete.

E i pou ganny enstale e pou pran apepre 2 de semenn, preske 3 semenn pou li fini enstale apre i pou ganny *commission*.

Apre i annan detrwa zour training pou nou *staff* abitye avek sa *MRI*. So *again* sa bann travay ki pe fer i annan bann *civils work* nou bezwen fer e sa *civils work* i *part of* sa donasyon. *Part of* sa donasyon i pou *civils work* ki bezwen ganny fer pou prepar sa nouvo *MRI*.

E osi *involve decommissioning* sa *existing MRI*, *involving disposal of* sa *old MRI* apre *procurement*

*installation and commission of* sa *new MRI*.

So Gouvernman Sesel pa pou bezwen met larzan *from the public fund* pou sa *MRI*. Mersi Mr Chair.

### **MR SPEAKER**

Ou pe reste lo *MRI*, silvouple?

### **HON SEBASTIEN PILLAY**

*Yes, Chairman. Chairman* parey nou a vwar mon lenformasyon i konkret, i korek. Zis prezan ki mwan mon bezwen konnen, so pou konbyen letan eski *MRI* sa peryod *between installation and decommissioning and recommissioning*, pou konbyen letan ki deza annan lapwentman pou fer *MRI*, pa pou kapab servi *MRI*? Pou ki peryod letan eski sa pou afekte –

### **MR SPEAKER**

Mersi Onorab. Dokter?

### **CEO DANNY LOUANGE**

Mersi Mr Chair. I en bon kestyon Onorab. I pou annan en *timeline* ki bor nou pou napa *MRI* ki fonksyonnel. Sa nou'n diskite, tou bann spesyalis in vin ansanm in diskite ki mannyer ki lefe pou annan. Laplipar letan *MRI* i ganny *order on a elective basis*. I pa konman en *emergency* sa - laplipar letan.

Sel kondisyon ki ou bezwen *MRI* konman *emergency*, i letan i annan *spine involvement* e sa laplipar letan i annan *spine involvement*, spesyalis i dir nou koumsa ki i letan pou *prognostic* sa kondisyon.

I pa neserman ed ou pou fer en *treatment plan*. So, ou kapab servi *CT scan* e lezot *modality* dan *CT scan* pou kapab confirm ou *diagnosis* pou laplipar bann *cases* ki parey nou ti pou pe servi pou *MRI*. Mersi Msye ....

### **MR SPEAKER**

Mersi.

### **CEO DANNY LOUANGE**

Mr Chair in demande konbyen letan, so la sa *weekend* nou dernyen zour i ozordi pou *MRI*. Nou'n *clear maximum* bann apwentman *elective* e la prosenn *MRI*, i pou dan sa nouvo *MRI* ki en pe pli sofistike e rezolisyon i pli bon.

I annan en kantite bann nouvo *specification*, pli gro osi e sa nouvo *MRI* pou ganny *commissioned* dan ver le 21, le 22 Desanm. Pandan sa *weekend* nou tim pou travay pou ganny *train*, so by Lendi sa semenn apre sa *weekend* nou *MRI* pou anmars. Mersi Mr Chair.

### **MR SPEAKER**

Mersi. Bon, mon ti ava apresye si nou gard bann kestyon ki lo bann size esansyel pou konpran Bidze. Onorab Cosgrow

### **HON WALLACE COSGROW**

Mersi Mr Chair. Mr Chair, touzour lo bann size esansyel. Mon'n annan de kestyon. Vi ki nou pa pe ganny – Mon kapab demann sa de kestyon? Or zis enn menm?

### **MR SPEAKER**

Ale demann de kestyon spesifik.

### **HON WALLACE COSGROW**

Ok Mersi Mr Chairman. Mr Chairman, mon premye kestyon i konsernan nou annan en Bidze R272 milyon pou latizann. Latizann avek bann *supplies*. Souvandfwa nou ganny en kantite konplent sorti kot piblik kot en latizann i manke.

Kot par egzanp pasyan kanser i bezwen pran en pti plak latizann. I dir li pas lot semenn, ouswa lot mwan pou nou gete si annan ankor pou ou gannyen. Diferan latizann, diferan keksoz, *bedsheet* dan lopital. La mon vwar R1 milyon in mete.

Lot fwa mon ti annan en manm fanmir lopital. Son zanfan i bezwen vin avek son prop *bedsheet* pou kouver li aköz ti napa. I en fe sa. In

*passed away* malerezman. Mr Chair, mon ti ava kontan si Minis i kapab dir nou, larzan i annan pou *order*. Latizann i vini.

Konmsi eski i annan en problemm avek lafason ki zot *manage* sa bann *procurement*, lafason ki zot *dispense* sa bann keksoz? Eski zot pe vwar zot bann prosedir protokol, pou fer sir ki sa pa arive? Akoz larzan i annan li. Me solman piblik parfwa pa pe gannyen sa latizann.

Mon dezyenm kestyon i konsern servis spesyalis. Dokter Louange i en spesyalis byen byen renonmen isi. E mon krwar i ava apresye sa ki mon pou al dir. Ki zot plan? Akoz la ozordi i annan en bon pe problemm spesyalis. E menm lapwentman spesyalis parfwa ou call laba ou pa ganny dimoun.

Mon pa konnen si telefonn i plen, i bokou. Me selman i annan difikilte pou ganny lapwentman spesyalis. *Now*, ki zot plan pou kapab *train* bann zenn dokter ki'n vini ki'n pare pou al fer nivo spesyalizasyon pou ki zot a kapab zwenn sa servis?

Mon konnen i pran en pe letan avan zot kapab zwenn. Me ki zot kapab zwenn sa servis spesyalis, pour ki nou piblik i kapab ganny sa servis en pe pli dan en dele letan en pe pli *short*? Akoz la bann

lapwentman i vremen *far far in between*.

### **MR SPEAKER**

Mersi.

### **HON WALLACE COSGROW**

So si ou kapab adres sa de pou mwan. Mersi.

### **MR SPEAKER**

Mersi. *Panel*.

### **MINISTER PEGGY VIDOT**

Mersi Mr Chairman. Mersi Onorab. Onorab, mon krwar boner monn koz en pti pe lo zafer lapwentman ki mannyer nou pe aranze. Pou fer sir ki nou redwir e nou fer sir ki sa bann dimoun par egzamp ki pa pe vini parey monn dir Septanm 177 dimoun pa ti *turn up* pou zot *appointment*.

E sa i met nou en pe retar. Me nou'n deza met an plas en system apwentman. En system pou nou fer pasyan mazine pou vini. Nou annan 64 spesyalis dan lopital. *Ok. Wi*. Nou annan. E nou annan klinik spesyalis ki ganny fer toulezour dan Twa Zonn. Non, kat, senk klinik spesyalis ki ganny fer. Nou annan spesyalis ki al dan bann rezon pou al fer bann klinik spesyalize. So nou pe regarde, nou pe mete. Lamazorite disiplin nou annan spesyalis.

Nou osi pe fer sir ki nou annan dimoun Seselwa ki pe

spesyalize deor. Nou annan 6 par egzanp ki byento pou vini sorti ki *Cuba*. Nou annan de ki pe kite demen, non Lendi pou al spesyalize. Nou annan ankor ki pe spesyalize dan diferan pei.

So konman en Minister wi nou pe fer sa ki fodre nou fer pou nou kapab agrandi nou kantite dimoun ki nou bezwen pou rann en bon servis lasante.

Ou'n demann en lot keston. Nou annan larzan ki fer ki nou fer pou *procurement*. Mon pou les dokter a koz lo la. Me en keksoz ki ou'n dir par egzanp pou latizann kanser. Latizann kanser i tre ser. I pa en keksoz ki nou *stoke*. Pou bann ki en pe mwen ser e ki nou servi li pli souvan, nou *stoke*.

Me pou bann ki inikman pou en dimoun. Akoz nou pa pran. I annan latizann ki pe kout aprosan R60 mil, R240 mil. Nou pa pou pran pou nou met la e zis an ka i bezwen.

Ler nou konnen in ganny fer en preskripsyon nou annan mwayen pou nou sey fer li vin pli vit posibil. E pour sa rezon ki ou ava dir pou dir pasyan kanser annan de ler i ale i dir li esper en semen.

Wi i fason ki nou pe fer, pou nou ankor fer sir ki nou larzan i al pli lwen. Me si Dr Louange kapab donn nou en

pti apersi lo *procurement*. Mersi Mr Speaker.

### **MR SPEAKER**

*Thank you.* Dokter Louange?

### **CEO DANNY LOUANGE**

Mersi Mr Chair. Mersi Onorab pou ou keston. Wi, kote latizann i konsernen, akoz nou size nou popilasyon avek *economies of scale* i vin *challenging* pou nou konman en pti pei.

Laplipar lakonpanyen pa le *deal* ek nou akoz nou *order* i tro pti pou zot. Menm *manufacturers* osi it tro bas a kantite ki nou pe demande. So nou'n apros bann *suppliers*, bann *distributors* ki nou merit travay avek. I bann *distributors* tre senser. Nou kapab annan en bon relasyon avek zot.

So ki arive bann *challenge* ki nou annan. Avek larzan ki nou annan nou kapab aste latizann an gran *bulk*. *But issue* avek aste latizann an gran *bulk*, i pou vin Sesel i pou expire. So prezan nou annan sa diskisyon ki kantite ou kan ki ou deside pou *reorder* sa *reorder level*.

Konnen nou'n sey *stretch* li. Menm la nou *reorder level* dernyerman ki nou tin fer *reorder level* i 7 mwan. E sa lannen noun fer nouvo, nou vin avek en nouvo stratezi.

Nou *order* pou en enn an. Apre nou dir bann *suppliers deliver by phases* dan bann diferan etap. Konmsi ki sa bann latizann pa *expire* lo nou.

So i annan en *fine line* ki nou bezwen balanse - konman en pti pei, en pti popilasyon pou nou pa perdi larzan lo *expired medicine*. Mersi Mr Chair.

### **MR SPEAKER**

Mersi. Minis, ou le azoute?

### **MINISTER PEGGY VIDOT**

Mr Speaker, pou nou remont sa problem ki Dokter Louange i fek dir. Zafer aköz nou ptipti, nou annan problemm parfwa aköz nou demann i below *minimum order* en kantite *suppliers*.

Noun ansanm avek bann pei zil an devlopman ki dan rezyon lafrik. Nou'n vin ansanm. Noun dakor pou nou fer *pool procurement through WHO*. E sa i ava ede pou adres en pe nou problemm. E sa a dir si lannen prosenn. Nou pe war pou dir sa i pou marse. E i menm pou ed nou.

Aköz prezan nou pe al *order* lo pli gran kantite, fer serten lekonomi aköz *economies of scale*. E bann pilil, bann latizann ki nou servi li en pe pli regilyerman i sa bann ki nou'n *obtain* an premye lye pou nou ganny

*through pool procurement*. Mersi.

### **MR SPEAKER**

Mersi Minis. Onorab Loze?

### **HON JOHAN LOZE**

Mersi Mr Speaker. Mr Speaker, mon'n tann larepons Minis lo bann spesyalis Seselwa ki'n ganny donnen. Be i annan kestyon ki nou bezwen eksplore. Nou annan en difikilte ozordi, aköz i annan nou bann spesyalis ki retournen. Ler zot vini zot pa ganny rekonnet an term *post title* pozisyon ki zot bezwen.

E sa pe prouv en difikilte pou zot. E zot pwennvi pou zot se ki Minister i refize donn zot promosyon, ki ale anliny avek spesyalizasyon e *training* ki zot in fer. Sa in ariv a pwen Minis, ki ozordi nou annan nou en sirizyen seselwa *trained* par nou pei pe travay kot *IDC*.

So nou ti a kontan konnen *how do we move forward* ki sa ta larzan ki nou'n depanse lo sa bann zenn spesyalis pa zis evapore? E ki zot, zot kapab satisfè ek servis zot donnen e Lopital Sesel osi i ava satisfè. Mersi Mr Speaker.

### **MR SPEAKER**

Minis.

### **MINISTER PEGGY VIDOT**

Mersi Mr Speaker. Mr Speaker, nou'n deza koz lo

promosyon dokter e ki kriter ki nou servi pou nou donn promosyon en dokter. I kler ki si sa dimoun i *meet* kriter.

Si sa dimoun i ganny rekomande par son *supervisor*. E si sa dimoun li, li menm li i santi poudir in ariv sa nivo. A souvandfwa ki i ganny son promosyon baze lo sa bann kriter. Me mon annan *DG HR*. Mon pa konnen si li ti ava kontan azoute lo la. Mersi.

### **MR SPEAKER**

*DG*.

### **DIRECTOR GENERAL HUMAN RESOURCE YVANNA THERESINE**

Mersi Mr Chairman. Mersi Onorab pou ou kestyon. Aktyelman an relasyon avek sa ki Minis in dir. Zis pou sa lannen nou'n annan pa mal promosyon. Nou'n annan lo kote ler zot vini konman en spesyalis. Zot mont lo sa ki nou apel en *medical registrar*.

Akoz zot annan zot kalifikasyon. Me selman i annan en peryod letan kot zot bezwen travay pou demontre zot konpetans. Akoz annan de ler kalifikasyon pa neserman vedit ki ou kapab fer li, ou'n fini devlop tou sa konpetans.

E sa lannen li tousel nou annan nou douz dokter ki'n ganny pos *medical registrar*. E i annan osi ki apre zot in

konplet zot lannen. Zot sernen antite lannen travay e zot annan rekomandasyon parey Minis in dir, sorti kot zot bann *Heads*. Nou'n annan 6 ki'n vin *Senior Medical Registrar*.

Savedir apre zot kalifikasyon zot in demontre zot konpetans. La zot in vin *Senior Medical Registrar*. So, i annan bann promosyon. E nou'n osi annan twa kin vin *medical consultant*. So sa i en pti pe lo kote si ou pou koz lo spesyalis li menm ki mannyer i marse. Mersi.

### **MR SPEAKER**

Mersi. Bon, mon ava apel bann Manm pou vot lo Bidze *Health Care Agency* ki lo paz 373 ziska 381, pou en total en 1 bilyon 203 milyon R260 mil. Manm ki an faver lev lanmen silvouple? Mersi. Tou dimoun in vote.

Lo Bidze *Health Care Agency* pou sa sonm 1 bilyon 203 milyon R260 mil - 27 Manm in vot pour, 0 kont, 0 abstansyon. Bidze in aprouve par Lasanble. Nou annan detrwa antite ki nou pa pou debat lo la. Mon pe kalkile ki pli bon mannyer.

Mon krwar sa ki esansyel se ki Minis i dir nou tousala i konsern lasante. Ki Minis i dir nou briyevman ki sa bann antite i fer. E si Minis oubyen Kontroler i annan en lendikasyon lo kwa sa larzan i

ganny servi zot kapab dir nou. Me selman annou zis gard en *summary*.

## **SEYCHELLES NURSES AND MIDWIVES COUNCIL**

### **MR SPEAKER**

Lo *Seychelles Nurses and Midwives Council* pou en Bidze 1 milyon R421 mil. Minis, oule dir de mo?

### **MINISTER PEGGY VIDOT**

Mersi Mr Chairman. Wi. *Seychelles Nurses and Midwives Council* i sa *body* ki annan en fonksyon regilatwar pou fer sir ki tou ners ki pratik travay dan sesel zot *meet* kriter.

Ki zot kapab ganny anrezistre isi konman en ners e servi sa tit. E osi ki fer sir ki zot gard zot nivo *knowledge* ek konpetans azour. E ki revwar zot *license* tou le 3an.

E Mr Chairman, si i annan okenn kestyon lo *actual* Bidze li menm. Konman i prezante la mon ava demann kontroler pou zot silvouple.

### **MR SPEAKER**

Non, non. Nou pa pe pran kestyon lo la. Se sa ki nou pe fer sa vot direk. Me selman si i annan en pti klarifikasyon lo pou kwa sa Bidze i ganny servi sa kekfwa i a kapab ede.

## **COMPTROLLER GENERAL ASTRIDE TAMATAVE**

Mersi Mr Chair. Mr Chair, *Seychelles Nurses and Midwives Councils* pou 2024 son total Bidze parey ou'n dir i 1 milyon 421 mil. Ladan Mr Chair, R895 mil i ganny *allocate* anver saler travayer sa Konsey. E 526 mil i al anver bann byen servis ki sa konsey i servi pou so looperasyon.

E ladan bann vote en pli signifikan par egzantp *rent* ki sa Konsey i servi. An prensip sa Mr Chair. Mersi.

### **MR SPEAKER**

Mersi. Manm a vot ou sa Bidze *Seychelles Nurses Midwives Council* sa ki an faver lev lanmen silvouple?

Lo Bidze *Seychelles Nurses Midwives Council*, 26 Manm in vot pour., 0 kont, 0 abstansyon. Bidze in aprouve par Lasanble. *Health Professional Council*. Minis de mo.

## **HEALTH PROFESSIONAL COUNCIL**

### **MINISTER PEGGY VIDOT**

*Health Professional Council* i annan menm kalite fonksyon ki *Nurses Midwives Council*. Zot, zot *regulate* tou bann profesyonnel ki tonm konman en *health professional*. E zot fer sir ankor ki zot *register* sa bann profesyonnel.

E zot kontinyelman fer sir ki sa bann profesyonnel i gard zot lekòr azour pou zot kapab donn en bon servis.

E sa zot fer li ankòr par fer sir ki tou le 3an zot osi revwar *license*. Mersi Mr Speaker.

### **MR SPEAKER**

Mersi. Ms Tamatave en pti rezimen.

### **COMPTROLLER GENERAL ASTRIDE TAMATAVE**

Mersi Mr Chair. Mr Chair, pou 2024 Bidze pou proze pou *Health Professional Council* i 1 milyon R418 mil. Dan sa Bidze en total R290 mil i anver saler pou travayer sa Konsey.

E 1 milyon R128 mil i al anver byen servis. Ladan R259 mil i al anver son bann depans pou son lofis. 832 mil i al anver *other uses of goods and services*, ki prensipalman larzan anba la i kouber larzan pou bann *members allowance e office building rent*. Mersi Mr Chair.

### **MR SPEAKER**

Mersi. Manm i a vot pou Bidze *Health Professional Council*. Manm ki an faver lev lanmen silvouple? Mersi. Tou Manm in vote. Lo Bidze *Health Professional Council* 26 Manm in vot pour, 0 kont, 0 abstansyon. *National Aids Council*. Napa. Sorry. *National*

*Aids Council* i lo lalis, me i napa Bidze. *Seychelles Medical and Dental Council*.

### **SEYCHELLES MEDICAL AND DENTAL COUNCIL**

### **MINISTER PEGGY VIDOT**

Mersi Mr Chairman. *Seychelles Medical and Dental Council* i sa konsey ki vwar e *register* tou bann dokter ek bann dantis ki travay isi. Fer sir ki zot kalifikasyon i alaoter ki pei i demande. E ankòr zot ede pou fer sir ki sa bann dokter e dantis i reste azour ek zot profesyon. Mersi.

### **MR SPEAKER**

Mersi Minis. *Comptroller*.

### **COMPTROLLER GENERAL ASTRIDE TAMATAVE**

Mersi Mr Chair. Mr Chair, proze pou 2024 pou *Seychelles Medical and Dental Council* i 1 milyon R253 mil. Ladan R380 mil i al anver depans bann travayer sa Konsey.

R873 mil i al anver depans dan byen e servis. E lamazorite larzan anba la i ganny trouve anba *other uses of goods and services*. Ki sa larzan prensipalman i al anver *Board Members fee*. I al anver *local consultancy e osi office building rent*. Mersi Mr Speaker.

### **MR SPEAKER**



Mersi. Manm a vot pou Bidze *Seychelles Medical and Dental Council*. Manm ki an faver lev lanmen silvouple? Mersi. Tou Manm in vote. Lo Bidze *Seychelles Medical and Dental Council* 26 Manm in vot pour, 0 kont, 0 abstansyon. Bidze in aprouve par Lasanble.

Avan nou *dismiss*, mon a zis *remind* bann Manm pou zot fer zot *homework* lo bann antite ki pe vini Lendi. Nou annan bomaten nou pou annan *Ministry of Education* ek *Institute of Early Childhood Development*. E osi apre sa, *Department of Fisheries* e *Department of Blue Economy*. E apre midi nou pou annan Departman *Foreign Affairs* e Departman *Tourism*.

Donk, mersi Minis pou zot partisipasyon. E mersi tou bann Manm pou zot kontribisyon. Nou ava prezan pas dan Staz Lasanble pou nou *adjourn* Lasanble. Lasanble a *adjourn* e nou a rebran travay Komite lo Bidze Lendi 9 er bomaten.

**(ADJOURNMENT)**